

San Lucas

1-2 Puh̄to Teófilo, ah̄rire m̄h̄u buheatire m̄h̄ure ojoa ohoḡu niaja. Jesu us̄ã mehna ijinino tiquiro yerire apequina ojoa d̄uca tuhasari jiri. Coã warop̄ure Jesure ih̄ñariquina, tiquiro yere buheriquina tiquina ni yahuriro sahata apequina tire ojoa d̄uca tuhasari jiri. 3 Sa yeḡu ah̄ri ij̄ipihtiyere quehnoano masi peho duaḡu buhei. Sa yeḡu yuh̄u ḡuh̄u tire quehnoano ojoa duaja m̄h̄u buheatire yeḡu. 4 Jesu yere yahuyequina m̄h̄ure buhe tuhasari. Tire quehnoano m̄h̄u masi nemoatire ah̄ri p̄ure m̄h̄ure ojoa ohoḡu niaja.

Ñu wame yeatiquiro tiquiro masa bajuatire angel yahuahye

5 Jesu masa bajuato pano, Herode Judea yehpa cj̄ena puh̄toro tiquiro ij̄iḡu Zacaria wame tiriquire pehe pahi ij̄iahye. Sa yero Zacaria tiquiro ya curua cj̄ena pehe pahia curua Abia m̄n̄ano ya curua cj̄ena ij̄iahye. Zacaria namono ḡuh̄u pahi Aaron m̄n̄ano panameono iji turiaricorop̄u ij̄iahye. Ticoro pehe Elisabe wame tiricoro ij̄iahye. 6 Tiquina p̄aro Coh̄ãcj̄u dutiyere quehnoano ye pehoyequina tiquina ij̄iḡu ih̄ñano, “Decoripe quehnoañene yere”, ni ih̄ñahye Coh̄ãcj̄u tiquinare. 7 Elisabe ne pohna marienico ij̄iahye. Ticoro Zacaria mehna sata muh̄u c̄ahye pohna mariedape.

8 Pahia dahrayere dahraye tehe, decoripe tiquina comesae tiahye. “Zacaria ya curua

cjēna ijire”, tiquina nidi bato tiquiro pahia decoripe tiquina yeducuriro saha Cohācjũ ya wuhupũ dahraro taro niahye Zacaria. ⁹ Pahia sa yeducuriro saha tiquina “¿Noare ijirrotari ujũa m̄oatiquiro?” niñe, doquepeye mehna bueyere ehme sitiye ujũa m̄oatiquirore beseahye. Cohācjũre ño peori altarũ tiquina beseriquiro Zacaria ehme sitiye ujũa m̄oatiquiro ijiahye. Sa yero tiquiro Cohācjũ wuhupũ sajãa wahahye ujũa m̄ono waharo. ¹⁰ Wuhupũ ijiro ehme sitiye tiquiro ujũa m̄ono watoa ijipihtiyequina masa pehe sopecahapũ Cohācjũre sinie tiahye. ¹¹ Ti pjere Cohācjũ yaquiro angel Cohācjũre ño peori altar poto pehe bajuadũca sahye Zacariare. ¹² Tiquiro sa bajuagũ ihñano Zacaria tiquirore ihña maria, cuea wahahye. ¹³ Sa tiquiro cuegũ ihñano angel tiquirore yahuahye:

—Zacaria, cueracãhña. Cohācjũ m̄uhũ sinidire tũhori. Sa yena m̄asa pohna tinata. M̄asa macũ masa bajarota. Tiquiro bajuagũ Ñu wame yeya tiquirogãre. ¹⁴⁻¹⁷ “Tiquiro quehnoariquiro, tutu-ariquiro ijire”, ni, ihñanota Cohācjũ m̄uhũ macũre. Tiquiro masa bajuari bato vinore, sihbiorire sih-nisi. Sa yero tiquiro masa bajuari bato Espiritu Santo nidiro sahata yeriquiro ijirrotati quiro. Sa yero peyequina m̄uhũ acaye Israe masare Cohācjũ mari pũhtorore quehnoano cahmegũ yerota m̄uhũ macũ. Sa yero tiquiro Cohācjũ yere buhero Elia m̄nana Cohācjũ yere yahu m̄htariquiro tiquiro buheriro sahata Espiritu Santo yedohoro mehna Cohācjũ tutuaye mehna m̄uhũ macũ gũhũ buherota. Sa buhero tiquina pacũsm̄ha tiquina

pohne mehna quehnoano cahme cahĩgũ yerota. Sa yero dutiyere yãhdũdũcariquinare quehnoano tiquina ño peoye mehna yãhtigũ yerota. Sa buhero mari pũhtoro Cohãcjũ yequina ijiatire yerota tiquiro. Sa yegũ tiquiro masa bajuari bato mũhũ bucuegũta. Peyequina apequina gũhũ bucueeta, niahye angel Zacariare.

¹⁸ Tiquiro sa nigũ tũhoro Zacaria pehe sinituahye angelre:

—Ƨsã bũcũna ijiaja. ¿Sa yegũ mũhũ nidi poto ijigũ dũhse masigũtari yũhũ? niahye tiquiro.

¹⁹ Tiquiro sa nigũ angel pehe tiquirore yahuahye:

—Yũhũ Gabriel wame tigũ ijiaja. Cohãcjũ cahacjũ tiquiro cahapũ ducugũ ijiaja yũhũ. Cohãcjũ ahri quehnoañe quitire yahu dutiro, mũhũ cahapũ yũhũre ohori. ²⁰ Yũhũ yahuriro sahata potota waharota. Yũhũ sa niepegũta yũhũre mũhũ poto tũhoerari. Sa yegũ yojopũre mũhũ yahuducuegũ wahagũta. Mũhũ macũ tiquiro bajuari bato yahuducugũta tja, niahye angel Zacariare.

²¹ Sopecahapũ ijিয়েquina masa Zacariare cohteye niahye. “¿Dũhse ijiro boro tiquiro Cohãcjũ wũhũpũ ijiro, sojaro wijia taerajari?” ni, cohteye niahye masa tiquirore. ²² Sa yero ti wũhũpũ ijiriquiro wijia wihi, tiquina mehna yahuducu masiedahye. Tiquiro sa yahuducu masiedagũ ihñañe “Tiquiro Cohãcjũ wũhũpũ bajuanohno niaya”, ni, tũhotuahye tiquina. Sa yero yahuducu masiedaro tiquiro omocari mehna masare yahuducuahye.

²³ Cohãcjũ wũhũpũ tiquiro dahraye pihtigũ, tojoaa wahahye tiquiro ya wũhũpũ. ²⁴ Tiquiro sa

wahari bato tiquiro namono Elisabe coã nijinore cao cãhtaro niahye. Sa yero ticoro ihcã omope asũri waro masa cahapũ wahaerahye. ²⁵ Ohõ saha niahye ticoro: “Yojopũre yũhũre Cohãcjũ yedohori. Yũhũ pohna mariego ijigo tutuaro bũoro tũhotuu yũhũ. Cohãcjũ yedohoro mehna nijinogãre bocagota”, ni tũhotuahye ticoro.

Jesu tiquiro masa bajuatire yahuahye angel

²⁶⁻²⁷ Elisabe seis asũri ticoro niji pacoro ticoro ijiri bato Cohãcjũ pehe angel Gabriel wame tiriquireore nuhmino cahapũ ohoahye. Ticoro Nazarepũ Galilea yehpapũ ijiri macapũ ijiahye. María wame tiricoro ijiahye. José wame tiriquireo ijiahye ticoro mehna omoca dahteatiquireo. Tiquiro panopũ cjãno Davi mũnano panamino iji turiariquireo ijiahye. ²⁸ Sa yero María cahapũ esaro, angel yahuahye:

—¿Ne, ijiajari mũhũ, María? Cohãcjũ mũhũ mehna ijiro nine. Sa yero mũhũre quehnoano yero nine. [Ijipihtiye numia apequina numia yũhdũoro quehnoano yere mũhũre,] niahye angel ticorore.

²⁹ Tiquiro sa nigũ tũhoro, ticoro tutuaro wacũ tũhotuahye. Angel tiquiro yahurire tũhoturo “¿Dũhse nino yũhũre sa niagari?” ni wacũahye ticoro. ³⁰ Ticoro sa ni wacũgũ ihũano angel yahuahye ticorore:

—María, Cohãcjũ mũhũre tutuaro cahĩne. Sa yego mũhũre yũhũ yahuatire tũho acũeracãhĩa. ³¹ Quehnoano tũhoya. Nijinore bocagota mũhũ. Sa yero mũhũ macũ masa bajarota. Tiquirore Jesu wame yegota mũhũ. ³²⁻³³ Tiquiro tutua

yuhdɨariquiro ijirota. Sa ye tiquirore “Cohãcjũ ahmɨse cjãno macɨno ijire”, nieta masa. Sa yero mɨhɨ macɨ ñesɨno iji turiariquiro mɨnanopɨ Davi mɨnano Israe masa tiquina pɨhtoro tiquiro ijiriro sahata mɨhɨ macɨ gãhɨre cũnota Cohãcjũ. Sa yero ijipihtiye decori tiquiro Israe masare dutirota. Sa yero tiquiro pɨhtoro ijiye pehe ne pih-tisi, niahye angel.

³⁴ Tiquiro sa nigũ María pehe sinituahye:

—¿Duhse yuhɨ manɨ mariedapegota pohna ti-boagari yuhɨ? niahye ticoro.

³⁵ Ticoro sa nigũ angel pehe yahuahye:

—Espíritu Santo mɨhɨre pohna tigũ yerota. Sa yero Cohãcjũ tiquiro tutuaye ehmeo curua yero saha ahtarota mɨhɨre. Sa ye “Cohãcjũ macɨno ijire”, nieta masa mɨhɨ macɨre ñaɱe yer-ariquirore. ³⁶⁻³⁷ Cohãcjũ ijipihtiyere ye masine. Sa yero mɨhɨ acayoro Elisabe buɨoro ijieperota nijinogãre bocari ticoro gãhɨ. Ticoro pohna tirota ɨmɨnogãre. Masa ticorore “Pohna marienicoro ijire”, tiquina nidicoro, yojopɨre seis asũri waro wahare nijino ticoro bocari bato, niahye angel Maríare.

³⁸ Tiquiro sa nigũ María yɨhtiahye:

—Yuhɨre tɨhoya. Mari pɨhtoro tiquiro cahacjõ ijiaja yuhɨ. Mɨhɨ nidiro saha yuhɨre sa wahaahro, niahye ticoro.

Ticoro sa nidi bato angel wahaah wahahye.

María Elisabere ihñano wahahye

³⁹ Tiquiro sa nidi bato María cɨnɨ cjɨ ijiri yeh-papɨ Judea yehpapɨ ijiri macapɨ sojaro mehna wahaah wahahye. ⁴⁰ Topɨ esaro, Zacaria ya

wuhupɨ sajãno, “¿Ne, ijiajari?” niahye ticoro Elisabere. ⁴¹ Ticoro sa nigũ Elisabe tãhogũta, ticoro macano pehe niji suhtiropɨ ijiriquiro ñuhmiahye. Elisabe Espiritu Santo dutiriro sahata ye pehoricoro ijiro, tiquiro tutuayere cɔoricoro ijiahye. ⁴² Sa yero tutuaro bucueye mehna ticoro tutuaro yahuducuahye.

—Ijipihtiyequina numia yuhduoro mɔhure quehnoano yeri Cohãcjũ. Mɔhɨ macɨ gãhure quehnoano yeri Cohãcjũ. ⁴³ Cuehi, yuhɨ pɔhoro pacoro yuhɨ cahapɨ ahtagũ quehnoano yeri yuhure Cohãcjũ. ⁴⁴ Mɔhɨ yuhure “¿Ne, ijiajari?” mɔhɨ nigũ yuhɨ macɨ pehe niji suhtiropɨ ijiriquiro bucueye mehna ñuhmiahti yuhure. ⁴⁵ Cohãcjũ tiquiro nidiro sahata yerota. Sa yego tiquiro yahurire tãhorigo ijigo bucuego ijire mɔhɨ, niahye Elisabe.

⁴⁶ Ticoro sa nigũ María yãhtiahye:

“Cohãcjũ quehnoariquiro, tutuariquiro ijire”, niaja. Yuhɨ quehnoano jeripohna tiaja. ⁴⁷ Cohãcjũ yuhure pecapɨ wahaborigore yedohoriquiro ijire. Sa yero yojopɨre yuhure quehnoano bucueye mehna ijigũ yere. ⁴⁸⁻⁴⁹ Yuhure tiquiro cahacjõre wacũri jiri. Cohãcjũ tutua yuhduariquiro quehnoañe dihitaro yuhure yedohori. Sa ye yojopɨre “Ticorore Cohãcjũ quehnoano yeri”, ijipihtiyequina masa sa ni, yahuducueta yuhure. Cohãcjũ ñañe marieniquiro ijire. ⁵⁰ Ijipihtiyede decori ijipihtiyequina tiquirore ño peoyequinare tiquiro paja ihñariquiro

ijire. ⁵¹ Cohãcjũ tiquiro tutuaye mehna yeahye. “Apequinare masi yũhdũdũcaja”, niñequinare yũhdũdũcahye tiquiro. ⁵² Pũhtoare cohãhye tiquiro. Sa yero cahacjẽna pehere pũhtoa yero saha cũahye tiquinare. ⁵³ Ʋjũa ahbayequinare tiquiro quehnoañe ihyayere ohoahye. Sa yero peye doeri cjẽ cũoyequinare doeri cjẽ cũoeragũ yeahye tiquiro. ⁵⁴⁻⁵⁵ Mari ñecũsumũa iji turiayequina mũnare tiquiro yahu cũriro sahata ye pehoahye Cohãcjũ. “Pecapũ wahaboriquinare yũhdũoutja”, tiquiro ni yahu cũriro sahata ye pehoahye. Sa yero tiquiro cahacjẽnare Israe masare tiquiro yedohoahye. Abrahã mũnanore mari ñecũsumũa mũnare ijipihtiyequina tiquiro acaye tiquiro bato ijiyequina gũhũre Cohãcjũ ijipihtiye decori sa paja ihñaducuriquiro ijie tiahye. Tiquinare tiquiro yahu cũrire boerahye Cohãcjũ, niahye María.

⁵⁶ Ihtia asũ waro Elisabe mehna ijiahye. To puno ticoro ijiri bato ticoro ya macapũ tojoaa wahahye María.

Ñu masa bajuahye

⁵⁷ Elisabe ticoro niji wahcõ, pohna tiahye. Ticoro macũno masa bajuahye. ⁵⁸ Sa yero Cohãcjũ ticorore tiquiro sa yegũ ticoro ya maca cjẽna ticoro acaye gũhũ ticoro mehna bucueahye. ⁵⁹ Ocho decori tiquiro masa bajuari bato, tiquiro pacũsumũa tiquirogãre cuhnucunũ sohtoa cahserogãre yũhre ne dutiye tee niahye. Sa

yeye tiquina mehna cjēna tiquina cahapɥ esahye tiquina yɥhre negũ ihñañe tehe. Tiquina mehna cjēna Zacaria tiquiro pacɥro wamene tiquirogãre wame ye duamahye. ⁶⁰ Tiquina sa wame ye duepegãta tiquiro pacoro ohõ saha niahye:

—Tiquiro pacɥro wamene wame yeraja. Ñu wame yenatja tiquirogãre, niahye ticoro.

⁶¹ —Mɥhɥ acaye ne ihcãquiro Ñu wame tiriquiro mariedare, niahye tiquina ticorore.

⁶² Sa ye tiquina omocari mehna yahuducu, Zacariare sinituahye tiquina:

—¿Mɥhɥ waro dɥhse wame ye duajari mɥhɥ macɥre? ni, sinituahye tiquirore.

⁶³ Tiquina sa nigã tiquiro pehe ojoari pjñe sini, ñehe, ojoahye: “Yɥhɥ macɥ Ñu wame tirota”, ni, ojoahye Zacaria. Tiquiro sa ni ojoagũ tiquina pehe tɥho maria wahahye. ⁶⁴ Tiquiro sa ni ojoari bato tiquirore yahuducugã yeahye Cohãcjã. Sa yero tiquiro yahuducua wahahye.

—Cohãcjã tutuariquiro, quehnoariquiro ijire, niahye tiquiro.

⁶⁵ Tiquiro sa ni yahuducugã tɥhoye to cjēna tɥho maria wahahye. Sa ye ahri ijipihtiyere Judea yehpa cjēnare cɥnɥ cjɥ watoa ijiyequinare masa yahu siteahye. Sa ye masa to cjēna quehnoano masi pihtia wahahye. ⁶⁶ Ijipihtiyequina tire tɥhoye wacũahye. “Cohãcjã tutuayere ahriquirogã cɥore. Sa yero ihyo ijiriquiro ijisi tiquirogã”, ni, tɥhotuahye masa.

Zacaria Cohãcjãre ño peoahye

⁶⁷ Sa yero tiquiro pacuro Zacaria Espiritu Santo dutiriro sahata ye pehoriquiro ijero tiquiro tutu-ayere cɔoriquiro ijero Cohãcjũ yere yahuahye:

⁶⁸ Cohãcjũre ño peouhna mari. Mari Israe masa tiquiro yequina ijiaja mari. Sa yero mari cahapɔ wihiro, marine yedohoro quehnoano yɔhdɔgũ yerota. ⁶⁹ Sa yero Cohãcjũ tutuariquirore marine pecapɔ wahaborinare quehnoano yɔhdɔgũ yeatiquirore ohori jiri. Marine quehnoano yɔhdɔoatiquiro tiquiro acayuro mɔnano Davi ijire. Davi mɔnano pehe marine yɔhdɔoatiquiro cahacjũno ijire. ⁷⁰ Panopɔ tiquiro yere yahu mɔhtariquinare Cohãcjũ ohõ sahata ni ahrire yahu dutiahye. ⁷¹ Marine ihña tuhtiequina marine ñano tiquina ye duagũ ihñano “Mɔsare yedohoutja”, ni, cũahye Cohãcjũ marine. ⁷² Mari ñecɔsumɔa mɔnare “Mɔsare paja ihñagɔ, yedohoutja. Mɔsare yɔhɔ yahu cũrre wacũtja”, niahye Cohãcjũ mari ñecɔsumɔa iji turiayequina mɔnare. Ti pjerɔre tiquiro nidiro sahata marine yojopɔre yere. ⁷³⁻⁷⁵ Ohõ saha ni cũahye Cohãcjũ panopɔre Abrahãre: “Mɔhɔ acaye camerɔ ijieyquinare ihña tuhtiequina tiquina ijigũ cohãtja. Sa yegɔ mɔhɔ acayere yedohoutja. Sa ye tiquina cuero marieno yɔhɔ dutiyere ye masieta. Sa yegɔ tiquina ñañene yɔhɔ cohãgũ, tiquina yɔhɔ ihñonopɔ ijipihtie decori quehnoañequina ijiducueta”, ni, yahu cũahye panopɔ Cohãcjũ mari acayuro mɔnanore Abrahãre, niahye

Zacaria.

Sa ni tuhasa tiqairo macunore ohõ saha niahye:

⁷⁶⁻⁷⁷ Macu, mähure ohõ saha nieta masa: “Cohãcjũ tutua yuhdũariqairo tiqairo yere yahu mahtariqairo ijire”, nieta mähure. Sa yegu mähü mari puhtoro Cristo pano wahayuguta mähü. Sa wahagu ohõ saha ni yahuguta mähü. “Cohãcjũ musa ñañene cohãno, pecapu wahaborinare yuhdũorota musare”, ni, yahuguta mähü. Sa ni yahugu mari puhtoro tiqairo ahtatire yahuyugu niguta mähü. ⁷⁸ Cohãcjũ pehe marine tutuaro paja ihñariqairo marine quehnoano yeriqairo ijiro, tiqairo marine pecapu wahaborinare yuhdũo duare. Marine yuhdũoro ahtaro Cristo mari cahapu ahtarota. ⁷⁹ Ijipihtiyequina marine pecapu wahaborinare yuhdũo duare tiqairo. Sa yero Cohãcjũre masiena mari ijigũ ihñano marine masigũ ye duare tiqairo. Sa yero mari quehnoano ihcãno mehna mari ijiatire yahurota marine, niahye Zacaria.

⁸⁰ Sa yero Zacaria macuno quehnoano pagu tiriqairo masahye. Sa yero Cohãcjũre tutuaro ño peohye. Sa yero yoari pje masa marienopu ijie tiahye. Israe masare buhe dũcaro toputa ijie tiahye.

2

Jesu masa bajuahye

(Mt 1.18-25)

¹ Ti pjere ijipihtiye yehpari cjẽna puhtoro Augusto ijie tiahye. Sa yero ijipihtiyequinare

queo dutiahye. ² Ahriquina masare tiquina coã queo d̄ucagũ Siria yehpa cj̄ena p̄h̄toro Cirenio wame tiriquireo ijiahye. ³ Sa ye ijipihtiyequina tiquina ñecusum̄na panop̄u cj̄ena ye macarip̄u tiquina wamene oja ohõñe wahahye. ⁴ José ḡũh̄u Nazarep̄u Galilea yehpap̄u ijiri macap̄u ijiriquina waha, Judea yehpap̄u Belẽ wame tiri macap̄u esahye. P̄h̄toro Davi m̄n̄n̄ano panop̄u cj̄ano tiquiro masa bajariro ijiahye Belẽ. José Davi m̄n̄n̄ano panamino iji turiariquiro ijiro Belẽp̄u tiquiro wamene oja ohõ dutiro wahahye. ⁵ Sa yero María tiquiro omoca d̄uhteaticoro mehna top̄u tiquiro wamene oja ohõ dutiro esahye. Ticoro pehere meheñe decorigã d̄uhsahye nijino bajuato. ⁶ Sa yero Belẽp̄u esaro ticoro niji wahcõahye. ⁷ Top̄ure masa tiquina carĩni wuh̄u ne esa tuhaerahye tiquinare. Sa yero ticoro pohna ti tuhasa, tiquirogãre suhtiro mehna coma, wec̄na tiquina ihyari cohrop̄u, taa bui tiquirogãre duhu peoahye. Tiquirogã ticoro coã mac̄u ti m̄h̄tariquireogã ijiahye.

Angele ovejare ihña ihboyequinare bajuahye

⁸ Ti ñamine oveja tiquina ijiróp̄u ovejare ihña ihboyequina tiquina yequina ovejare ihña ihboye niahye. ⁹ Sa yero Cohãcj̄ũ ohoriquiro angel tiquinare bajuahye. Tiquiro sa bajuagũ Cohãcj̄ũ asi siteye tiquinare buhrioahye. Tiquiro sa asi sitegũ ihñañe, ovejare ihña ihboyequina cuea wahahye. ¹⁰ Tiquina sa wahagũ angel tiquinare yahuahye:

—Quehnoañe quitire m̄sare yahuḡu ahtaja. Ijipihtiyequinare masare bucuegũ yerota ahri

quiti. Sa yena yahure cueracãhña masa. ¹¹ Mia ñamine pãhtoro Davi munano ya macarũ masare pecarũ wahaborinare yãhdũoatiqiro, Cristo Cohãcjũ ohoriquiro mari pãhtoro masa bajua tuhasari. ¹² Sa yero suhtiro mehna comariquirogã wecua ihyari cohro bui tiquina duhu peoriquirogã masa ihñatiquirogã tiqiro ijirota, ni yuahaye angel tiquinare.

¹³ Tiquiro sa nigũta peyequina ahmuse cjẽna iji mãhtariquiro angel mehna Cohãcjũre ño peohye. Ohõ saha ni ño peohye tiquina:

¹⁴ Cohãcjũre ahmuse cjũnore ño peouhna. Sa ye Cohãcjũ tiqiro cahñnequina cuero marieno cahmequeno marieno quehnoano ijiahro, ni, ño peohye angele pari.

¹⁵ Sa ni tuhasa ahmusepũ tiquina majari bato ovejare ihña ihboyequina pehe tiquina basi cahme yahuducuahye:

—Ahrire Cohãcjũ marine tiqiro yahurire Belẽpũ isa ihñaahna, niahye tiquina basi.

¹⁶ Sa niñe sojaro mehna wahaahye. Tiquina Marĩare, Josere boca sa, nijinogãre wecua ihyari cohropũ tiquina duhu peoriquirogãre ihñahye tiquina. ¹⁷ Ovejare ihña ihboyequina tiquirogãre ihña tuhasa nijinogãre angel tiqiro yahurire yuahaye apequinare. ¹⁸ Tiquina sa ni yahugũ ijipihtiequina tiquinare tãho maria wahahye. ¹⁹ Ahri ijipihtiyere Marĩa wacũ tãhotuahye. ²⁰ Sa yeye ovejare ihña ihboyequina pehe angel tiqiro yahuriro saha ijigũ ihñañe, “Cohãcjũ tutuariquiro ijire”, ni bucueahye. Sa ni bucueye tojoaa wahahye.

Cohãcjũ wãhupũ Jesu pacũsumãa tiquirogãre neahye

²¹ Ihcã semana bato nijinogã tiquiro cuhnucunũ sohtoa cahserogãre yũhre ne tuhasa tiquirogãre tiquina Jesu wame yeahye. Jesure coã waro ticoro bocato pano angel pehe “Jesu wame yeya tiquirogãre”, ni yahu tuhasahye. Sa yeye tiquirogãre Jesu wame yeahye.

²²⁻²⁴ Cohãcjũ dutiye Moise tiquiro yahuriro saha yeye tehe, José, María mehna Jerusalẽpũ wahahye. Topũ wahahye María ticoro pohna tiri bato pagũ quehnoaricoro ticoro tojoarire ihñoño taro. Cohãcjũ dutiriro sahata tiquina minicjũare ohoye wahahye Cohãcjũre ño peoye. Ohõ saha dutiahye Cohãcjũ: “Bujuaare pũaro ohoya yũhure. O tiquina mariedagũ apeqũna boro minicjũare ohoya yũhure ño peona”, ni dutiahye Cohãcjũ. Tiquiro dutiriro sahata yeahye tiquina ticoro pagũ quehnoari pagũ ticoro waharire ihñoño taye.

Topũ wahaye tiquina Jesugãre neahye. Tiquirogãre Cohãcjũre “Ahriquirogã mãhũ yaquiuro ijiatiquirogã ijire”, ni ihñoño wahahye. Ohõ saha yeahye Cohãcjũ yere tiquina ojoari pũpũ tiquiro ye dutiriro sahata. “Ijipihtiyequina mãsa pohna coã bajua mãhtañequinagãre Cohãcjũre ihñoña. ‘Ahriquirogã mãhũ yaquiurogã ijiatiquiro ijire’, ni ihñoña”, ni dutiahye Cohãcjũ. Sa ye tiquiro dutiriro sahata yeahye tiquina, Jerusalẽpũ ijiye.

²⁵ Ti macapũ Simeo wame tiriquire ijiahye. Tiquiro quehnoariquire, Cohãcjũre ño peoriquire ijiro, Israe masare Cohãcjũ yedohoatire cohteriquiro ijiahye. Sa yero Simeo Espiritu Santo tiquiro nidiro saha yeriquiro ijiahye.

26 Sa yero tiquiro yariato pano Cohãcjũ tiquiro ohoatiquirore Cristore tiquiro ihñatire yahuahye Espíritu Santo tiquirore Simeore. 27 Sa yero Espíritu Santo tiquirore dutigã Cohãcjũ wãhãpũ sajãa wahahye. Tiquiro sajã sari bato Jesu pacusũmũa tiquina macunogãre ne sajãhye. Cohãcjũ tiquiro dutiriro sahata yeye niahye. 28 Simeo pehe tiquirogãre wãa ne, Cohãcjũre ño peo, “Quehnoare”, ni, tiquiro mehna yahuducuahye.

Ohõ saha niahye tiquiro Cohãcjũre:

29-32 Yojopũ pũritare pũhto, mũhũ nidiro sahata masare pecapũ wahaboriquinare yũhdũoatiquirore ohori jiri mũhũ. Tiquiro judio masa ijieyequinare buhero mũhũre quehnoano masigũ yerota tiquinare. Masare yũhdũoatiquiro Israe masũnore mũhũ cũahye. Ûsã acayũrore Israe masũnore mũhũ cũgũ ijipihtiyequina masiñe, “Israe masare quehnoano yere Cohãcjũ”, nieta masa. Ahriquirogã usãre yũhdũoatiquiro ijire. Sa yegũ ahriquirogãre ihña tuhasagũ, yojopũre quehnoano bucuegũ yariũtja, niahye Simeo.

33 Simeo tiquirogãre tiquiro sa nigũ tiquirogã pacusũmũa pehe tũho maria wahahye. 34 Sa yero Simeo tiquinare “Quehnoano ijiya mũsa”, nino tiquiro María Jesu pacorore yahuahye:

—Cohãcjũ ahriquirogãre beseahye. Sa beseriquirogã tiquiro ijiepegãta judio masa peyequina tiquirore yũhdũdũcaeta. Sa ye tiquina pecapũ wahaeta. Sa yero judio masare peyequina tiquiro yũhdũoatiquiro gũhũre Cohãcjũ beseri

tiquirogãre. Tiquiro Cohãcjũ yere yahuriquiro tiquiro ijiepegãta masa peyequina tiquirore ñano ni yahuducueta. ³⁵ Tiquina sa yegũ apequna tiquina ñano wacũñene masieta. Sa yego maħħ tutuaro purĩno yero saha bujma witigota, niahye Simeo Mariãre.

³⁶ Topħ Cohãcjũ yere yahu maħtaricoro Ana wame tiricoro ijiahye. Ticoro Fanuel macono ijiro, Aser mħnno ya curua cjõno ijiahye. Bħcħoro waro ijiahye. Ticoro nuħmino ijiro manħ tiahye. Sa yero siete caħmari waro ticoro manħno mehna ijiahye. To puno tiquiro ijiri bato ticoro manħno yariaa wahahye. ³⁷ Sa yero ochenta y cuatro caħmari waro wape wihoro ijie tiahye ticoro. Sa yero ticoro deco gũħare ñami gũħare Cohãcjũ yere yero taro siji, Cohãcjũ mehna yahuducu, Cohãcjũ wũħare ne wijiaera tiahye. ³⁸ Simeo tiquiro yahuducuri watoa ticoro tiquina cahapħ wihiro, bucuero, Cohãcjũre “Quehnoare”, niahye. Sa yero Jerusalẽ cjẽnare pecapħ wahaboriquinare yũhdħoatiquirore cohteyequinare ticoro Jesugãre yahuahye peyequina masare.

José, María, Jesu mehna Nazarepħ tojoaa wahahye tja

³⁹ Cohãcjũ dutiriro sahata ye tuhasaye, tiquina ya macapħ Nazarepħ tojoaa wahahye. Galilea yehpapħ ijiahye ti maca Nazare. ⁴⁰ Sa yero Jesu quehnoano masa, tutuariquiro wahahye. Sa yero tiquiro quehnoano tũho masiniquiro ijiahye. Sa yero tiquirore Cohãcjũ quehnoano yeahye.

Jesu coã wahmna dncaro, Cohãcjũ ya wuhupũ judio masare buheyequina mehna yahuducuro ni-ahye

⁴¹ Cũhmaripe Jesu pacusumna Jerusalẽpũ pascua decorire bose decorire ihñañe wahae tiahye. ⁴² Jesu doce cũhmari tiquiro cuogũ tiquina yeducuro sahata tiquina ijipihtiyequina Jerusalẽpũ wahahye. ⁴³ Sa yeye bose decorire ihña tuhasa tiquina ya macapũ tojoaa wahahye tja. Tiquina sa tojoepegũta Jesu pehe Jerusalẽpũ tojoa cãhye. Tiquiro pacusumna tiquiro tojoa queherire masiedahye. ⁴⁴ “Tiquiro mari mehna cjẽna mehna ijiaga”, ni tũhotumahye tiquina. Sa ye tiquina ihcã deco waro Jesu marieno wahamahye. Sa ye tiquina Jesure tiquina acaye watoa macamahye. ⁴⁵ Ne bocaerahye. Sa ye tiquina Jerusalẽpũ tiquirore macañe wahahye.

⁴⁶ Ihtia deco bato Cohãcjũ wuhupũ tiquirore boca sahye. Sa yero Jesu judio masare buheye-quinare tũho, tiquinare sinituro niahye. Sa ye cahme yahuducuye niahye. ⁴⁷ Tiquina ijipihtiye-quina Jesure tũhoye quehnoano masiniquirogã tiquiro ijigã ihñañe, tiquina tũho maria wahahye. ⁴⁸ Tiquiro pacusumna gũhũ Jesure ihñañe, ihña maria wahahye. Sa yero tiquiro pacoro tiquirore ohõ saha niahye:

—¿Macũ, dũhsegũ sa yeajari mũhũ usãre? Mũhũ pacusumna ohõ saha ni tũhotuu usã. “Tiquiro butia wahaga”, ni macaja usã mũhũre, niahye ticoro macunore.

⁴⁹ Ticoro sa nigã tiquiro pacusumnaare yahuahye:

—¿Dũhsena yũhare macajari mũsa? Yũhu Pacũ yũhare tiqũiro dutiriro saha yegũ niaja. ¿Tire masiedajari mũsa? niahye tiqũiro.

⁵⁰ Tiqũiro sa niepegũta tiqũina tũho ñehedahye.

⁵¹ Sa yero Jesu Nazarepũ tojoaa waha, tiqũiro pacũsumũare ne yũhdũdũcaerahye. Ahri ijipihtiye tiqũiro yerire María quehnoano wacũahye. ⁵² Sa yero Jesu bũcũa, quehnoano tũho masiniqũiro wahahye. Sa ye Cohãcjũ, masa gũhũ “Quehnoariqũiro ijire”, ni ihñahye tiqũirore.

3

Ñu wame yeriqũiro masare Cohãcjũ yere yahuahye

(Mt 3.1-12; Mr 1.1-8; Jn 1.19-28)

¹ Ti pjere tiqũina pũhtoro Tiberio wame tiriqũiro pũhtoro ijiri bato quince cãhmari wahahye. Sa yero Poncio Pilato wame tiriqũiro Judea yehpa cjẽna pũhtoro ijiahye. Sa yero Herode wame tiriqũiro Galilea yehpa cjẽna pũhtoro ijiahye. Tiqũiro bahũro Felipe Iturea yehpa cjẽna, Traconite yehpa cjẽna gũhũ tiqũina pũhtoro ijiahye. Sa yero Lisania wame tiriqũiro Abilinia yehpa cjẽna pũhtoro ijiahye. ² Sa ye Anás, Caifa mehna ijipihtiyequina pahia pũhtoa ijiahye. Ahriquina ijipihtiyequina tiqũina ijiri pjere Ñu Zacaria macũno masa marienopũ ijiriquirore Cohãcjũ pehe tiqũirore tiqũiro yere yahu dutiahye. ³ Sa yero Jordã wame tiri ma dũhtũ cahapũ ijiri yehpapũ ijipihtiropũ Ñu buhero wahahye.

—Musa ñañe yeyere bujua witiya. YojoPURE quehnoañe pehere comesaya. Sa yena wame yenohrina ijiya. Musa sa comesagũ ihñano Cohãcjũ musa ñañe yerire borota, ni, buhee tiahye tiquiro.

⁴ Isaia manano panopu cjũno Cohãcjũ yere yahu mahtariquiro ojoariro sahata ahriquiro yojoPURE yero niahye. Ohõ saha ni ojoahye Isaia Ñu tiquiro buheatire:

Masa marienopu yahuducu sañuducuriquiro ohõ saha ni buherota: “Mari puhtoro ahtato pano mahare mari quehnoyuriro saha quehnoana ijiyuya musa. Musa ñañe yerire bujua witiya. ⁵ Pe wuhtari, pe buhuari gũhure quehnoari paa mari yeriro saha, pari yawi ijiye maharine potoye mahari mari yeriro saha, ñañe maharine quehnoañe maharine mari yeriro saha, wetere musa coseriro saha musa ñañe yeyere duhuya. ⁶ Musa sa yegũ Cohãcjũ musare pecapu wahaborinare tiquiro yuhdugũ ihñaeta ijipihtiri yehpa cjẽna”, ninota tiquiro sañuducu yahuriquiro pehe, ni ojoahye Isaia manano panopure.

⁷ Masa peyequina Ñu cahapu wihiye tiquiro tiquinare wame yegũ cahmeahye tiquina. Sa yero tiquiro tiquinare yahuahye:

—Añaã pari yero saha ña yuhduna, cue duhti duana ijire musa. Musa ñañe yerire bujua witi duerana Cohãcjũ musa ñañe buhirire tiquiro buhiri dahreato pano duhti masiedare musa. ⁸ Sa yena potota musa ñañene bujua witina ijina, quehnoañene comesana ijina, quehnoañe pehere yeya musa. Ohõ saha ni tuhotueracãhña. “Panopu

cjũno Abrahã mari ñecũ munano ijie tiahye. Sa yena tiqũiro panamena ijina mari Cohãcjũ yequina ijiaja”, ni tuhotueracãhña mũsa. Mũsare niita niaja. Abrahã panamena iji turiana ijimene mũsa. Mũsa sa ijiepegũta ti mũsa sa ijiye dũhseati ijierare. Cohãcjũ pehe ahri utã paca mehna Abrahã acayere dahre masine. Sa ye Abrahã acaye mũsa ijiye ihyo waro ijire utã paca ihyo waro ti ijiro saha. ⁹ Ohõ saha ijire: Masa yucũri yero saha ijire. Cohãcjũ pehe yucũrire quẽatiare comeare cõriqũiro yero saha ijire. Sa yero ñãñe dũca tiye cjũre dũte cohã, ti nuhcori gũhũre dũte sure peho cãnota. Dũte sure tuhasa, pecapũ ujũanota tiqũiro ti cjũre, nuhcori gũhũre. Sata yerota masa gũhũre tiqũirore cahmeeñequinare, niahye Ñu masare.

¹⁰ Tiqũiro sa nigã tuhoye masa pehe tiqũirore sinituahye:

—¿Dũhse yenatari usã? niahye tiquina Ñure.

¹¹ —Pũa suhtiro cõriqũiro suhti mariediqũirore ihcãno ohoya. Sa yena mũsa ihyaye cõna apequina gũhũre ohoya, niahye Ñu.

¹² Meheñequinagã pũhtoa ye ijiatire wapa ne cohteyequina wame yenohriquina iji duaheye tiquina gũhũ. Sa yeye Ñu cahapũ wihiye, tiqũirore sinituahye:

—¿Buhegũ, usã pehe dũhse yenatari usã? niahye tiquina tiqũirore.

¹³ —Mũsa pũhtoa tiquina dutiro punota masare wapa neña. Ni meho wapa ne nemoedacãhña, ni yahuahye Ñu tiquinare.

¹⁴ Apequina surara tiqũirore sinituahye tja:

—¿Usã pehe dahse yenatari? niahye tiquina tiquiore tja.

—Masa yere niñerure ehmedacãhña. Sa yena tiquina ye niñerure ni meho nedacãhña. Musare tiquina wapa yero punota bucueya, ni, yahuahye Ñu.

¹⁵ Masa Cristore Cohãcjũ tiquiore ohoatiquiore cohteye niahye. Sa yeye ohõ saha ni tãhotu dahahye tiquina Ñure. “Ahriquiore Ñu pehe Cristo ijiboaga”, ni tãhotumahye tiquina. ¹⁶ Tiquina sa nigã tãhoro Ñu ijipihtiyequinare yahuahye:

—Yũhũ bato yũhũ yũhdũoro tutuariquiore ahtarota. Quehnoa yũhdũariquiore ijire tiquiore. Tiquiore yero saha ijieraja yũhũ pehe. Sa yegũ tiquiore tãhotugũ, “Ihyo ijigũ ijiaja”, ni tãhotuaja yũhũ. Yũhũ pehe musare wame yegũ aco mehna wame yemi. Tiquiore pehe yũhũ yũhdũoro yerota. Espiritu Santore masa mehna ijiducugũ yerota. Sa yero pecapũ ñañene tiquiore ujũa wero saha tiquiore ahtariquiore pehe musa ñano yeyere cose werota. ¹⁷ Yũhũ bato ahtariquiore trigo cahseri cohãriquiore yero saha ijire. Ti cahserire cohãriquiore tiquiore batiro mehna ijipihtiye trigo pjeri cahserire puti were. Sa ye tuhasa trigo pehere tiquiore ihbori wũhũpũ cũnota. Sata yerota tiquina ñañene bũjũa witiyequinare yũhũ bato ahtariquiore. Tiquiore puti weri cahseri pehere ujũanota. Ti peca tiquiore ujũari peca ne yatisi. Sata yerota tiquiore yũhũ bato ahtariquiore tiquina ñañene bũjũa witiyequinare, ni yahuahye Ñu.

¹⁸ Peye tiquiore sa ni yahuye mehna masare quehnoañe buheyere yahuahye Ñu. ¹⁹ Sa yero

pũhtoro Herode pehe tiquiro bahũro Felipe namonore tiquiro namo tiri buhiri, pajiro ñañene tiquiro yeri buhiri gũhare Ñu tiquirore yahumahye. ²⁰Tiquiro sa ni yahuri buhiri Herode pehe Ñure peresu yeahye, pari turi ñañene yero.

*Ñu Jesure wame yeahye
(Mt 3.13-17; Mr 1.9-11)*

²¹ Ñure tiquina peresu yeato pano apequina masare Ñu pehe wame yero niahye. Tiquinare wame yero Jesu gũhare wame yeahye. Sa yero Jesu diaprũ ducuriquiro Cohãcjũre tiquiro sinino watoa uhmũse parĩ maa wahahye. ²² Sa parĩ maari bato Espĩritu Santo bujua yero saha bajuriquiro Jesu buiprũ dijia tahye. Tiquiro ahtagũ uhmũserũ yahuducuro ca tahye:

—Mũhũ yũhũ macũ yũhũ cahĩgũ ijire. Mũhũ mehna tutuaro bucueaja, nino ca tahye uhmũserũ.

*Jesu acaye panoprũ cjẽna ijiahye
(Mt 1.1-17)*

²³ Jesu buhe dũcari cũhmare treinta cũhmari cũoahye tiquiro. “Tiquiro José macũno ijire”, ni, tũhotumahye masa. José pehe Elĩ macũno ijiahye. ²⁴ Elĩ Matat macũno ijiahye. Matat Levĩ macũno ijiahye. Levĩ Melqui macũno ijiahye. Melqui Jana macũno ijiahye. Jana José macũno ijiahye. ²⁵ José Matatĩa macũno ijiahye. Matatĩa Amós macũno ijiahye. Amós Nahũm macũno ijiahye. Nahũm Esli macũno ijiahye. Esli Nagai macũno ijiahye. ²⁶ Nagai Maat macũno ijiahye. Maat Matatĩa macũno ijiahye. Matatĩa Semei macũno

ijiahye. Semei Josec macuno ijiahye. Josec Judá macuno ijiahye. ²⁷ Judá Joanán macuno ijiahye. Joanán Resa macuno ijiahye. Resa Zorobabel macuno ijiahye. Zorobabel Salatiel macuno ijiahye. Salatiel Neri macuno ijiahye. ²⁸ Neri Melqui macuno ijiahye. Melqui Adi macuno ijiahye. Adi Cosam macuno ijiahye. Cosam Elmadam macuno ijiahye. Elmadam Er macuno ijiahye. ²⁹ Er Josué macuno ijiahye. Josué Eliezer macuno ijiahye. Eliezer Jorim macuno ijiahye. Jorim Matat macuno ijiahye. ³⁰ Matat Leví macuno ijiahye. Leví Simeo macuno ijiahye. Simeo Judá macuno ijiahye. Judá José macuno ijiahye. José Jonam macuno ijiahye. Jonam Eliaquim macuno ijiahye. ³¹ Eliaquim Melea macuno ijiahye. Melea Mena macuno ijiahye. Mena Matata macuno ijiahye. Matata Natán macuno ijiahye. ³² Natán Davi macuno ijiahye. Davi Isaí macuno ijiahye. Isaí Obed macuno ijiahye. Obed Booz macuno ijiahye. Booz Salmón macuno ijiahye. Salmón Naasón macuno ijiahye. ³³ Naasón Aminadab macuno ijiahye. Aminadab Admin macuno ijiahye. Admin Arni macuno ijiahye. Arni Esrom macuno ijiahye. Esrom Fare macuno ijiahye. Fare Judá macuno ijiahye. ³⁴ Judá Jacob macuno ijiahye. Jacob Isaac macuno ijiahye. Isaac Abrahã macuno ijiahye. Abrahã Taré macuno ijiahye. Taré Nacor macuno ijiahye. ³⁵ Nacor Serug macuno ijiahye. Serug Ragau macuno ijiahye. Ragau Peleg macuno ijiahye. Peleg Heber macuno ijiahye. Heber Sala macuno ijiahye. ³⁶ Sala Cainán macuno ijiahye. Cainán Arfaxad macuno ijiahye. Arfaxad

Sem macuno ijiahye. Sem Noé macuno ijiahye. Noé Lamec macuno ijiahye. ³⁷ Lamec Matusalē macuno ijiahye. Matusalē Enoco macuno ijiahye. Enoco Jared macuno ijiahye. Jared Mahalaleel macuno ijiahye. Mahalaleel Cainán macuno ijiahye. ³⁸ Cainán Eno macuno ijiahye. Eno Sete macuno ijiahye. Sete Adán macuno ijiahye. Adán Cohãcjũ yeriquiro ijiahye.

4

Watĩno ñañene ye dutimahye Jesure

(Mt 4.1-11; Mr 1.12-13)

¹ Jesu Espĩritu Santo dutiriro saha ye pehoriquireo ijiro, Jordã wame tiri ma cahapũ ijiriquiro tojoaa wahahye. Tiquiro sa tojoaa wahagũ Espĩritu Santo pehe tiquirore masa marienopũ neahye. ² Topũ esaro cuarenta decori ijiahye. Sa yero watĩno pehe Jesure ñañene yegũ cahmemahye. Sa yero ñañene ye dutimahye tiquirore. Ti decorire ne Jesu ihyerahye. Sa yero ti decori pihtigũ waro tiquiro mũja ahbahye.

³ Tiquiro sa mũja ahbagũ ihñano watĩno ohõ saha nimahye Jesure:

—Mũhũ Cohãcjũ macũ ijigũ, ahria utãre ihyaye dojomehneña, nimahye Jesure.

⁴ Jesu ohõ saha ni yũhtiahye:

—Yeraja. Cohãcjũ yere tiquina ojoari pũpũ ohõ saha nine: “Masare ihyaye mehna dihita catieraro cahmene. Ijipihtiye Cohãcjũ ye yahuye mehna ijiro cahmene”, nine Cohãcjũ, ni yũhtiahye Jesu watĩnore.

⁵ Tiquiro sa nidi bato watĩno pehe tiquirore cãnũ hũmãanũ buipũ ne mũja saro, duita ijipihtiye

macarine ihño dijioahye Jesure. ⁶ Sa ihño no Jesure yahuahye:

—Ijipihtiye ahri macari yuhure tiquiro ohori ijire. Sa yeguh yuhuh cahmediquirore oho masiaja. Sa yeguh ahri macarine, ahri macari cjēnare dutiati gūhure, tiquina cūoye mehna mūhure ohoutja. ⁷ Yuhure mūhuh ño peogū ahri macari ijipihtiye macarine mūhure ohoutja, niahye watño Jesure.

⁸ Jesu ohō saha ni yūhtiahye tiquirore:

—Mūhure ño peoeraja. Ohō saha nine Cohācjū yere tiquina ojoari pū: “Mūhuh pūhoro Cohācjū dihitare ño peoya. Tiquiro ye dutiye dihitare yeya”, ni ojoahye Cohācjū yere, niahye Jesu watñore.

⁹⁻¹¹ Tiquiro sa nidi bato Jerusalēpū watño pehe tiquirore ne cā, Cohācjū wūhuh buirpū ne sahye. Ne sa tuhasa tiquirore ohō saha nimahye:

—Cohācjū yere tiquina ojoari pū ohō saha nine: “Cohācjū tiquiro yequina angelere mūhure ihña ihbo dutirota. Sa yeye tiquina pehe mūhure ihña ihboeta, ‘Mūhupū utāpū pūhari’, niñe”, ni ojoahye Cohācjū yere tiquina ojoari pūpū. Tiquiro sa nidi poto ijigū mūhuh Cohācjū macū ijigū, yehrapū uhpu dijia ihñoña yuhure. Mūhure tiquina yedohogū ihñoña yuhure, nimahye watño Jesure.

¹² Jesu uhpu dijia ihño dueraro ohō saha ni yūhtiahye tiquirore:

—Cohācjū yere tiquina ojoari pū ohō saha nine: “Mūsa pūhoro Cohācjū tiquiro nidire ‘¿Poto iji-ajari?’ ni masi duana, Cohācjūre ye ihño duti tuhueracāhña”, nine Cohācjū yere tiquina ojoari pūpū, niahye Jesu watñore.

13 Sa yero watño ijipihtiye ñañene Jesure ye dutimahye. Sa duti tuhasaro mehenogã duhu cãriahye.

Galilea yehpapꞤ Jesu buhe dꞤcahye
(Mt 4.12-17; Mr 1.14-15)

14 Came Jesu GalileapꞤ tojoaa wahahye. Sa yero tiquiro Espíritu Santo tutuaye mehna yeahye. TopꞤ ijipihitropꞤ masa tiquirore quiti tiahye.

15 Judio masa buheye wꞤhꞤsepꞤ Jesu gãhꞤ buhee tiahye. Sa ye ijipihtiyequina masa tiquirore quehnoano yahuducuahye.

Nazare cjẽna Jesure ne cahmedahye
(Mt 13.53-58; Mr 6.1-6)

16-17 Came NazarepꞤ Jesu tiquiro masariropꞤta esahye. TopꞤ esa, saurú ijigã tiquiro sa yeducuro saha judio masa tiquina buheri wꞤhꞤpꞤ sajã sahye. TopꞤ tiquiro Cohãcjũ yere tiquina ojoari pũre buhero taro topꞤ ducuahye. Tiquiro sa ducugũ ihñañe to cjẽna pehe Cohãcjũ yere yahu mꞤhtariquiro Isaia mꞤnano tiquiro ojoari pũre tiquirore ohoahye. Ti pũpꞤ Jesu ahri yahuyere bocaro buheahye:

18 Cohãcjũ yaquiro Espíritu yꞤhꞤ mehna ijiro, yꞤhꞤre dutiri. Tiquiro pejecꞤoyequinare quehnoañe buheyere yahu dutiro ohori yꞤhꞤre. Sa yero peresupꞤ ijiyequina gãhꞤre tiquinare tiquiro yꞤhdꞤoatire yahu dutiro ohori yꞤhꞤre. Caperi bajueyequina tiquina quehnoano ihñatire ohori yꞤhꞤre. Sa yero masa ñano tiquina yenohriquinare wioacjꞤre yꞤhꞤre ohori. 19 Mari pꞤhtoro Cohãcjũ tiquiro yequinare pecapꞤ

wahaboriquinare tiquiro yuhduoatire yuhure yahu dutiro ohori, ni buheahye Jesu.

²⁰ Sa ni buhe tuhasa Jesu ti pūre quehnoari tunu torē, wahu cjūnore wia tuhasa, nuju sahye. Tiquiro nuju sagū ihñañe topu ijiyequina ijipihtiyequina tiquiro dihitare ihñahye. ²¹ Tiquina sa yegū tiquiro tiquinare yahu ducahye:

—Ahri mianogāta yuhu buhero saha Cohācjū tiquiro nidiro sahata waharo nine, niahye Jesu.

²² Tiquiro sa nigū tūhoye “Ahriquiro quehnoariquiro ijire”, ni tūhotuahye tiquina. Sa yeye tiquina tiquiro quehnoano yahuducugū tūhoye, tūho maria wahahye. Sa yeye ohō saha niahye tiquina basi:

—¿Yohnah, José macano ijierajari ahriquiro? niahye tiquina basi.

²³ Tiquina sa nigū masino Jesu yahuahye tiquinare:

—Yuhu buheyere tūho duerana, ohō saha ni tūhoture masa yuhure: “Duturu dohatiro tiquiro basi aco ti masine duturu waro tiquiro ijiyere ihñoño. Mūhu gūhu duturu tiquiro ye ihñoño saha māhu nidiro saha ijigū Cohācjū tutuaye mehna ye ihñoña usāre. Capernaupure Cohācjū tutuaye mehna ye ihñoñohti māhu. Usā gūhure sa ye ihñoña, māhu buheyere ‘Poto tjire’, usā niato saha”, ni duare masa yuhure. ²⁴ Ahrire yahutja masare. Cohācjū yere yahu māhtariquirore tiquiro ya maca cjēna ño peerare. Sa yena yuhure ño peerare masa ohōpu yuhu masarigū ijigū. ²⁵ Sata ijahye panopure. Panopu Elia tiquiro ijiri pjere ihtia cūhma ape cūhma deco waro

ne acoro ahtaerahye. Sa yero ijipihtiroputa ne ihyaye mariedahye. ²⁶ Ti pjere peyequina wape wiha numia Israe yehpapu tiquina ijiepeguta Cohãcjũ Elia mnanore tiquinare yedoho dutiro ohoerahye. Tiquiro ya macare sa ye dutieraperota ape yehpapu Sidõ cahapu ijiri macapu Sarepta wame tiri maca cjõno wape wihorore yedoho dutiro Elia mnanore ohoahye Cohãcjũ. ²⁷ Came Cohãcjũ yere yahu mhtariquiro Eliseo mnanano tiquiro ijiri pjere Israe yehpapu peyequina cami bucũ muna wiha tiquina ijiepeguta ihcãquiro Israe masnore ne quehnoa wahagũ yerahye Eliseo mnanano. Tiquiro ya yehpa cjẽnare yeraperota Naamán wame tiri quiro Siria yehpa cjũno dihitare quehnoa wahagũ yeahye tiquiro. Sa yero Israe masare yedohoeraro, Israe masa ijieyequina pehere yedohoahye Cohãcjũ, niahye Jesu tiquinare.

²⁸ Tiquiro sa nigũ tũhoye ijipihtiyequina ti wuhapu ijieyequina usua yahduã wahahye. ²⁹ Sa yeye tiquina wahcãduãca, Jesure ne wijia, ti maca duhtũ cahapu ijiri canpu tiquirore tudoque dijio duamahye. ³⁰ Tiquina sa ye duepeguta Jesu tiquina watoata wahaã wahahye.

Watĩnore cũori quiro Jesure piti cahye
(Mr 1.21-28)

³¹ Came Jesu Galilea yehpapu ijiri macapu Capernau wame tiri macapu esa, saurũ ijigũ masare buheahye. ³² Quehnoano masi pehori quiro tiquiro buhegũ tũhoye masa tũho maria wahahye. ³³ Ti wuhapu watĩnore cũori quiro ijiahye. Tutuaro sañuducuahye:

34 —Mũhũ Jesu Nazare cjũ usãre cariboeracãhña mũhũ. ¿Dũhse yegũ tagũ niajari usãre? ¿Mũhũ usãre butigũ yegũ tagũ niajari? Cohãcjũ macũ, quehnoagũ mũhũ ijigũ yũhũ masiaja, ni sañuducuahye Jesure.

35 Tiquiro sa nigũ tũhoro Jesu tuhtiahye watĩnore:

—Dihta mariahña. Duhuya tiquirore, niahye Jesu.

Tiquiro sa nidi bato masũnore watĩno pehe yehpapũ doque quehe sa tunugũ yeahye. Tiquiro sa yeri bato tiquiro pehe quehnoa wahahye.

36 Topũ ijieyequina ijipihtieyequina tiquiro sa wahagũ ihñañe, ihña maria wahahye. Sa ye tiquina basi ohõ saha ni yahuducuahye:

—¿Yabe boro buheye ijiajari ahri sa wahagũ yeye? Yohnah. Tutuaro mehna pũhtoro yero saha ahriquiro watĩare dutire. Sa yeye tiquiro dutiro sahata tiquina masare duhure, ni yahuducuahye tiquina basi.

37 Tiquiro sa yegũ ihñañe ti yehpapũ ijipihtiropũ masa Jesure quti dahreahye.

*Jesu Simo Pedro mareonore dutire yũhdũoahye
(Mt 8.14-15; Mr 1.29-31)*

38 Judio masa tiquina buheri wũhũre wijia, Simo ya wũhũpũ sajã sahye Jesu. Topũ Simo mareono dohatiro niahye. Tutuaro ujuaye tiahye. Sa ye tiquina ticoro dohatigũ yahuahye Jesure.

39 Tiquina yahuri bato tiquiro ticoro cahapũ esa, ujuayere suru dutiahye. Tiquiro sa suru dutiri bato ticorore ujuaye surua waha, duita quehnoa

wahahye. Ticoro sa waharo wahcã nuju sa, ticorota tiquinare ihyayere peoahye.

*Peyequina dohatiyequinare y_hhd_hoahye Jesu
(Mt 8.16-17; Mr 1.32-34)*

⁴⁰ Asũ sajãri bato ijipihtiyequina masa tiquiuro cahap_h ijiyequina dohatiyequinare Jesu cahap_h ne sahye. Dohatiyequina peyequina sijoro saha ijiye dohatiyere c_hoahye. Sa yero Jesu tiquiuro omocari mehna tiquina bui ña peo, ijipihtiyequinare tiquina dohatiyere quehnoano y_hhd_hoahye. ⁴¹ Watĩa gũh_hare Jesu duhu dutigũ tiquina duhuye sañuducuahye:

—M_hh_h potota Cohãcjũ mac_h ijire, niahye tiquina Jesure.

Jesu Cohãcjũ ohoriquiuro tiquiuro Cristo ijigũ watĩa masiahye. Sa yero Jesu tiquinare yahuducu dutierahye, “ ‘Cristo ijire’, ni yahu siteari”, nino.

*Galilea yehpap_h buheahye Jesu
(Mr 1.35-39)*

⁴² Bohrea m_hja tagũ Jesu ti macap_h ijiriquiro waha, masa marienop_h esahye. Tiquiuro sa esari bato masa tiquiore maca cã, boca saye, ohõ saha niahye:

—Ûsã ya macap_h tojoaya _hsã mehna. Ape sie wahaegũta, nimahye tiquina Jesure.

⁴³ Tiquina sa niepegũta tiquiuro pehe ohõ saha ni y_hhtiahye:

—Cohãcjũ tiquiuro p_hhtoro ijiyere quehnoañe buheyere apeye macarip_h gũh_hare buhe duaja y_hh_h. Cohãcjũ y_hh_hare ohori tire yahuacj_hare, niahye Jesu tiquinare.

44 Sa yero Judea yehparꝰ ijiye wꝰhꝰsepꝰ, judio masa tiquina buheye wꝰhꝰsepꝰ tiquiro buhe tini-ahye.

5

Jesu tiquiro buheyequinare peyequina wahi wejēgã yeahye

(Mt 4.18-22; Mr 1.16-20)

¹ Ape deco Jesu Genesare wame tiri ditara dꝰhtꝰ caharꝰ esahye. Topꝰ tiquiro ijigũ ihñañe peyequina masa Cohãcjũ yere tꝰho duaye tiquirore nꝰnꝰ tã sahye. Quehnoano wahpa dꝰca saa wahahye masa pari. ² Pꝰa yucꝰsa padꝰropꝰ pahsaye yucꝰsarire Jesu ihñahye. Ti yucꝰsari cjēna yohyeyequina maja sadꝰca, tiquina wēñecjꝰre coseye niahye. ³ Sa yero Jesu Simo yariarꝰ sajãhye. Sajã tuhasa tia yucꝰsare dia dꝰhtꝰ caharꝰ cuñariare weje buho dutiahye. Sa yero yucꝰsarꝰ duji, masare buheahye. ⁴ Buhe tuhasa, Jesu Simore ohõ saha niahye:

—Deco cjũnogã tu wioya. Sa yena mꝰhꝰ mehna cjēna mehna mꝰsa wēñecjꝰre doque ñoña wahi ñehēanaja, niahye Jesu.

⁵ Tiquiro sa nigũ tꝰhoro Simo Jesure yꝰhtiahye:

—Pꝰhto, wahi wejē bohreami usã mia ñamine. Bohreepenata ne ihcãquirogã wejēdahti usã. Sa wejēdapenata mꝰhꝰ dutiro saha doque ño tuhunata, ni yꝰhtiahye Simo.

⁶ Sa ni tuhasa tiquina doque ñoahye. Sa tiquina doque ñogũ tiquina wēñecjꝰre peyequina wahi sajãhye. Peyequina tiquina sajãgũ wēñecjꝰ tꝰhꝰnꝰa

wahamahye. ⁷ Sa wahagũ ihñañe aperia cjênare tiquina mehna cjênare pijioahye.

—Musa gũhũ yedohona ahtaya usãre, ni pijioahye Simo gũhũ.

Tiquina sa yedohori bato pũaria yucusa quehnoano miniparo bocahe wahire. ⁸ Simo Pedro sa wahi peyequina tiquina sajãgũ ihñano, Jesu cahapũ dũsepe curi mehna quehe sa, tiquiore niahye:

—Yũhũ pũhto, mũhũ mehna ijibogũ ijieraja yũhũ. Ñagũ ijiaja yũhũ. Sa yegũ yũhũre duhuya, niahye Simo Jesure.

⁹ Tiquiro, ijipihtiequina tiquiore mehna cjëna gũhũ peyequina wahi sajãgũ ihñañe, ihña maria wahahye tiquina gũhũ. ¹⁰ Pũaro Simo mehna cjëna Zebedeo pohne Santiago, tiquiore baharo Ñu mehna, tiquina gũhũ ihña maria wahahye. Tiquina sa ihña mariagũ ihñano Jesu Pedrore yahuahye:

—Ihña mariedacãhña. Yojoũre mũhũ wahire ñehe cahmecoagũ mũhũ ijiro saha Cohãcjũ yequina ijiatiquinare piji cahmecoagũ ijigũta mũhũ, niahye Jesu Simore.

¹¹ Tiquiro sa nidi bato tiquina yucũsarire ditara duhtũ cahapũ weje mo cũ cã, tiquina ye ijipihtiyere topũta cũ cã, Jesu mehna wahaa wahahye.

Jesu cami bũcũ mũna wihirore cami yatigũ yeahye

(Mt 8.1-4; Mr 1.40-45)

¹² Jesu ape macapũ tiquiore ijigũ cami bũcũ mũna wihiro tiquiore piti cahye. Sa piti caro tiquiore

Jesure ihña, dusepe curi mehna quehe sa, tutuaro siniahye:

—Pũhto, mũhũ yũhũre yũhdũo duagu yũhdũoya, ni siniahye.

¹³ Tiquiro sa nidi bato Jesu tiquirore ña peoro ohõ saha niahye:

—Tire ye duaja. Yojopũ quehnoagu ijiya mũhũ, niahye.

Tiquiro sa nigũta tiquiro cami ahbari yatia wahahye. ¹⁴ Sa yero Jesu tiquirore dutiahye:

—Ahri yũhũ ohõ saha yerire apequinare yahueracãhña. Pahi cahapũ wahaya yojopũre. Sa yegu mũhũ pagũre quehnoari pagũ waharire ihñoña tiquirore. Cohãcjũ dutiye Moisere tiquiro cũri nidiro saha yeya. Sa yegu pahire pũaro minicjũare ohoya mũhũ cami yũhdũrere ijipihtiequinare ihñogu tũhũ, niahye cami bũcũ mũna cũomediquirore.

¹⁵ “Yahueracãhña”, tiquiro sa niepegũta ijipihtiropũ masa Jesure quitu dahre nemoahye. Tiquina sa quitu dahregũ tũhoye masa peyequina tiquiro cahapũ esahye. Dohatiyequina yũhdũ duaye, tiquina gũhũ tiquiro cahapũ esahye.

¹⁶ Tiquina sa esaepẽgũta Jesu masa marienopũ Cohãcjũre sinino wahaa wahahye.

Jesu tini masieniquirore yũhdũoahye

(Mt 9.1-8; Mr 2.1-12)

¹⁷ Ape deco Jesu buhegũ fariseo masa, judio masare buheyequina gũhũ topũ dujiahye. Tiquina peye macari Galileapũ ijiye macari cjẽna, Judeapũ ijiye macari cjẽna, Jerusalẽ cjẽna ijiahye. Sa yero Jesu Cohãcjũ tutuaye mehna dohatiyequinare

yuhduoahye. ¹⁸ Meheñequinagã umua tini masieniquiروه tiquiro cuñari cahsero mehna yo wua wihiahye. Sa yeye tiquiroه Jesu cahapũ cũ duaye, wuhũpũ yo sajà duamahye tiquina tiquiroه. ¹⁹ Sa sajà duepeta masa peyequina ijigũ tiquina tiquiroه yo sajà masiedahye. Sa yeye tiquiroه wuhũ buipũ yo mũjahye. Yo mũja sa, mehenogã p̄o we, ti coperpũ tini masieniquiروه tiquiro cuñari cahsero mehna duhu dijioahye Jesu cahapũ ijiyequina watoa. ²⁰ “Jesu ahriquiروه tiquiro dohatiyere yuhdugũ yerota”, ni tũhotuahye tiquina. Tiquina sa ni tũhotugũ masino Cohãcjũre tiquina wacũ tutuayere masino, Jesu tini masieniquiروه ohõ saha ni yahuahye:

—Yuhũ acayũ, mũhũ ñañe yeyere yuhũ cohã tuhasaũ, niahye Jesu tiquiroه.

²¹ Tiquiro sa nigũ tũhoye fariseo masa, judio masare buheyequina gũhũ tiquina basi ohõ saha ni tũhotumahye: “Ahriquiروه sa ni yahuducuer-acãhdo. Masũno mari yero saha ijiro, tiquiro ñañe yeyere cohã masiedare. Cohãcjũ dihita masa tiquina ñañe yeyere cohã masine”, ni, tũhotumahye tiquina.

²² Jesu tiquina tũhotuyere masino, ohõ saha niahye:

—¿Duhse yena sa ni tũhotuajari mũsa? ²³ “Mũhũ ñañe yeyere yuhũ cohã tuhasaja”, yuhũ nigũ, “Ni mehogu ijire”, yuhũre nine mũsa quehnoano masiedapenata. “Wahcãduca wahaya”, yuhũ nigũ tiquiro tinigũ ihñana yuhũ nidi poto ijigũ duita masinata. ²⁴ Yuhũ masũ Cohãcjũ ohorigũ ahri yehrapũ ñañe yeyere cohã masiaja yuhũ. Masa

tiquina ñañe yeyere cohãcjüre cūri Cohãcjũ yũhure. Yũhũ sa cohãrire m̄sa masiato saha ohõ saha ye ihñoutja m̄sa ihñatire, niahye Jesu.

Sa ni tuhasa tini masieniquiõre ohõ saha niahye:

—Mũhure niita niaja. Wahcãdũcaya. Mũhũ cuñari cahserore ne cãhña m̄hũ ya wũhũpũ, niahye tiquiõre.

²⁵ Tiquiro sa nigũ tũhorota ijipihtiyequina tiquina ihñonopũ wahcãdũca, tiquiõ cuñari cahserore ne, tiquiõ ya wũhũpũ tojoa wahahye. Sa waharo tiquiõ Cohãcjüre ño peoro, bucueye mehna quehnoano yahuducuahye. ²⁶ Tiquiro sa yegũ ihñañe masa pehe ijipihtiyequina ihña maria wahahye. Tiquina ihña maria waha, Cohãcjüre ño peoye, bucueye mehna quehnoano yahuducuahye:

—Miare sijoro saha ijiyere ihñaũ mari, niahye tiquina.

Jesu Levíre pijiahye

(Mt 9.9-13; Mr 2.13-17)

²⁷ Sa ye tuhasa waha, Leví wame tiriquiõre tiquiõ dahrari tucũpũ ijiriquiõre boca sahye Jesu. Leví pehe pũhtoia ye ijiatire masare wapa ne cohteriquiõ ijiahye. Sa boca saro tiquiõre ohõ saha niahye:

—Yũhũ mehna cjũ ijiajcũ ahtaya, niahye tiquiõ Levíre.

²⁸ Tiquiro sa nigũ Leví pehe ijipihtiye tiquiõ dahrayere duhu cã, Jesu mehna wahaa wahahye.

²⁹ Came Leví ya wũhũpũ Jesu ya bose deco yeye niahye. Topũ peyequina wapa ne cohteyequina,

apequina Leví gũhũ mehna dujiahye. ³⁰ Tiquina mehna Jesu gũhũ dujigũ ihñañe meheñequinagã fariseo masa, judio masare buheyequina mehna usua, Jesu buheyequinare sinituahye.

—¿Dũhsena ñano yeyequina, wapa ne cohteyequina mehna ihyajari mũsa? ni tuhtiahye tiquina.

³¹ Tiquina sa nigũ tũhoro Jesu yũhtiahye tiquinare. Ohõ saha ni queoye mehna buheahye:

—Dohatiyequina duturure macaedare. Dohatiyequina dihita duturure macare. Ñañequina dohatiyequina yero saha ijire. ³² Sa yegũ ñañequina dihitare tiquina ñañene bujũa witi dutigũ, quehnoañe pehere comesagũ yegũ tũũ nii yũhũ. Tiquina basi “Quehnoana ijiaja ũsã”, ni tũhotuyequinare yedohogũ ahtaerũ yũhũ, niahye Jesu.

Sijiyere Jesure sinituahye apequina

(Mt 9.14-17; Mr 2.18-22)

³³ Sa yeye meheñequinagã masa Jesure ohõ saha ni sinituahye:

—Ñũ buheyequina peye tahari Cohãcjũre ño peoye tehe, sijire. Sa yeye, tiquina peye tahari Cohãcjũre sinine. Fariseo buheyequina gũhũ tiquina yero saha yere. Tiquina sa yepegũta mũhũ buheyequina pehe ihya, sihnine. Sa ye Cohãcjũre ño peoye tehe, sijierare. ¿Dũhse yeye sa yerajari tiquina? niahye tiquina Jesure.

³⁴ Tiquina sa nigũ Jesu tiquiro tũhotuye mehna quiti dahre buhero taro tiquinare ohõ saha ni yũhtiahye:

—Ohõ saha ijire ti: Omoca dũhteropũ tiquina pijioriquina omoca dũhteriquiro mehna

ijiye, siji masiedare. Sata yuh buheyequina gũh yuh mehna ijiye, siji masiedare. Yuh omoca dũhteriquiro yero saha ijiaya. Omoca dũhteriquiro bose deco tiquiro yegũ tiquiro mehna cjẽna ihyeyequina ijierare. ³⁵ Yuh Pac Cohãcjũ yuhre tiquiro nedi bato pũritare yuh buheyequina mehna ijisi yuh. Sa yeye ti pjerpata yuh buheyequina gũh sijieta, niahye Jesu.

³⁶ Panop cjẽ buheye wahma buheye mehna tiquina buhe more duagũ ihñano ohõ saha ni nemoahye Jesu tiquinare queoye mehna buhero.

—Ne wahma suhtirore meheni cahserogã tũhrẽ ne, muna suhtirore sere ohõno cahmedare. Mari sa sere ohõna wahma cahserore tũhrẽ cohãna niaja. Sa yero wahma cahsero muna suhtiro mehna ihcãno saha bajuerare. ³⁷ Sa yena ne uhse co bisiye core wahiquire cahsero ajuropare muna ajuropare pose yero cahmedare. Sa yegũ uhse co bisiye pahmuñep muna ajurore tũhrẽ cãhre. Sa tũhnũgũ uhse co gũh, ajuro gũh cohãa wahare. ³⁸ Sa yena uhse co wahma core wahma ajuro muna pose yero cahmene. (Sata wahma buheye muna buheye mehna buhe moredaro cahmene.) ³⁹ Muna core masa tiquina sihnidi bato, wahma core cahmedare tiquina. Ohõ saha nine masa. “Muna co wahma co bui cjũnogã quehnoañe ijire”, nine masa, niahye Jesu tiquinare.

6

Judio masa tiquina sori decore trigore peheahye Jesu buheyequina

(Mt 12.1-8; Mr 2.23-28)

¹ Ape deco saurú ijigũ Jesu gũhũ trigo wesepũ esahye. Topũ esa, tiqũiro buheyequina pehe trigo parorire pehe, ti pjerire sahquẽ site dijio, ti pjerire ihya cã wahaa wahahye tiquina.

² Tiquina sa yegũ ihñañe meheñequinagã fariseo masa tiquinare sinituahye:

—¿Duhse yena m̄sa saurú mari sori deco ijiepegũta Cohãcjũ tiqũiro dutierari decore dahra-jari m̄sa? niahye fariseo masa.

Tiquina sa nigũ tũhoro Jesu tiquinare yũhtiahye “Yũhũ buheyequina yũhdũdcaye niedare”, nino taro:

³⁻⁴ —Davi m̄nano tiqũiro mehna cjẽna mehna ujna ahbaro, Cohãcjũ wũhũpũ sajã, Cohãcjũ ye pãre ihyahye. Sa ihyaro tiqũiro mehna cjẽna gũhũre ti pãre ihya dutiro ohoahye. Ti pãre pahia di-hita ihyae tiahye. Cohãcjũ dutiye ti pãre ape-quinare ihya dutierare. ¿Davi m̄nano tire tiqũiro yerire buherari m̄sa? (Ti pãre ihyaro Cohãcjũre yũhdũdũcaro niedahye. Miare ahri pjerire ihyaye yũhũ buheyequina gũhũ Cohãcjũre yũhdũdũcaye niedare.) ⁵ Yũhũ masũ Cohãcjũ ohorigũ ahri deco saurú decore masa tiquina yeatire yahugũ ijigũ pũhto ijiaja, niahye Jesu.

Omoca bũhariquiro quiti

(Mt 12.9-14; Mr 3.1-6)

⁶ Ape deco saurú ijigũ Jesu judio masa tiquina buheri wũhũpũ sajã saro, buheahye masare. Topũ omoca potõ pehe bũhariquiro ijiahye.

⁷ Meheñequinagã judio masare buheyequina, fariseo masa gũhũ Jesure yahusã duamahye. “Saurú decore masũnore dohatiyere yũhdũoboaga Jesu”, ni, ihña nũnũ yahusã

duamahye tiquina Jesure. ⁸ Jesu tiquina t̄hotuyere masino, omoca b̄hariquiore oh̄o saha niahye:

—Wahc̄ād̄ucaya. Oh̄õp̄m̄ ahtaya, niahye tiquiore.

Tiquiro sa nidi bato omoca b̄hariquiore pehe wahc̄ād̄uca, top̄m̄ ducuahye. ⁹ Sa yero Jesu tiquinare sinituahye.

—M̄sare sinitutja: ¿Saurú ijigũ yabere ye dutiajari Coh̄ãcjũ dutiye? ¿Quehnoañene yegũ quehnoaedajari? ¿Ñañene yegũ pehere quehnoaboagari, m̄sa t̄hotugũ? Saurú ijigũ mas̄nore masogũ quehnoar̄ine. Saurú ijigũ mas̄nore wejẽgũ pehere quehnoaedare. Ñar̄ine, niahye Jesu tiquinare.

¹⁰ Sa nino Jesu tiquinare ijipihtiequinare ih̄ñadoqueo, omoca b̄hariquiore oh̄o saha niahye tja:

—M̄h̄m̄ omocare siõ potoya, niahye tiquiore.

Tiquiro sa niḡta omoca b̄hariquiore pehe siõ potoḡta, omoca quehnoa wahahye. ¹¹ Tiquiro sa yegũ ih̄ñañe tiquina tiquiro mehna tutuaro usuahye.

—¿D̄hse yenatari mari ahriquiore? niahye tiquina basi.

Jesu tiquiro buheyequinare docere tiquiro ohoatiquinare bese docoahye

(Mt 10.1-4; Mr 3.13-19)

¹² Ti decorire Jesu c̄n̄p̄m̄ Coh̄ãcjũre sinino m̄jaa wahahye. Top̄m̄ ijiro, ñamine Coh̄ãcjũ mehna yahuducu bohreahye. ¹³ Bohrearop̄m̄ tiquiro buheyequinare tiquiro cahap̄m̄ pijioahye. Pijio tuhasa, tiquina mehna cjẽnare doce waro tiquiro

ohoatiquinare bese docoahye. Sa ye tiquiro cūriquina wame tiahye. ¹⁴⁻¹⁵ Ahriquina ijiahye Jesu tiquiro bese docoriquina: Simo ijiahye. Simore Pedro ni pisuahye Jesu pehe. Simo bahuro Andre, Santiago, Ñu, Felipe, Bartolomé, Mateo, Tomasu, Santiago ijiahye. Santiago pehe Alfeo macano ijiahye. Sa ye Simo celote ya curua cjāno ijimediquiro, ¹⁶ Juda Santiago bahuro, Juda Iscariote tiquina ijiahye tiquiro bese docoriquina. Juda Iscariote pehe Jesure ihña tuhtiyequinare ihñoatiquiro ijiahye.

Jesu peyequina masare buheahye

(Mt 4.23-25)

¹⁷ Sa ye Jesu tiquiro buheyequina mehna canu buipu ijiriquina dijia taye, peyequina apequina tiquiro buheyequina mehna dijia wihiduca, quehnoari paapu ducuahye tiquina. Ijipihtiroru Judea yehparu ijiye macari cjēna, Jerusalē cjēna, Tiro wame tiri maca cjēna, Sidō wame tiri maca cjēna pajiri ma duhtu cahapu ijiye macari cjēna masa peyequina tiquiro cahapu wihiahye. ¹⁸ Tiquina Jesu buheyere tuhoye tehe, tiquina dohatiyere cohāgū cahmeahye. Watia cuoyequina gāhu tiquiro cahapu wihi, quehnoa wahahye. ¹⁹ Jesu tiquiro tutuaye mehna yuhdugū yeahye tiquinare. Sa ye tiquina ijipihtiyequina tiquirore dahra tuhuye ahtahye.

Jesu bucueye, bujua witiye gāhure buheahye

(Mt 5.1-12)

²⁰ Came Jesu tiquiro buheyequinare ihña, yahuahye:

—Musa rejeciona, (musa ñañene bujua witina), Cohãcjũ tiqũiro pũhtoro ijiropũ wahanata musa. Sa yena musa bucuenata.

21 'Yojopũre musa ujua ahbana, yapina ijinata. Sa yena bucuenata.

'Yojopũ utina ijina, came musa bujunata. Sa yena musa bucuenata.

22 'Yuhũ masũ Cohãcjũ ohorigũ ijiaja. Sa yena yeere yena musa ijiri buhiri apeqũina musare tiqũina ihña tuhtiepegũta bucuena ijire musa. Musare tiqũina cohãepegũta bucuenata. Musare tiqũina ñano yahuducuepegũta “Ñana ijire”, musare tiqũina niepegũta musa pehe bucuenata.

23 Musare tiqũina sa yegũ ihñano uhmũserũ musa esagũ pajiro quehnoano yerota Cohãcjũ musare. Sa yena tutuaro bucuena ijiya. Quehnoano jeripohna tina ijiya. Musare ihña tuhtiepeqũina tiqũina acaye panopũ cjẽna sata ñano yeahye Cohãcjũ yere yahu mũhtariqũina gũhũre.

24 'Sa yena musa yojopũ peye cõona ahri yehrapũ musa quehnoano iji cã tuhasari. Sa yena ñano yũhdũna ijinata musa.

25 'Yojopũ yapina musa ujua ahbanata. Musa sa ijinina ñano yũhdũnata.

'Yojopũre musa bujunina ijina camerũre utinata. Sa yena ñano yũhdũnata.

26 ' “Cohãcjũ yere yahu mũhtana ijiaja”, ni mehoñeqũinare “Quehnoañeqũina ijire”, nimahye peyeqũina panopũ cjẽna. Sa nimediquina tiqũina acaye yojopũ cjẽna gũhũ sata “Quehnoañeqũina ijire”, niboaga ihquẽqũina musa mehna cjẽnare.

Tiquina sa ninohrina m̄sa ijina ñano ȳhd̄nata m̄sa ḡh̄, ni buheahye Jesu.

M̄sare ih̄ña tuhtiyequina tiquina ijiepeḡta tiquina ḡh̄re cah̄ña

(Mt 5.38-48; 7.12)

²⁷ Sa yero oh̄ saha ni buhe nemoahye Jesu:

—Ȳh̄re t̄ho duanare, m̄sareta niḡ niaja. M̄sare ih̄ña tuhtiyequina tiquina ijiepeḡta tiquina ḡh̄re cah̄ña. M̄sare ih̄ña tuhtiyequinare quehnoano yeya. ²⁸ M̄sare “Ñano ȳhd̄h̄ro”, niñequina tiquina ijiepeḡta quehnoa dutiya tiquinare. M̄sare ñano yeyequina tiquina ijiepeḡta “Tiquina ḡh̄ quehnoano ijiah̄ro”, ni sini basaya Coh̄c̄j̄re. ²⁹ Ihc̄quiro m̄sa wahsupure tiquiro qūḡ, ape sie ḡh̄re qū dutiya tiquirore. M̄sa bui c̄j̄ suhtirore tiquiro ehmaḡ m̄sa camisa ḡh̄re sa oho c̄h̄ña tiquirore. ³⁰ M̄sare sinidiquirore tiquiro sinino punota ohoya tiquirore. M̄sa yere tiquiro neḡ tiquirore sinituerac̄h̄ña pari turi tire.

³¹ Apequina m̄sare tiquina quehnoano yeḡ cahmene m̄sa. Tiquinare m̄sa quehnoano yeḡ cahmeno saha quehnoano yeya tiquina ḡh̄re. Tiquina quehnoano yerapeḡta m̄sa pehe tiquinare quehnoano yeya.

³² 'M̄sare cah̄ñequina dihitare m̄sa cah̄ḡ ti ne d̄h̄seati ijierare apequina pehere m̄sa cah̄edaḡ. Ñañequina ḡh̄ sata yere. ³³ Sa yena m̄sare quehnoano yeyequina dihitare m̄sa quehnoano yeḡ ti ḡh̄ ne d̄h̄seati ijierare apequina pehere m̄sa quehnoano yeraḡ. Tire ñañequina ḡh̄ yere. ³⁴ Sa yero “Ȳh̄re wiaya

tire”, m̄sa niñequina dihitare m̄sa wasogũ ne ti d̄hseati ijierare. Ñañequina gũh̄u apequinare “Yũh̄ure wiaya tire”, tiquina niñequinare wasore. ³⁵ Sa yena m̄sa pehe m̄sare ihña tuhtiyequina gũh̄ure cahña. Sa yena tiquinare quehnoano yeya. Apequiore wasona “Yũh̄ure ne wiasi ahriquiore”, ni t̄hotuenata tiquiore wasoya. Cohãcjũ pehe tiquiore “Quehnoare”, nieñequina gũh̄ure, ñañequina gũh̄ure quehnoano yere. Tiquiro yero saha yeya m̄sa gũh̄u. M̄sa sa yegũ Cohãcjũ tutuaro quehnoano yerota m̄sare. Sa yena Cohãcjũ tutua ȳhd̄ariquiore ùhm̄use cjãno pohna ijinata. ³⁶ Mari Pac̄u ùhm̄use cjãno tiquiro paja ihñariro sahata m̄sa gũh̄u masare paja ihñaña, ni yahuahye Jesu.

*Apequina gũh̄ure “Ñañequina ijire”, niedacãhña
(Mt 7.1-5)*

³⁷ Sa yero tiquinare yahu nemoahye:

—Apequinare “Ñañequina ijire”, niedacãhña m̄sa. M̄sa sa niedagũ Cohãcjũ m̄sa gũh̄ure “Ñana ijire”, nisi. Apequina m̄sare tiquina ñano yerire tiquina ñano nidi gũh̄ure boya m̄sa. M̄sa sa bogũ ihñano Cohãcjũ m̄sa gũh̄ure m̄sa ñañe yerire borota. ³⁸ Apee borore c̄ona apequinare ohoya. M̄sa sa ohogũ Cohãcjũ gũh̄u m̄sare ohorota. Sa ohoro quehnoano queoro m̄sare pajiro ohorota. Quehnoano wahpa ȳhd̄aro ohorota. Apequinare m̄sa ohoriro punota Cohãcjũ gũh̄u m̄sa gũh̄ure ohorota, niahye Jesu tiquinare.

³⁹ Sa ni tuhasa Jesu quiti mehna buhero ohõ saha ni yahu nemoahye:

—Caperi bajueyequina sehsaro tiquina basi quehnoano tũã cã masiedare. Sa tũã cãñe, tiquina p̄arop̄u bora maa sajãa wahaeta cop̄ep̄u. (Sata Cohãcjũ yere masieñequina apequinare buhe masiedare. Sa ye tiquina ijipihtiequina pecap̄u wahaeta.)⁴⁰ Buheyequina tiquinare buheriquirore masi ȳhd̄ud̄ucaerare. Sa ijiepet̄a ijipihtiequina buheyequina tiquina quehnoano buhe pehori bato tiquinare buheriquiro yero saha ijiet̄a, niahye Jesu.

⁴¹ Sa ni tuhasa apeye quit̄i mehna yahu nemoahye:

—Mari queoye mehna buhegũ ohõ saha yena ijire m̄usa: M̄usa acayuro tiquiro capeap̄u meheni pohcarogã tiquirore bora sajãgũ ti pohcarogãre quehnoano ihñare m̄usa. M̄usa ya capeap̄u pajiri p̄j̄i ijiepegũta ti p̄j̄ine ne ihñedare m̄usa. Meheni pohcarogãre m̄usa ihñano saha m̄usa acayuro tiquiro ñano yeye pehere quehnoano ihñare m̄usa. M̄usa basi m̄usa ñañene tutuaro yepenata tire masiedare m̄usa pajiri p̄j̄ine m̄usa ihñedaro sahata. ¿Duhse yena sa yeajari m̄usa?⁴² Ohõ saha nina yero saha ijire m̄usa: “Ȳuh̄u acaȳu, ñañene yeḡu nine m̄uh̄u. Sa yeḡu tire duhuya”, nina yero saha ijire m̄usa. Sa nina ijiepenata pajiro ñañene yere m̄usa pehe. ¿Duhse yena m̄usa ñañene yepenata tire masiedajari m̄usa? Masa ihñono dihita quehnoano iji mehona ijire m̄usa sa yena. Pajiri p̄j̄ine m̄usa capeap̄u ijiri p̄j̄ine m̄usa ne m̄uhtaboriro saha m̄usa ñano yeye pehere duhu m̄uhtaña. M̄usa sa yeri bato m̄usa acayuro tiquiro ñano yeyere duhugũ ye masiboaga meheni pohcarogãre m̄usa neboriro saha, ni buheahye Jesu.

Masa yahuducuyere t̄hona tiquina ijiye tiyere masiaja mari

(Mt 7.17-20; 12.34-35)

⁴³ Sa yero queoye mehna buhero ohō saha ni yahu nemoahye tiquinare:

—Quehnoad̄u yuc̄uḡu ñañene d̄uca tierare. Sa yero ñad̄u quehnoañene d̄uca tierare. ⁴⁴ Yuc̄u d̄ucare masina t̄ure masine m̄usa. Potaḡu higuera pacare d̄uca tierare. Sa yero pota buc̄uḡu ūhse t̄ohorine d̄uca tierare. ⁴⁵ Sata ijire masa ḡ̄h̄u. Quehnoariquiro tiquiro t̄hotuyep̄u quehnoañe ijire. Sa yero tiquiro quehnoañene yere quehnoad̄u quehnoañene d̄uca tiro saha. Ñariquiro tiquiro t̄hotuyep̄ure ñañe ijire. Sa yero tiquiro ñañene yere ñad̄u ñañene d̄uca tiro saha. Mari t̄hotuyep̄u marine ti ijiro saha yahuducua ja mari, ni yahuahye Jesu.

P̄na w̄h̄u yeyequina quitire yahuahye Jesu

(Mt 7.24-27)

⁴⁶ Sa yero tiquinare yahu nemoahye:

—M̄usa ȳh̄ure “P̄h̄to”, nine. Sa niepenata ȳh̄u dutiye pehere yerare m̄usa. ¿D̄uhse ijiro boro sa yerajari? ⁴⁷ Ijipihtiyequina ȳh̄ure cahmeñequina ȳh̄u yahuyere t̄hore. Sa yeye ȳh̄u dutiyere ȳhd̄ud̄ucaerare. Ohō sahata ijire ȳh̄ure ȳhd̄ud̄ucayequina: ⁴⁸ W̄h̄u dahreriquiro yero saha ijire tiquina. Tiquiro ūhc̄añe coperire sehe, w̄h̄ure doco d̄ucare. Ti w̄h̄u quehnoano tiquiro yeri w̄h̄u ijiro dia miniḡa tutuaro aco tutuepeḡata ti w̄h̄u quehnoano tojoare. ⁴⁹ Sa yeye ȳh̄u dutiyere t̄hoepeta ȳhd̄ud̄ucayequina pehe w̄h̄ure quehnoano yerariquiro yero saha ijire. Ti w̄h̄ure

buigã doco, quehnoano ye d̄caerare. Tiquiro sa yeri w̄h̄h̄ ijiro dia minigã aco tutuagã duita ti w̄h̄h̄ cohõ b̄r̄h̄a wahare. Sa yero ti w̄h̄h̄ tutuaro bora quehea wahare, niahye Jesu.

7

Surara p̄h̄toro cahacj̄nore tiquiro dohatigã Jesu ȳhd̄oahye tiquirore

(Mt 8.5-13)

¹ Ti quitire masare yahu tuhasa Jesu ḡh̄h̄ Capernaup̄ esahye. ² Top̄ ijiriquiro cien surara p̄h̄toro tiquiro cahacj̄nore tutuaro cah̄ahye. Tiquiro cahacj̄no pehe tutuaro dohatiro, yariarop̄ niahye. ³ Sa yero Jesu yeyere t̄horo, judio masa b̄c̄nare Jesu cahap̄ ohoahye p̄h̄toro pehe.

—Dohatiriquirore ȳhd̄oḡ ahtaya, ni, yahu dutiro b̄c̄nare ohoahye p̄h̄toro.

⁴ Tiquina Jesu cahap̄ esa, ohõ saha ni tutuaro mehna yahuahye tiquirore:

—Surara p̄h̄toro ʉs̄are ohoari. Tiquiro cahacj̄nore dohatiriquirore ȳhd̄uḡ cahmedi tiquiro. Tiquiro p̄h̄toro pehe quehnoariquiro ijire. Tiquiro sa ijigã yedohoya tiquirore. ⁵ Mari ya maca c̄j̄nare tiquiro cah̄ne. Sa yero tiquiro ʉs̄a buheri w̄h̄h̄ tiquina yeri wapare wapa yere, niahye b̄c̄na Jesure.

⁶ Tiquina sa ni yahugã t̄horo Jesu pehe tiquina mehna wahahye. Surara p̄h̄toro ya w̄h̄h̄ cahagãp̄ tiquiro esagã p̄h̄toro pehe tiquiro mehna c̄j̄nare Jesure ohõ saha ni yahu dutiro ohoahye:

—P̄h̄to, quehnoanota. Ahtaeracãh̄ña. Quehnoaḡ ijieraja ȳh̄h̄. Ya w̄h̄h̄p̄ m̄h̄h̄re sajã

ta dutibog_u ijieraja y_uh_u. ⁷ Sa yeg_u m_uh_u cahap_u wahaeraja. Y_uh_u sa ijiepeg_uta m_uh_u masiñe mehna y_uhd_u dutiya m_uh_u tiquiore. M_uh_u sa yeg_u y_uh_u cahacj_uno quehnoanota. ⁸ Y_uh_ure y_uh_u bui ijiyequina apequina p_uh_utoa dutire. Sa yeg_u y_uh_u g_uh_u surarare dutiaja. Ihc_uquiore “Wahaya”, y_uh_u nig_u tiquiwo wahare. Apequiore “Ahtaya”, y_uh_u nig_u tiquiwo ahtare. Y_uh_u cahacj_unore “Ahrire yeya”, y_uh_u nig_u tire tiquiwo yere. M_uh_u g_uh_u dutig_uta ijire. Sa yero m_uh_u dutiro saha tiquiwo dohatiriquiwo y_uhd_urota, ni yahu dutiahye surara p_uh_utoro.

⁹ Tiquiwo sa nig_u t_uho maria waharo, peyequina masa tiquiwo mehna ijiyequinare majared_uca sa, yahuahye:

—M_usare niita niaja. Tiquiwo surara p_uh_utoro Israe mas_uno ijieriquiwo Coh_ucj_ure tutuaro wac_u tutuare. Tiquiwo cahacj_unore y_uh_u y_uhd_ug_u yeatire masi tuhasare. Israe masare ne ahriquiwo yero saha ijiyequinare ihñeda tir_u y_uh_u, niahye Jesu.

¹⁰ Tiquiwo sa nidi bato surara p_uh_utoro Jesu cahap_u tiquiwo ohoriquina tiquina p_uh_utoro ya w_uh_up_u tojoaa wahahye. Tojoa sa dohatiriquiwo y_uhd_uriquirop_ure ihñahye tiquina.

Jesu wape wihoro mac_unore masoahye

¹¹ Came cj_unog_u Nai wame tiri macap_u Jesu tiquiwo buheyequina mehna peyequina masa mehna wahahye. ¹² Ti macare saj_uri sopecaha cahap_u tiquiwo esag_u yariariquiwo masa ne wijia taye niahye. Yariariquiwo pacoro wape wihoro ijiahye. Ihc_uquiwo ijiiriquiwo yariahye. Sa ye to cj_una masa peyequina ticoro mehna wahahye.

13 Tiquina sa wahagũ ihñano Jesu ticorore paja ihñahye.

—Utieracãhña, niahye Jesu ticorore.

14 Sa nino yariariquiro tiquiro masa putire ña peoahye. Tiquiro sa ña peogũ ihñañe ti putire wñayequina pehe esaducahye.

—Macu, yñu mñure ohõ saha niaja. Wahcã nujuña, niahye Jesu.

15 Tiquiro sa nidi bato yariariquiro mñano wahcã nuju, yahuducuahye. Sa yero Jesu tiquirore tiquiro pacorore wiahye. 16 Tiquiro sa yegũ ihñañe tiquina ijipihyequina cuea wahahye. Sa yeye tiquina Cohãcjũre ño peo, ohõ saha niahye:

—Cohãcjũ yere yahu mñtariquiro masi yñdñariquiro yojopu pñritare mari watoa ijire, niahye tiquina.

—Cohãcjũ marine tiquiro yequinare yedohoro wihi tuhasare, niahye apequina.

17 Sa yeye ijipihyequina Judea yehpa cjẽnare ti yehpa dñtu cahapu ijiye macari cjẽnare Jesu yerire masa yahu site pehoahye.

*Ñu wame yeriquiro tiquiro buheyequinare
Jesure sinitu dutiahye
(Mt 11.2-19)*

18 Sa ye Jesu yerire ihñañe Ñure yahuahye tiquiro buheyequina. Sa tiquina yahugũ tñhoro pñarore tiquiro cahapu pijio, 19 Jesure sinitu dutiro ohoahye Ñu. Ohõ saha ni sinitu dutiahye:

—¿Ñu “Yñu bato apequiro ahtarota”, tiquiro nidigta ijiajari mñu? ¿Tiquiro nidigta mñu ijieragũ

apequiore cohtenatari ʘsã? ni sinitu dutiahye Ñu p̄aro tiquiro buheyequinare.

²⁰ Sa ye tiquina Jesu cahap̄ esa, sinituahye tiquiore:

—Ñu wame yeriquiro m̄h̄re sinitu dutiro ohori ʘs̄are. ¿Ñu “Ȳh̄h̄ bato apequiore ahtarota”, tiquiro nidiḡta ijajari m̄h̄h̄? ¿Tiquiro nidiḡ m̄h̄h̄ ijieraḡ apequiore cohtenatari ʘsã? ni sinituahye tiquina Jesure.

²¹ Ti pjeta peyequina dohatiyequinare, wat̄ia c̄oyequinare, caperi bajueyequinare ȳhd̄ḡ yeahye Jesu. ²² Sa yero Ñu ohoriquinare Jesu ȳhtiahye:

—Yojop̄re m̄sa ih̄narire m̄sa t̄horire Ñure yahuna wahaya: Oh̄ saha niña: “Caperi bajueyequina ih̄nare. Tini masieñequina tinine. Cami ahbariquina quehnoa wahare. T̄hoerariquina t̄hoa wahare. Yariariquina masaa wahare. Tiquina ijipihtiyequinare quehnoa wahaḡ yei ȳh̄h̄. Sa yeḡ pejec̄oyequinare quehnoañe buheyere yahuaja. ²³ Ȳh̄h̄re t̄horiquiro ‘Poto ijire’, nidiquiro tiquiro bucueriquiro ijire”, Ñure ni yahuna wahaya, niahye Jesu.

²⁴ Ñu buheyequina tiquina wahari bato Jesu pehe Ñu tiquiro ijiye tiyere yahu d̄cahye peyequina masare:

—Masa marienop̄ esa, taare wihnono w̄doqueo m̄jaḡ ih̄nana eserari m̄sa. ²⁵ “Quehnoañe suhti sañariquiore ih̄nana wahañna”, niedari m̄sa masa marienop̄ wahana. Quehnoañe suhti sañañequina wapa b̄j̄yere c̄oyequina p̄htoa ye w̄h̄sep̄ ijire.

Masa marienop_u ijierare. ²⁶ Masa marienop_u esana Cohãcjũ yere yahu m_uhtariquirore ihñana esari m_usa. Ijirota ijire. Ñu Cohãcjũ yere yahu m_uhtariquiro ijire. Apequina Cohãcjũ yere yahu m_uhtariquina y_uhd_uoro ijiriquiro ijire tiquiro pehe. ²⁷ Panop_u Cohãcjũ yere tiquina ojoari p_ur_u Ñure ohõ saha ni yahuahye:

Mari Pac_u tiquiro mac_unore ohõ saha niahye: “M_uh_u pano m_uh_ure yahuyuatiquirore ohog_utja. M_uh_u wihiatore quehnoyurota tiquiro”, niahye Cohãcjũ, ni ojoahye panop_ure Ñure.

²⁸ M_usare poto niita niaja. Apequina masa ijip-ihtiequina bui ijire Ñu. Ahri decorip_ure tiquiro sa ijiepeg_uta Cohãcjũ tiquiro p_uhtoro ijirop_ure ijip-ihtiequina docap_u ijiriquiro p_urita Ñu bui ijire, niahye Jesu masare.

²⁹ Tiquiro sa nig_u t_uhoye ijipihtiequina masa, wapa ne cohteyequina mehna Ñu tiquiro wame yenohriquina ijiye ohõ saha ni t_uhotuahye Cohãcj_ure. “Cohãcjũ poto yeriquiro ijire”, ni t_uhotuahye tiquina. ³⁰ Fariseo masa pehe, judio masare buheyequina g_uh_u Ñu wame yenohriquina iji duerahye. Sa ye tiquinare Cohãcjũ yequina tiquiro ye duag_u cahmedahye tiquina.

³¹ Sa yero Jesu pari turi yahuahye:

—¿Yojop_u cj_una masa disequina yero saha ijia-jari tiquina, m_usa t_uhotug_u? ³² Tiquina macanagã yero saha ijire. Apequina tiquina cahmeno saha yerag_u bucuere tiquinagã. Doeri cj_u duarop_u apepe dujiye, ohõ saha ni pisuducure tiquinagã

basi: “Musa basatire usã putipemi. ¿Dahsena musa basaerari usã putipegũ? Usã tutuaro ñehe quea utipe, sañuducumi. ¿Musa pehe dahsena usã mehna utiperari?” niducuyequina yero sahata ijire yojopũ cjëna gũhũ. Yojopũ cjëna tiquina cahmeno saha usã yeragũ ihñañe bucuere tiquina gũhũ. ³³ Ñu wame yeriquiro Cohãcjũre ño peoro taro sijiro, vinore sihniedare. Tiquiro sa sihniedagũ ihñana, “Watĩnore core. Sa yero tũho masieniquiro ijire”, nimesi musa tiquirore. ³⁴ Yhũ masũ Cohãcjũ oorigũ ijigũ, yhũ ihya sihniaja. Yhũ sa yegũ ihñana ohõ saha nine musa yhũ pehere. “Ihñaña. Ahriquiri pajiro ihyariquiri, queheriquiri ijire. Wapa ne cohteyequina, ñano yeyequina gũhũ tiquina mehna piti tiriquiri ijire tiquiro”, nine musa yhũre. Sa nina macanagã yero saha yahuducuna ijire musa. Musa cahmeno saha usã yeragũ bucuere musa. ³⁵ Sa masiedapenata usã ye ihñorire ihñana, Cohãcjũ yere usã masigũ masinata musa, ni yahuahye Jesu.

Simo wame tiriquiri fariseo masũno ya wũhũpũ ijiahye Jesu

³⁶ Fariseo masũno tiquiro ya wũhũpũ ihya dutiro pijiahye Jesure. Tiquiro sa pijigũ Jesu tiquiro ya wũhũpũ esa, tiquina ihyari mesa cahapũ nuju sahye. ³⁷⁻³⁸ Ti macapũre ñañe yericoro ijiahye. Jesu fariseo masũno ya wũhũpũ tiquiro dujigũ ticoro tũhoahye. Sa tũhoro alabastro mehna yeriare ehme sitiye pose tiriare ne cãhta, Jesu behero pehepũ wihidũca, utiahye. Sa utiro, Jesu dahpocãrine ticoro yahco co mehna weo, ticoro

poari mehna wuohaye. Tiquiro dahpocãri wuagũ ihñano ticoro tiquiro dahpocãrine ihmi, ehme sitiye mehna pio peohaye. ³⁹ Ticoro sa yegũ ihñano fariseo masano Jesure pijiriquiro tiquiro basi ohõ saha ni tãhotumahye: “Ahricoro tiquirore ñehe tuhuricoro ñaÑe yericoro ijire. Ahriquiro Jesu Cohãcjũ yere yahu mahtariquiro ijiro tire masiboaga”, ni, tãhotumahye. ⁴⁰ Tiquiro sa ni tãhotuyere masino Jesu yahuahye tiquirore:

—Simo, yojopu pũritare mahũre yahu duaja, niahye Jesu.

—¿Buhegu, yuhũre duhse ni yahu duajari mahũ? niahye Simo.

⁴¹ Tiquiro sa nigũ Jesu ohõ saha ni queoye mehna buhe yahuahye:

—Puhtorore puaro wapamoÑequina ijiahye. Ihcãquiro wapamoriquiro quinientos niÑeru cjoerire wapamoahye. Apequiro pehe cincuenta niÑeru cjoerire wapamoahye. ⁴² Sa ye tire tiquina wapa ye masiedagũ ihñano tiquiro tiquina wapamoÑene wapa ye dutierahye. ¿Yojopu pũritare diquiro pehe wapamoriquiro tiquiro puhtorore cahĩ yũhdũrotari? ni sinituahye Jesu.

⁴³ Simo yũhtiahye:

—Õbah, pajiro wapamoriquiro mehenogã wapamoriquiro yũhdũoro tiquiro puhtorore cahĩboaga, niahye Simo.

—Poto yũhtiri mahũ yuhũre, niahye Jesu.

⁴⁴ Sa ni tuhasa tiquirore pio peoricorore majare ihña, Jesu Simore yahu nemoahye:

—Ahricorore ihñaña mahũ. Mahũ ya wuhũpu yuhũ sajã wihiri bato yuhũ dahpocãrine coseati

acore yũhũre ohoerari mũhũ. Ahricoro pehe ticoro yahco co mehna yũhũ dahpocãrine weo, ticoro poari mehna wũori yũhũre. ⁴⁵ Mũhũ pehe yũhũre piti ca ihmiedari. Ahricoro pehe ohõpũ yũhũ dujiro puno yũhũ dahpocãrine ihmidi. ⁴⁶ Mũhũ pehe yũhũ dapure uĩse mehna pio peoerari. Ticoro pehe yũhũ dahpocãrine ehme sitiye mehna pio peori. ⁴⁷ Sa nigũ mũhũreta yahugũta niaja. Ahricoro ticoro ñañe yeye pe yũhdũaye ijire. Sa ijieperota ticoro tutuaro cahĩne yũhũre. Sa yegũ ticoro ñañene bou. Sa yeye tiquina ñañene mehenogã yũhũ bonohriquina mehenogã cahĩne yũhũre, niahye Jesu Simore.

⁴⁸ Sa ni tuhasa tiquiro ticorore yahuahye:

—Yojopũ pũritare mũhũ ñañe yeyere bou, niahye Jesu.

⁴⁹ Tiquiro sa nigũ tũhoye Jesu mehna dujiyequina tiquina basi ohõ saha ni yahuducuahye:

—Ahriquiro potota ñañe yeyere boriquiro ijire. ¿Dũhse ijiriquiro boro ijiajari ahriquiro ñañene boriquiro? niahye tiquina basi.

⁵⁰ Sa yero Jesu numinore ohõ saha ni yahuahye:

—Yũhũre mũhũ wacũ tutuagũ mũhũre pecapũ wahaborigore yũhdũoaja. Cuero marieno mũhũ ya wũhũpũ tojoaa wahaya, niahye Jesu ticorore.

8

Numia Jesure yedohoahye

¹ Came bujũye macaripũ, daye macarigãpũ gũhũre esa, Cohãcjũ tiquiro pũhoro ijiyere quehnoañe buheyere yahuahye Jesu. Doce tiquiro buheyequina pehe tiquiro mehna ijiahye.

² Sa ye numia gũhũ watĩa cœomediquina numia, dohatimediquina numia Jesu quehnoa wahagũ tiquiro yeriquina numia tiquiro mehna tiniahye. “María”, tiquina nidicorore “Magdalena”, ni pisue tiahye ticorore. Ticorore siete watĩare Jesu cohãhye to pano. Sa yero ticoro gũhũ Jesu mehna tiniahye. ³ Chuza wame tiriquire Herodere yedohomediquire namono Juana gũhũ Jesu mehna tiniahye. Susana wame tiricoro gũhũ apequina numia mehna peyequina tiquina cœoye mehna Jesu gũhare yedohoahye.

Jesu oteriquiro quitire yahuahye
(Mt 13.1-9; Mr 4.1-9)

⁴ Sa ye peye macari cjẽna Jesu cahapũ cah-mecoahye. Tiquina sa cahmecoari bato Jesu tiquiro tũhotuye mehna queoye mehna tiquinare yahuahye buhero taro:

⁵—Oteriquiro otero wahahye. Tiquiro sa otegũ apeye pjeri maha dũhtũ cahapũ bora quehe sahye. Sa yeye ti pjerire masa cũhta diho cũahye. Sa ye minicjũa pari pehe ti pjerire ihyahye. ⁶ Sa ye apeye pjeri utã paca watoa bora quehe sahye. Topũ yehpapũ aco mariedahye. Sa ye ti pjeri pihni wahcãdũca ñaia wahahye. ⁷ Apeye pjeri taa watoa bora quehe sahye. Taa pehe ti oteye mehna pihniahye. Taa pehe dia yũhdũa waha, oteyere wejẽahye. ⁸ Apeye pjeri quehnoari yehpapũ bora quehe sahye. Quehnoano pihni, dũca tiahye. Sa ye peye dũca tiahye, niahye Jesu.

Sa ni tuhasa ohõ saha tutuaro ni nemoahye:

—Ahrire quehnoano tũhoya mũsa, niahye tiquiro.

*Jesu queoye mehna tiquiro buherire yahuahye
(Mt 13.10-17; Mr 4.10-12)*

⁹ Came tiquiro buheyequina ti queoyere masi duaye, Jesure sinituahye:

—¿Ahri queoye mehna dahse ni yahugũ nijari mahũ? ni, sinituahye tiquina.

¹⁰ Tiquina sa nigũ Jesu yũhtiahye:

—Cohãcjũ masa pũhtoro tiquiro ijiyere panopũ apequina tiquina masiedarire mũsare masigũ yerota Cohãcjũ. Apequina pehere sa yerare tiquiro. Tiquinare queoye mehnata buheitja. Yũhũ sa yegũ tiquina yũhũ buheyere tũhoepeta masisi, niahye Jesu tiquiro buheyequinare.

*Jesu oteriquiro quitire yahu pehoahye
(Mt 13.18-23; Mr 4.13-20)*

¹¹ Sa ni tuhasa tiquinare yahu nemoahye:

—Ohõ saha ni yahure ahri quiti: Oteye pjeri quehnoañe buheye yero saha ijire. ¹² Sa ye maha dũhtũ cahapũ borari pjeri pehe quehnoañe buheye yero saha ijire. Sa yero masa quehnoañe buheyere tiquina tũhogũ ihñano watĩno pehe ahta, ti buheyere masi dutierare masare. Minicjũa ti pjerire tiquina dote nediro saha yere. Tiquiro sa yeragũ tiquina Cohãcjũre wacũ tutuaboa. Tiquina sa wacũ tutuagũ ihñano Cohãcjũ pehe tiquinare pecapũ wahaboriquinare yũhdũoboa. ¹³ Utã pjeri watoa borari pjeri quehnoañe buheye yero saha ijire. Sa ye masa quehnoañe buheyere tũho, bucueye mehna tire tũho nene. Sa tũho nepeta utã watoa ijiye cjũ nahcori marieñe cjũ yero saha ahriquina masa gũhũ tutuerare. Sa tutueraye yeequina tiquina ijiri buhiri apequina tiquinare ñano

yegũ ihñañe yee pehere duhu cãhre. ¹⁴ Sa ye taa watoa borari pjeri quehnoañe buheyere yero saha ijire. Sa ye masa quehnoañe buheyere tãhoepeta, ahri yehpa cjẽne pajiro bujãa witi tãhotu, niñeru pehere cahĩ, ahri yehpa cjẽne bucuere tiquina. Sa yeye ti pehe quehnoañe buheyere cahmotagã, masa pehe quehnoañe pehere yerare. ¹⁵ Sa ye quehnoari yehpapũ borari pjeri quehnoañe buh-eye yero saha ijire. Sa yeye masa quehnoañe buheyere tãhoye, quehnoano mehna ti buheyere yũhdũdũcaerare. Sa ye yucũgũ dũca tiro saha quehnoañe buheyere tãhoyequina pehe Cohãcjũ tiquiro cahmeno saha quehnoañene yere, niahye Jesu.

Jesu sihãria quitire buheahye
(Mr 4.21-25)

¹⁶ Sa ni tuhasa apeye queoye mehna buheahye tiquiro:

—Ne sihãriare dihi sutu docapũ cũedare masa. Sa ye tiare cumuno docapũ cũedare. Uhmũanopũ tiare duhu peore wũhũpũ sajã tayequina tiquina quehnoano ihña sajã tato saha. ¹⁷ Ijipihtiye tiquina masiedarire came masa masieta. Sihãria buhriogũ mari ihña masino saha panopũ tiquina masiedarire masieta masa.

¹⁸ 'Sa yena mũsa tũhona quehnoano tũho nũnũña. Quehnoano tũho nũnũriquiro, quehnoano masinota. Tũho nũnũediquiro “Mehenogã tũhoaja”, tiquiro niepegũta ti pehere boaa waharota, niahye Jesu.

Jesu acaye tiquirore pijiahye
(Mt 12.46-50; Mr 3.31-35)

Tiquiro sa nigūta wihnono yḥdḥa wahahye. Sa ye pahcōri gūhḥ yḥsḥ dijiaa wahahye. ²⁵ Sa wahari bato Jesu tiquinare ohō saha niahye:

—¿Mḥsa yḥḥre wacū tutuerajari? niahye tiquiro.

Tiquiro sa nigū tiquina pehe cue, acḥaa waha, tiquina basi ohō saha ni yahuducuahye:

—¿Yohou, dḥse ijiriquiro boro masḥno ijiajari ahriquiro? Ahri wihnono, pahcōri gūhḥ tiquiro dutigū yḥdḥdḥcaerare tiquirore, niahye tiquina basi.

*Watīa cḥoriquirore yḥdḥoahye Jesu
(Mt 8.28-34; Mr 5.1-20)*

²⁶ Sa ye tiquina ape sie pahrēpḥ Gerasa cjēna ya yehpḥḥ pehā sahye. Ti yehpa Galilea yehpa poto ijiahye. ²⁷ Topḥ Jesu tiquiro maja sadḥcagū waro to cjūno watīa cḥoriquiro tiquiro cahapḥ ahtahye. Tiquiro yoari pje suhti marieniquiro ijiro, tiquiro ya wḥḥpḥre ne ijierahye. Sa yero masa coperi utāpḥ tiquina seheri coperi cahapḥ ijie tiahye tiquiro. ²⁸⁻²⁹ Sa ye peye tahari watīa tiquirore ñeḥeahye. Sa yero tiquiro pere-supḥ ijigū tiquiro omocarine, dahpocārine come dari mehna dḥhteriquiro ijieperota, ti darire tuā sure mḥjahye. Sa ye watīa pehe tiquirore masa marienopḥ ne cā mḥjae tiahye. Sa yero tiquiro Jesure ihñadoqueo, tutuaro sañuducu, Jesu cahapḥ dḥsepe curi mehna quehe sahye. Tiquiro sa yegū ihñano Jesu pehe tiquirore dutiahye:

—Ahriquiro mehna ijieracāhña. Wahaya watīa, niahye.

Tiquiro sa nigũ tũhoro watĩa cœoriquireo tutuaro sañuducu, sinituahye Jesure:

—¿Jesu, ʘhmʘse cjũ Cohãcjũ macʘ yabere yei tʘn niajari mʘhʘ yʘhʘre? Yʘhʘre ñano yeracãhña, niahye watĩa cœoriquireo.

³⁰ Tiquiro sa nigũ Jesu pehe sinituahye tiquirore:

—¿Dʘhse wame tiajari mʘhʘ? niahye.

Peyequina watĩa tiquiro mehna ijiahye. Sa yero ohõ saha niahye tiquinare cœoriquireo.

—Watĩa peyequina wame tiaja ʘsã, ni, yʘhtiahye watĩa cœoriquireo.

³¹—ʘhcũãri coperpʘ ʘsãre waha dutieracãhña, ni, tutuaro siniahye watĩa pehe.

³² Ti pjere topʘ cʘnʘ dahpotopʘ yesea peyequina ihyaye niahye. Tiquina topʘ ihyagũ ihñañe watĩa ohõ saha ni siniahye Jesure:

—Sisequina yesea cahapʘ waha dutiya ʘsãre. Tiquina mehna iji dutiya ʘsãre, ni, siniahye watĩa.

Tiquina sa nigũ tũhoro Jesu tiquinare yesea cahapʘ waha dutiahye. ³³ Tiquiro sa waha dutiri bato watĩa pehe masʘno mehna ijimediquina waha, yesea cahapʘ esahye. Tiquina cahapʘ tiquina esari bato yesea pehe pari cjãpʘ oma maa buhaa waha, ditarapʘ bora ñojoa mini yaria phtia wahahye.

³⁴ Yeseare cohteyequina yesea tiquina sa minigũ ihñañe, cue, oma cãa wahahye. Sa oma cã macapʘ esa, ti maca cjẽnare, ihquẽ wʘhʘse ijiro cjẽna gũhʘre tiquina ihñarire yahu siteahye. ³⁵ Tiquina sa yahu siteri bato masa ihñañe wahahye. Sa ye Jesu cahapʘ esa, watĩa cœomediquireore suhti sañariquireo tũho masiniquiro tiquiro dujigũ

ihñahye tiquina. Tiquina ijipihiyere ihñañe, tiquina cue niahye. ³⁶ Watña c̄omediquireo tiquiro quehnoa waharire ihñañequina apequinare tiquina ihñarire yahuahye. ³⁷ Ti pjeta Gerasa yehpa cjēna peyequina Jesure tutuaro cueye, tiquirore waha dutiahye. Tiquina sa waha dutigū Jesu yuc̄sap̄u sajã, waharo taro niahye. ³⁸ Watña c̄omediquireo Jesu wahato pano tutuaro sinimahye tiquirore:

—M̄h̄u mehna waha duaja, ni sinimahye.

³⁹ Tiquiro sa nigūta Jesu tiquirore yahtiahye:

—M̄h̄u ya macap̄u wahaya. Sa wahaḡu Cohãcjũ mah̄ure tiquiro yerire yahuya apequinare, niahye Jesu.

Tiquiro sa nidi bato waha, tiquiro ya macap̄u esaro, mas̄no pehe Jesu tiquirore yerire ijipihtiyequina tiquiro ya maca cjēnare yahuahye.

Jairo maconore ȳhd̄oro, dii m̄na wihoro dohatiducuricoro ḡh̄are ȳhd̄oahye Jesu
(Mt 9.18-26; Mr 5.21-43)

⁴⁰ Ape sie pahr̄ep̄u Jesu pari turi tiquiro pehã sagū ihñañe masa peyequina tiquirore cohte, bucueye mehna piti cahye tiquirore. ⁴¹⁻⁴² Top̄u judio masa buheri w̄h̄u cohteriquiro Jairo wame tiriquireo Jesu cahap̄u esa, tiquiro dahpocãri cahap̄u d̄usepe curi mehna quehe sahye tiquirore ño peoro. Tiquiro macono yariaro niahye. Ticoro ihcãcorota ijiricoro doce c̄hm̄ari c̄horicoro ijiahye. Sa yero tiquiro ya w̄h̄up̄u Jesure piji c̄ahye. “Āu”, ni, tiquiro mehna wahahye Jesu ḡh̄u.

Mahap̄u tiquina sa wahagū pe ȳhd̄ayequina masa ijiye, wahpa ȳhd̄ahye. ⁴³ Sa yero apecoro

numino doce c̄ahmari waro dii m̄ana dohatiducuricoro top̄u ijiahye. To pano duturuare ijipihtiye ticoro ye niñeru mehna wapa yemahye ticoro aco ye dutiro. Tiquina sa aco yepegāta m̄ananota ijiducu c̄ahye ticoro. ⁴⁴ Sa yero ticoro Jesu behero pehep̄u ahta, tiquiro suhtiro sohtoare ticoro ñehe tuhugāta ticoro dohatiyē pihtia wahahye. ⁴⁵ Ticoro sa ñehe tuhugā t̄ahoturo Jesu sinituahye.

—¿Noa ȳah̄u suhtirore ñehe tuhuajari? niahye tiquiro.

Ijipihtiyequina “Ñehe tuhuer̄u”, niahye. Sa ye Pedro ḡah̄u ohō saha niahye:

—Buheḡu, bihsar̄ne. Sa yeye masa peyequina m̄ah̄ure ñehe tuhure. ¿D̄ah̄seḡu sa ni sinituajari m̄ah̄u? niahye tiquina Jesure.

⁴⁶ Tiquina sa niḡu Jesu ȳah̄tiahye:

—Mianogāta ȳah̄u ȳah̄d̄uḡu yei ihcācorore. Sa yeḡu ȳah̄ure ticoro ñehe tuhuḡu masiaja, niahye tiquiro.

⁴⁷ Tiquiro sa niḡu t̄ahoro ticoro duhti masiedaro, nanarericoro Jesu cahap̄u d̄usepe curi mehna quehe sahye tiquirore ño peoro. Sa ye ijipihtiyequina masa tiquina t̄ahorop̄u ticoro dohatiyere, Jesure ticoro ñehe tuhurire, ticoro quehnoa waharire yahuahye ticoro. ⁴⁸ Ticoro yahu tuhasaḡu Jesu ticorore yahuahye:

—Maco, ȳah̄ure m̄ah̄u wac̄u tutuaye mehna quehnoago tojoare yojop̄ure. Bucueye mehna wahaya, niahye ticorore.

⁴⁹ Tiquiro sa nini watoa Jairo ya w̄ah̄ap̄u ijiriquiro yahuro wihiahye:

—Mũhũ macogã yariaa wahari. Sa yegũ buheriquirore piji cãhtaeracãhña, niahye tiquiro.

⁵⁰ Tiquiro sa nigũ tũhoro, Jairore ohõ saha ni yahuahye Jesu:

—Bũjũa witi tũhotueracãhña. Yũhũre wacũ tu-tuaya. Ti dihitare yeya. Mũhũ sa yegũ ticorogã masaa waharota, niahye Jesu.

⁵¹ Sa ni tuhasa tiquiro ya wũhũpũ esa, Pedro, Ñũ, Santiago, dohatiricoro pacũsumũa topequinata ne sajãhye. Apequina pehere Jesu sajã dutierahye.

⁵² Topũ ijipihtiyequina masa tiquina ñehe quea utiri watoa sajã sahye Jesu.

—Utieracãhña. Ticorogã yarierare. Carĩno nine, niahye tiquiro.

⁵³ Tiquiro sa nigũ tũhoye tiquina pehe ticoro yariaricoro ijigũ masiñe, Jesure bũjũahye. “Sa ni maca cãno nine”, ni bũjũahye. ⁵⁴ Sa yero Jesu ticorogã omocare ñehe, pisuahye:

—Mehenicorogã wahcãña, niahye.

⁵⁵ Tiquiro sa nigũta yariaricoro masaa waha, wahcãduca sahye ticorogã. Ticoro wahcãducari bato Jesu ticorore ihyayere oho dutiahye.

⁵⁶ Ticoro sa masagũ ihñañe ticoro pacũsumũa ihña maria wahahye. Sa yero Jesu tire apequinare yahu dutierahye.

9

Jesu doce tiquiro buheyequinare buhe dutiro ohoahye

(Mt 10.5-15; Mr 6.7-13)

¹ Sa ye Jesu docere tiquiro buheyequinare pijio, tiquiro tutuayere ohoahye tiquinare. Watĩare

tiquina cohãtìre, dohatiyequinare yũhdugũ yeati gũhũre tiquiro tutuayere ohoahye tiquinare. ² Sa ye tuhasa tiquinare Cohãcjũ tiquiro pũhoro ijìyere buhe dutiro, dohatiyequinare yũhdũo dutiro ohoahye tiquinare. ³ Ohõ saha ni dutiahye Jesu tiquinare:

—Mũsa wahana apee borore nedacãhña. Tua dũre, ajurore, ihyayere, niñerure nedacãhña. Mũsa sañano dihitare saña cãhña. Apeye suhtire nedacãhña. ⁴ Ijìpihtìye macaripũ mũsare tiquina carĩno ohogũ ti wũhũpũta ijìniña. Coã wahanapũ wijiaya ti wũhũre. ⁵ Apeye macari cjẽna mũsare tiquina cahmedagũ ihñana ti macarine yũhdũ cãa wahaya. Sa wahana mũsa dahpocãri cjẽ dihta esa wahãrìre wejẽ site cũña mũsa tiquinare tiquina ye buhirire masigũ yena, niahye Jesu.

⁶ Tiquiro sa nidi bato tiquiro buheyequina pehe waha, ijìpihtìye macaripũ quehnoañe buheyerere yahu tiniahye. Sa ye dohatiyequinare yũhdũoe tiahye.

*Jesu tiquiro yerire Herode tũhoahye
(Mt 14.1-12; Mr 6.14-29)*

⁷ Sa ye Herode Galilea yehpa cjẽna pũhoro Jesu yerire tũhoahye. “¿Noa boro ijìajari tiquiro Jesu?” nieperota ne masiedahye. Ihquẽquina ohõ saha nimahye Jesure. “Ñu wame yeriquiro mũnano masa mũjahye. Sa yero ‘Jesu’, tiquina nidiquiro tiquirota ijìre”, nimahye ihquẽquina. Tiquina sa nigũ tũhoro Herode Jesure dũhse ni masiedahye. ⁸ Sa ye apequina “Tiquiro Elia mũnano yojopũ bajuaro nine”, nimahye. Apequina pehe “Cohãcjũ yere yahu mũhtarìquina panopũ cjẽna mehna

cjũno yojopũ masa bajuaro nine”, nimahye Jesure. ⁹ Tiquina sa ni yahuducuepegũta ohõ saha ni tũhotuahye Herode: “Ñu dapure dũte sure duti tuhasaũ yũhũ. ¿Yojopũre ijiriquiro masa tiquina yahuriquiro noa boro ijiboagari tiquiro pehe?” ni, tũhoturo tiquiro Jesure ihña duamahye.

Jesu cinco mil masare ihyayere ohoahye
(Mt 14.13-21; Mr 6.30-44; Jn 6.1-14)

¹⁰ Sa ye Jesu tiquiro ohoriquina tiquiro cahapũ tojoa sa, tiquina yerire yahuahye Jesure. Tiquina yahu tuhasagũ Jesu tiquina dihitare Betsaida wame tiri macapũ siho wahahye. ¹¹ Tiquina waharire masiñe, masa peyequina tiquinare nãnũ tã cãa wahahye. Jesure tiquina Ʃmũ sagũ ihñano piti cahye Jesu tiquinare. Sa yero tiquiro Cohãcjũ pũhtoro ijiyere tiquinare yahu, dohatiyequinare yũhdũgũ yeahye.

¹² Ñamicahapũ doce tiquiro buheyequina tiquiro cahapũ esa, Jesure yahuahye:

—Ohõ masa marienopũ ijire. Ohõ majano cjẽ wũhũsepũ ahriquina masare ohoya. Carĩato, tiquina ihyati gũhare maca dutiya tiquinare, niahye tiquina Jesure.

¹³⁻¹⁴ Tiquina sa nigũ Jesu yũhtiahye tiquinare:

—Sa niedacãhña. Ihyayere ohoya tiquinare, niahye.

Tiquiro sa nigũ tũhoye tiquina yũhtiahye:

—Ihcã omope paca pã paca, pũaro wahi to punota cũoaja mari. ¿Ahriquina peyequina masa tiquina ihyatire dúboagari Ʃsã? niahye tiquiro buheyequina.

Peyequina masa tiquina ijigũ ihñañe sa niahye tiquiro buheyequina. Топуре cinco mil умна ijiahye. Sa yero Jesu yahuahye tiquiro buheyequinare:

—Cincuenta masare ihcã curua duji dutiya. Apeye cururi gũhure topequinata duji dutiya, niahye Jesu tiquiro buheyequinare.

¹⁵ Tiquiro sa nigũ buheyequina tiquiro dutiriro sahata ye, ijipihtiyequina masare duji dutiahye.

¹⁶ Duji duti tuhasa Jesu ihcã omope paca pã pacare pũaro wahire ne, umnanopũ ihña mũoahye. Sa ihña mũono Cohãcjũre “Quehnoare”, niahye. Tiquiro sa nidi bato pã pacare nuha, tiquiro buheyequinare masare iti dutiro ohoahye. ¹⁷ Sa ye tiquina ijipihtiyequina masa ihya, yapi yũhdũa wahahye. Tiquina yapi wehorire doce pũhuse ne cahmecoa wahpo dapoahye tiquiro buheyequina.

*Jesu potota Cristo tiquiro ijiyere Cohãcjũ
ohoriquiro tiquiro ijiyere yahuahye Pedro
(Mt 16.13-19; Mr 8.27-29)*

¹⁸ Ihcã deco Jesu ihcãquirola ijiro, Cohãcjũre sinino niahye. Tiquiro sinini watoa tiquiro buheyequina tiquiro cahapũ esahye. Sa yero Jesu sinituahye tiquinare:

—¿Noa boro ijiagari yũhũ, masa yũhure tiquina tũhotugũ? ni sinituahye.

Tiquiro sa sinitugũ tũhoye tiquiro buheyequina yũhtiahye:

¹⁹ —“Ñu wame yeriquiro ijire”, nine mũhure. Apequina “Elia ijire”, nine. Apequina “Cohãcjũ yere yahu mũhtariquina mehna cjũno panopũ

cjũno masa bajoaro nine yojopure”, nine, ni yuhtiahye tiquiro buheyequina pehe tiquirore.

²⁰ Tiquina sa nidi bato Jesu tiquinare sinituahye tja:

—¿Musa pehe musa tuhotugũ, noa boro ijiagari yuħu? ni, sinituahye tja.

—Mũħ Cristo Cohãcjũ ohorigu ijire, ni yuhtiahye Pedro.

Jesu tiquiro yaria masa wijiatiye yahuahye

(Mt 16.20-28; Mr 8.30-9.1)

²¹ Sa ye Pedro “Cristo ijire mũħ”, tiquiro nidi dire apequinare Jesu yahu site dutierahye tiquiro buheyequinare. ²² Sa ni yahu site dutiera tuhasa ohõ saha ni nemoahye:

—Yuħu masu Cohãcjũ ohorigu tutuaro ñano yuħdũta. Sata yuħduro cahmene yuħure. Sa ye mari judio masare buheyequina, bucuna, pahia puħtoa mehna yuħure cahmeda, yuħure wejẽeta. Tiquina wejẽdi bato ihtia deco wahaboro masa wijiagutja, niahye Jesu tiquinare.

²³ Came ijipihtiyequinare ohõ saha ni yahuahye Jesu:

—Ihcãquiro yaquiro iji duaro, tiquiro cahmeno ye duamedire duhu cãnota. Sa yero yaquiro tiquiro ijiri buhiri ñano yuħduerperota yuħure duhusi. Sa yero yeere yeducuriquiro ijirota.

²⁴ Masũno yuħure wacũno marieno tiquiro esa tuharo tiquiro cahmeno saha yero, pecapũ waharota. Sa yero yeere sa yeducuriquiro ijipihtiye decori yuħu mehna uhmũsepũ ijiducurota.

²⁵ ¿Ihcãquiro masũno ahri yehpa cjẽne ijipihtiyere cãoriquiro Cohãcjũre cahmedaro pecapũ waharo,

yabere wapatajari tiquiro? Sa ijiriquiro ne wapataerare. ²⁶ Ihquẽquina yũhũre, yũhũ buheye gũhũre bũe tisãboaga. Tiquina sa yegũ ihñagũ yũhũ gũhũ yũhũre sa yeyequinare bũe tisãgutja. Yũhũ masũ Cohãcjũ ohorigũ quehnoañequina angele mehna usã asi siteropũ, yũhũ Pacũ tiquiro asi siteropũ tojoa tagũ tiquinare bũe tisãgũta. ²⁷ Poto niita niaja musare. Yojopũre ihquẽquina musa ohõpũre ijiyequina musa yariato pano Cohãcjũ ijipihtiyequina bui pũhtoro tiquiro iji dũcagũ ihñanata musa, niahye Jesu tiquinare.

Jesu tiquiro pagũre comesahye
(Mt 17.1-8; Mr 9.2-8)

²⁸ Sa ye ocho decori tire tiquiro yahuri bato Jesu Pedore, Ñũre, Santiagore tiquina dihitare pijahye. Sa ye waha, Cohãcjũre siniñe waha, cũnũpũ mũjãa wahahye tiquina. ²⁹ Cohãcjũre tiquiro sinini watoa Jesu ya wũhdoa comesahye. Sa yero tiquiro suhtiro asi siteri suhtiro quehnoano yehseri suhtiro wahahye. ³⁰ Tiquiro sa wahari watoa pũaro mũna tiquiro mehna yahuducuye niahye. Yahuducuyequina pehe Elia mũnano, Moise mũnano gũhũ ijiahye. ³¹ Tiquina mũmũse cjẽ asi siteye mehna bajuahye. Jesu camegãta Jerusalẽpũ tiquiro yariatire tiquina Jesu mehna yahuducuye niahye. ³² Pedro gũhũre wũjũa purĩ yũhdũahye. Sa carĩepeta acũa, wahcã wihi, Jesu tiquiro asi siteyere ihñañe, pũaro tiquiro mehna ducuyequina gũhũre ihñahye. ³³ Moise mũnano gũhũ tiquina wahato panogã Pedro Jesure ohõ saha nimahye:

—Puhto, mari ohõre ijigũ quehnoa duare. Ihtia wuhugã yenatja. Mũhũ ya wuhugã, Moise ya wuhugã, Elia ya wuhugã yenatja, nimahye Pedro.

Sa nieperota tiquiro nidire ne masiedahye. ³⁴ Tiquiro sa ni yahuducuri watoa tiquinare ehmeo curua cahmotahye. Sa cahmotagũ ihñañe tiquina cuea wahahye. ³⁵ Sa yero ehmeo puhiarũ yahuducuye bisiro ca tahye:

—Ahriquiro yũhũ macũ, yũhũ beseriquiro ijire. Quehnoano tũhoya tiquirore, nino ca tahye ehmeo curua puhiarũre.

³⁶ Tiquiro sa nidi bato Jesu dihitare ihñañe tiquina. Came tiquina ihñarire apequinare yahuerahye. Ne ihcãquirore yahuerahye.

*Jesu watĩno cũoriquirogãre yũhdũoahye
(Mt 17.14-21; Mr 9.14-29)*

³⁷ Ape deco tiquina cãũũũ tiquina dijia tagũ peyequina masa Jesure piti cahye. ³⁸ Sa yero tiquina mehna cjãno Jesure pisuahye:

—Buhegũ, mũhũre tutuaro ahrire sini duaja yũhũ. Yũhũ macũ ihcãquirota ijire. Sa yegũ tiquirore ihña basaya mũhũ. ³⁹ Watĩno tiquirore ñehe, sañuducu tunu nanaregũ ye, sahpo tua wahagũ yee tire. Sa yero watĩno yũhũ macũre ñano yũhdũgũ ye, ne duhu duerare. ⁴⁰ Mũhũ buheyequinare watĩnore cohã dutigũ tutuaro sinimi. Yũhũ sa siniepegũta tiquina tiquirore cohã masiedari, niahye tiquiro Jesure.

⁴¹ Tiquiro sa nigũ Jesu pehe ohõ saha niahye tiquiro buheyequinare:

—Yojopũ cjẽna mũsa ñana ijire. ¿Yũhũre ne wacũ tutuerabutijari? Yoabutiari pje mũsare buhemi

yũhũ. ¿Noho puno yoari pje yũhũre mũasa cariboboagari? ni tuhtiahye Jesu.

Sa ni tuhasa watĩa cœoriquiro pacœore ohõ saha niahye:

—Mũhũ macœre ne cãhtaya, niahye.

⁴² Tiquiro sa nidi bato tiquiro macœno Jesu cahapũ tiquiro ahtari watoa watĩno pehe tiquirore yehrapũ doque quehe sa, tunu nanaregũ yeahye. Tiquiro sa yegũ Jesu watĩnore waha dutiahye. Tiquiro sa dutigũ watĩnore cœoriquirogã yũhdũa wahahye. Sa yero Jesu pehe tiquirogãre wiahye tiquiro pacœore. ⁴³ Ijipihtiyequina masa Cohãcjũ tutuaye mehna tiquiro quehnoa wahagũ ihñañe, ihña maria wahahye.

Pari turi Jesu tiquiro yaria masa wijiatire yahuahye

(Mt 17.22-23; Mr 9.30-32)

Masa Jesu tiquiro yerire tiquina ihña, ihña maria wahagũ Jesu pehe tiquiro buheyequinare ohõ saha ni yahuahye:

⁴⁴ —Mianogãta yũhũ yahuatire boeracãhña mũasa. Yũhũre Cohãcjũ tiquiro ohorigũre apequiro yũhũre ñehe dutiro ohorota masare, niahye Jesu.

⁴⁵ Tiquiro sa niepegũta tiquina pehe tiquiro yahuyere quehnoano tũhoerahye. Tiquiro yahurire tiquinare masino basioerahye. Ti pjeta Cohãcjũ tiquinare tire tũho dutiero niahye. Sa ye tiquina cueye, tire tiquirore sinituerahye.

Jesu buheyequina tiquina mehna cjũnore pũhto sũ duamahye

(Mt 18.1-5; Mr 9.33-37)

46 Came Jesu buheyequina cahme sehña soye niahye:

—¿Mari mehna cjãno diquiro pehe pãtoro sajãnotari? niñe niahye tiquina basi.

47 Tiquina sa nigã Jesu pehe tiquina tãhotuyere masino, nijinogãre tiquiro cahapũ ducu duti, tiquiro buheyequinare yahuahye:

48 —Yeere yena tana ahriquirogãre cahmena, yũhũ gãhũre cahmene mũsa. Sa yena yũhũre cahmena, yũhũre ohoriquiro gãhũre cahmene mũsa. Mũsa mehna cjãno mũsa cahacjãno ijiro tiquiro gãhũ pãtoro ijirota, niahye Jesu.

Marine ihña tuhtiriquiro ijieraro, mari mehna cjãno ijire

(Mr 9.38-40)

49 Came Ñũ Jesure ohõ saha ni yahuahye:

—Buhegũ, mũhũ wame mehna watĩare cohãriquirore usã ihñahũ. Mari mehna cjãno tiquiro ijieragũ ihñana tire tiquirore ye dutierũ usã, niahye Ñũ Jesure.

50 Tiquiro sa nigã Jesu Ñũre apequina buheyequina gãhũre ohõ saha ni yahuahye:

—Sa niedacãhña mũsa tiquirore. Marine ihña tuhtiriquiro ijieraro, tiquiro mari mehna cjãno ijire, niahye Jesu tiquiro buheyequinare.

Jesu Santiagore, Ñũ gãhũre tuhtiahye

51 Ti pjere Jesu ahmũsepũ tiquiro wahato panogã, “Jerusalẽpũ wahaũtja”, niahye tiquiro. Sa nino topũ waharo niahye. 52 Sa ye Jesu tiquiro pano ohoriquina waha, Samaria yehpa cjã macapũ esa, topũ Jesu tiquiro ijiatire quehno

duamahye. ⁵³ Jesu Jerusalēp_u waharo taro niahye. Top_u wahatiqairo tiqairo ijigū tūhoye, to cǵēna tiqirore cahmedahye. ⁵⁴ Tire tūhoye Santiago, Ñu mehna yahuahye Jesure:

—Pūhto, mūh_u cahmegū ũhmūse cǵā peca mehna tiquinare wejē dutinata, nimahye tiquina tiqirore.

⁵⁵ Tiquina sa nigū Jesu majare ihña, tuhtiahye tiquina pūarore.

⁵⁶ Sa tuhti tuhasa, ape macap_u Jesu gūh_u wahaa wahahye.

Apequina Jesu mehna wahamahye

(Mt 8.19-22)

⁵⁷ Ti mahap_u tiquina wahagū, ihcāqairo Jesure yahuahye:

—Mūh_u mehna waha duaja noho mūh_u waharop_u, niahye tiqiro.

⁵⁸ Tiqiro sa ni tuhasagū Jesu yūhtiahye:

—Ihquēquina nūc_u cǵēna wahiquina tiquina coperi cūore. Minicj_u gūh_u tiquina suhti cūore. Yūh_u mas_u Cohācjū ohorig_u pehe yūh_u carīni wūh_u cūoeraja, niahye Jesu.

⁵⁹ Came apequiore Jesu pijiahye:

—Yūh_u mehna cǵā ijīacj_u ahtaya, niahye.

Tiqiro sa nigū yūhtiahye Jesure:

—Pūhto, yūh_u pac_u tiqiro yariagū yarīgūtja. Sa ya tuhasag_u pūrita mūh_u mehna wahagūtja, niahye tiqiro.

⁶⁰ Tiqiro sa nigū Jesu yahuahye:

—Yūh_ure cahmeeñequina yariariquina yero saha ijire. Tiquina pehe yariariquinare yaahro. Sa yeg_u mūh_u pehe Cohācjū tiqiro pūhtoro ijiyere

quehnoañe buheyere buhegũ ahtaya, niahye Jesu tiquirore.

⁶¹ Sa yero apequiro Jesure ohõ saha niahye:

—Puhto, mũhũ mehna wahaũtja. Mũhũ mehna yũhũ wahato pano yũhũ acayere cohe tiiii wahaũtja, niahye tiquiro Jesure.

⁶² Tiquiro sa nigũ Jesu yahuahye tiquirore:

—Dahrariquiro dahra dueraro tiquiro dũhseatiquiro ijierare. Tiquiro yero sahata ijiriquiro ohõ saha ijire: “Cohãcjũ yere ye duaja”, nieperota tire yerare. Tiquiro Cohãcjũ yaquiro ijiboriquiro ijierare, niahye Jesu.

10

Jesu setenta y dos buheyequinare buhe dutiro ohoahye

¹ Came Jesu apequina buheyequinare setenta y dos buheyequinare bese, macaripũ tiquiro wahato pano ohoyuahye. Ti macarine pũeyequina dihita ohoyuahye tiquiro. ² Sa ohoyuro ohõ saha ni yahuahye tiquinare queoye mehna buhero:

—Trigo peye ti bũcũa tuhasagũ peye ijigũ dahraye pajiro ijire. Sa ijiepegũta dahrayequina pehe meheñequinagã ijire. Sata quehnoañe buheyere tũhoatiquina peyequina ijigũ pajiro ijire mari dahraye. Sa ijiepegũta meheñequinagã dahrari masa yero sahata quehnoañe buheyere buheatiquina gũhũ meheñequinagã ijire. Sa yena quehnoañe buheyere buheatiquinare apequinare tiquiro ohoatire siniña Cohãcjũre mũsa. ³ Wahaya mũsa. Mũsare yũhũ ohogũ mũsa oveja pohne yayia watoa tiquina ijiro sahata mũsa gũhũ

ñañequina usuayequina watoa ijinata. ⁴ Niñeru ajurore, paji cjūri ajuro gūhure, dahpo suhtire nedacāhña. Mūsa mahapū tinina apequinare boca sa yahuducueracāhña. Poto wahaya. ⁵ Ijipihtiye mūsa sajāñe wūhusepū sajāna, “Ahri wūhū cjēna quehnoano ijiahro”, ni mūhtaña. ⁶ Ti wūhū cjēna quehnoano mehna ijiyequina cahmequeno marieñequina tiquina ijigū, tire niña tiquinare. Quehnoano mehna tiquina ijieragū ihñana ti wūhū cjēnare sa niedacāhña. ⁷ Ihcā wūhupū sajā saducana tiquina quehnoañequina ijigū ti wūhupūta tojoaya. Topū tiquina duhu peorire ihya, sihniña. Dahrayequinare tiquina wapatayere neno cahmene. Sa yena tiquina wapatayere tiquina neno sahata tiquina duhu peorire neña mūsa gūhū. Sa yena ihcā wūhupūta mūsa esari wūhupūta ijina, ti maca cjē wūhusepū carī tiniedacāhña. ⁸ Macapūre mūsa esana to cjēna pehe mū sare tiquina cahmeñequina ijigū ti ihyayere tiquina duhu peorire ihyaya. ⁹ To cjēna dohatiyequinare yūhdūoya. Sa yena ohō saha niña to cjēnare: “Cohācjū yojopūre mari pūhtoro tiquiro ijati mehenogā dūhsare”, niña tiquinare. ¹⁰ Ape macapū mūsa esagū tiquina pehe mū sare cahmedaboaga. Tiquina cahmedagū ihñana ti maca decopū waha, ohō saha niña tiquinare. ¹¹ “Ahri maca cjē dihtare dahpocāri cjē dihtare wejē site cohāna niaja ūsāre mūsa cahmedari buhiri ihñona. Sa yena ahrire wacūña. Cohācjū mari pūhtoro yojopūre tiquiro ijati mehenogā dūhsare”, niña tiquinare. ¹² Mū sare poto niita niaja. Sodoma cjēna ña yūhdūayequina ijiahye. Tiquina sa ijiepegūta pihtiati deco ijigū Cohācjū

tiqairo buhiri dahreati deco ijigũ Sodoma cjēna yũhdũoro m̄sare cahmeeñequina pehere buhiri dahrerota, niahye Jesu.

*Apeye macari cjēna Cohãcjũre
yũhdũũcayequina ijire
(Mt 11.20-24)*

¹³ Came Jesu ohõ saha niahye macari cjēnare:

—Corazín cjāna, m̄sa ñano yũhdũnata. Bet-saida cjāna, m̄sa gũhũ ñano yũhdũnata. M̄sa ye macarip̄re Cohãcjũ tutuaye mehna ye ihñomi. Tiro wame tiri macare, Sidõ wame tiri maca gũhũre tiqairo tutuaye mehna yũhũ ye ihñogũ ihñañe panop̄ to cjēna pehe tiquina ñañene bujua witiyoaga. Sa ye quehnoañene comesaboaga. Duita tiquina masa dija suhtire saña, tiquina basi peca cjē nujuare tiquina bui dahra site peoboaga tiquina ñañene bujua witiyere ihñoñe.

¹⁴ Cohãcjũ tiqairo buhiri dahreati deco ijigũ Tiro cjēna, Sidõ cjēna yũhdũoro m̄sa pehere m̄sa ñari buhiri m̄sare tutuaro buhiri dahrerota tiqairo.

¹⁵ Capernau cjāna, m̄sa esa tuharo um̄sep̄ waha duamene. M̄sa sa waha duepegãta m̄sa ñari buhiri m̄sare Cohãcjũ pecar̄ cohãnota, niahye Jesu.

¹⁶ Sa ni tuhasa Jesu tiqairo buheyequinare yahuahye:

—M̄sare tuhoyequina yũhũ gũhũre tuhore. M̄sare cahmeeñequina, yũhũ gũhũre cahmedare. Sa yeye yũhũre cahmeeñequina, tiquina yũhũre ohoriquiro gũhũre cahmedare, niahye Jesu tiquinare.

Setenta y dos buheyequina tojoa wihiahye

17 Came setenta y dos buheyequina bucueye mehna tojoa wihiahye:

—Pũhto, mũhũ wame mehna mũhũ tutuaye mehna watĩare usã dutigũ tiquina pehe usãre yũhdũdũcaerare, niahye tiquina Jesure.

18 Tiquina sa nigũ Jesu yũhtiahye tiquinare:

—Ʋhmũsepũ mia sitedoque dijioro sahata, watĩno tiquiro bora dijia tagũ ihñaa. 19 Quehnoano tũhoya. Mũsare yũhũ tutuayere ohou yũhũ. Sa yegũ añaa parire, cutipa parire, watĩnore marine ihñã tuhtiriquirore mũsa yũhdũdũcatire ohou yũhũ. Sa ye tiquina mũsare ñano ye masiedare.

20 Yũhũ sa ohoepegũta watĩa mũsare tiquina yũhdũdũcaeragũ ihñana ti dihitare bucueracãhña. Ahri pehere bucueya. Ʋhmũsepũ Cohãcjũ yequina tiquina wamene tiquiro ojoa ohõri tjupe mũsa wamene tiquiro ojoa ohõgũ ihñana, ti pehere bucueya mũsa, niahye Jesu tiquinare.

Jesu bucueahye

(Mt 11.25-27; 13.16-17)

21 Ti pjere Espĩritu Santo Jesure tutuaro bucuegũ yeahye. Sa yero Jesu ohõ saha niahye:

—Mai, mũhũ Ʋhmũsepũ gũhũre yehpapũ gũhũre pũhto ijire. Masi yũhdũdũcayequinare mũhũ yahuerarire ihyo ijiyequina pehere yahuri mũhũ. Mũhũ sa yegũ ihñagũ “Quehnoa yũhdũare”, niaja. Sata ijire mai. Mũhũ ye duariro sahata, mũhũ cahmediro sahata tiquinare mũhũ yere yahuri mũhũ, niahye Jesu.

Sa ni tuhasa apequinare ohõ saha niahye:

22 —Yũhũ Pacũ ijipihtiyere yũhũre ohori. Yũhũ Pacũ dihita yũhũre masine. Yũhũ gũhũ tiquirore

masiaja. Yuh̄u beseriquina ḡuh̄u tiquiore masine, yuh̄u masi dutiyequina ijiye. Topequinata yuh̄u Pacure masiaja us̄ã, niahye Jesu.

²³ Tiquiro sa nidi bato tiquina sehsaro ijiḡu Jesu tiquiore buheyequinare oh̄o saha niahye:

—Ahri ijipihtiyere musa ih̄nana bucuena ijire.

²⁴ Ijirota ijire. Peyequina Coh̄ãcj̄u yere yahu mahtariquina, ihquẽ yehpari cj̄ena p̄ahtoa ḡuh̄u yojopu musa ih̄narire ih̄na duamahye tiquina ḡuh̄u. Sa ye musa t̄uhori ḡuh̄ure t̄aho duamahye, niahye Jesu.

Quehnoariquiro Samaria cj̄ano quitire yahuahye Jesu

²⁵ Ti pjeta judio masare buheriquiro Jesu cahap̄u wihi, Jesure tiquiore ñano yahuducuḡu ye duamahye:

—¿Buhegu, yuh̄u ijipihtiyere decori Coh̄ãcj̄u mehna iji duagu d̄uhse yeboagari yuh̄u? ni, sinituahye tiquiore Jesure.

²⁶ Tiquiro sa niḡu Jesu yahtiahye tiquiore:

—¿D̄uhse ni yahuajari Coh̄ãcj̄u yere tiquina ojoari p̄up̄u? ¿Coh̄ãcj̄u tiquiore ni ojoarire d̄uhse ni t̄ahotujari mah̄u? niahye Jesu tiquiore.

²⁷ Jesu sa niḡu tiquiore yahtiahye:

—Oh̄o saha niahye Coh̄ãcj̄u: “Tutuaru musa jeripohnari mehna, quehnoano musa tutuaye mehna, musa wacũne mehna Coh̄ãcj̄ure cah̄ña. Sa ye mah̄u basi mah̄u cah̄ño saha mah̄u cahap̄u ijিয়েquina ḡuh̄ure cah̄ña”, niahye tiquiore Jesure.

²⁸ Tiquiro sa niḡu Jesu yahtiahye:

—Potota nine m̄h̄h̄. Tire yeya. Sa yeḡu ijipihtiye decori Coh̄ãcj̄ũ mehna ijiḡata m̄h̄h̄, niahye tiquirore.

²⁹ “Ahriquiroy Coh̄ãcj̄ũ dutiyere ye pehoriquiroy ijire”, masa tiquirore tiquina ni ih̄ñaḡũ cahmeahye judio masare buheriquiroy. Sa cahmeno tiquiroy Jesure oh̄õ saha ni sinituahye:

—¿Noa boro ijiboagari ȳh̄h̄are m̄h̄h̄ cahĩ dutiriquiroy? niahye tiquiroy.

³⁰ Tiquiroy sa niḡũ Jesu oh̄õ saha ni queoye mehna piti dahre buheahye:

—Ihc̄ã deco Jerusal̄ẽp̄ũ ahtariquiroy Jericórp̄ũ wahreni quiroyre mahap̄ũ tiquiroy tiniḡũ yaqueyequina tiquirore ñeheahye. Sa ñeheñe, tiquiroy suhtirore tu we ne, tiquirore tutuaro quẽahye. Sa tutuaro quẽ, tiquiroy yariaro taro yeḡũ duhuahye tiquina tiquirore. ³¹ Ti pjeta pahĩ ti mahap̄ũ ahtahye. Sa ahtaro tiquina quẽdiquirore ih̄ñaeperota maha ape sie d̄ht̄ũ cahap̄ũ ȳhd̄ũ cãa wahahye.

³² Sa ye Coh̄ãcj̄ũ w̄h̄h̄p̄ũ dahrariquiroy ḡũh̄ũ pejec̄h̄oriquiroy cahap̄ũ esa, tiquirore ih̄ña, maha ape sier̄p̄ũ ȳhd̄ũ cãa wahahye. ³³ Sa ye Samaria cj̄ũno pehe top̄ũ waha, yoa cj̄ũnop̄ũ pejec̄h̄oriquiroyre ih̄ña, tiquirore paja ih̄ñahye. ³⁴ Sa yero tiquiroy pejec̄h̄oriquiroy cahap̄ũ esa, ūh̄se, vino mehna moredire tiquiroy camine pio peoahye. Pio peo tuhassa suhtiro cahsero mehna d̄ht̄eahye tiquiroy camine. Tuhassa, pejec̄h̄oriquiroyre tiquiroy yaquiroy burro bui duhu peo, car̄ĩni w̄h̄h̄p̄ũ ne cãh̄ye tiquirore. Top̄ũ ijiro, Samaria cj̄ũno quehnoano ih̄ña ihboahye tiquirore. ³⁵ Ape deco tiquiroy car̄ĩni w̄h̄h̄ũ up̄urore p̄ũa cjoe niñeru cjoerire oho, oh̄õ saha niahye: “Ahri quiroyre ih̄ña ihboya. Ahri esa

tuhaeragũ pari turi tojoa tagũ wapa ye pehoutja”, niahye Samaria cjãno wãhũ upũrore, niahye Jesu.

³⁶ Sa ni tuhasa judio masare buheriquirore sini-tuahye Jesu:

—¿Ahriquina ihtiaro amũa diquiro pehe ijiajari pejecũoriquirore cahĩdiquiro? niahye Jesu.

³⁷ Tiquiro sa nigũ tãhoro buheriquiro pehe Jesure yãhtiahye:

—Pejecũoriquirore yedohoriquiro ijiaga tiquirore cahĩdiquiro, niahye tiquiro Jesure.

—Wahaya. Mũhũ gãhũ masare sata yei wahaya, niahye Jesu buheriquirore.

Marta, María gãhũ cahapũ tiniahye Jesu

³⁸ Sa ye Jesu tiquiro buheyequina mehna tiquina wahagũ, ape macapũ tiquina tinigũ, Marta wame tiricoro tiquinare ticoro ya wãhũpũ sajã ta dutiahye. ³⁹ Ticoro bahoro María tiquiro dahpocãri cahapũ duji, tiquiro buheyere tãhoahye. ⁴⁰ Ticoro sa yegũ ihñano Marta ticoro dahraye peye ijigũ usuahye. Sa yero ticoro Jesure yahuahye:

—¿Puhto, yũhũ ihcõta dahragũ yũhũre yũhũ baho ticoro yedohoeragũ mãhũre quehnoajari, mãhũ ihñagũ? Ticorore yũhũre yedoho dutiya, niahye Marta Jesure.

⁴¹ Ticoro sa nigũ Jesu yãhtiahye:

—Marta, dahraye peye cũogo pajiro tãhoture mãhũ. ⁴² Cohãcjũ tiquiro yere tãho dutire. María quehnoañene yero taro, tire cahmene. Sa yegũ yũhũre ticoro tãhogũ “Yedohogo wahaya”, niedaja ticorore, niahye Jesu Martare.

11

Jesu Cohãcjũre siniñene buheahye (Mt 6.9-15; 7.7-11)

¹ Ihcã deco Jesu Cohãcjũre sinino niahye. Tiquiro sini tuhasagũ, ihcãquiro tiquiro buheyequina mehna cjũno tiquirore ohõ saha niahye:

—Pũhto, Ñu tiquiro buheyequinare tiquiro buheriro sahata Cohãcjũre siniñene usã gãhure buheya mũhũ, niahye tiquiro Jesure.

² Tiquiro sa nigũ tãhoro Jesu tiquinare yahuahye:

—Ohõ saha Cohãcjũre siniña: “Usã Pacũ, uhmuse cjũ mũhũ quehnoagũ sa ijiducure. Yojopure ijipihtiyequina pũhto ijiya. ³ Sa yegũ decoripe usã ihyatire ohoducuya usãre. ⁴ Apequina usãre tiquina ñañe yerire usã boaja. Sa yegũ mũhũ gãhũ usã ñañe yerire boya. Sa yegũ usã ñañene ye duagũ usã tutuaro cahmegũ ihñagũ tire usãre ye dutiegũta”, ni siniña Cohãcjũre, niahye Jesu tiquinare.

⁵ Came Jesu quiti mehna tiquiro buheyequinare ohõ saha ni buheahye:

—Ihcãquiro ñami decopũ tiquiro acayũro ya wũhũpũ waha, tiquirore siniahye: “Yũhũ acayũ, ihtiarĩa pã pacare ohoya yũhũre. ⁶ Apequiro yũhũ acayũro tinino ahtariquiro mianogãta ya wũhũpũ wihiri. Sa yegũ tiquirore yũhũ nuati mariedare”, niahye tiquiro acayũrore. ⁷ Tiquiro sa nigũ tiquiro acayũro wũhũ puhĩapũ ijiriquiro

yũhtiahye: “Yũhũre cariboeracãhña. Sopecaha bihariro ijire. Yũhũ, yũhũ pohna mehna carĩna niaja. Wahcãno pjeraga yũhũre mũhũre ihyayere ohoborigũ”, niahye tiqũiro acayũro. ⁸ ¿Dũhse waharotari sinidiquirore? Poto niaja mũsare. Tiquiro acayũro ijieperota, ihyaye ohoborigũiro wahcã duerahye. Tiquiro wahcã duerapegũta ihyaye sinidiquiro pehe bũe tiro marieno tiqũiro yoari pje siniducugũ ijipihtiye tiqũiro sinidiro sahata ohorota. ⁹ Sa yegũ ahrire mũsare ni yahugũ niaja: Cohãcjũre siniña. Sa sinina mũsa nenata. Mũsa sinidire bocanata. Tiquirore sa siniducuya. Mũsa sa yegũ tiqũiro ohorota. ¹⁰ Ijipihtiyequina Cohãcjũre siniñequina neeta. Sa ye tiquina sinidire bocaeta. Sa yero ijipihtiyequina Cohãcjũre sa siniducuyequinare tiqũiro tiquinare ohorota.

¹¹ ¿Mũsa pohna mũsare wahire tiquina sinigũ añare ohoboagari mũsa tiquinare? ¹² ¿Mũsa pohna canaca dũere tiquina sinigũ cutipare ohoboagari mũsa tiquinare? Ne ohosi. ¹³ Mũsa ñana ijiepenata mũsa pohñare quehnoañene ohoe tiri mũsa. Sa yero Cohãcjũ pehe mũsa ohori yũhdũoro quehnoañene ohore mũsare. Tiquiro mari Pacũ ahmũse cjãno Espĩritu Santore ohorota tiquirore siniñequinare, niahye Jesu tiqũiro buheyequinare.

—*Jesu watĩno tutuayere cũore, ni, yahusãhye masa*

(Mt 12.22-30; Mr 3.20-27)

¹⁴ Ti pjere Jesu watĩnore cohãno niahye. Watĩno pehe yahuducu masiedagũ yeahye masũnore. Sa yero watĩno masũnore tiqũiro duhuri bato masũno pehe yahuducu dũcahye. Tiquiro yahuducugũ tũhoye masa peyequina tũho maria

wahahye. ¹⁵ Tiquina sa tũho mariepegũta apequina pehe ohõ saha niahye:

—Ahriquiroy Jesu watĩare tiquiro cohãgũ Beelzebũ wame tiriquiroy watĩa pũhoro pehe tiquirore yedohore, niahye apequina.

¹⁶ Apequina “¿Jesu Cohãcjũ tiquiro ohoriquiro ijiajari?” ni masi duaye tiquirore Cohãcjũ tutuaye mehna ye ihõ dutimahye. ¹⁷ Tiquina sa dutigũ tũhoro “Watĩno tutuaye mehna watĩare cohãre”, ni, tiquina tũhotuyere masino, tiquinare ohõ saha ni yahuahye Jesu, “Watĩno ye tutuaye mehna watĩare cohãgũ niedaja”, nino taro:

—Ihcã yehpa cjẽna tiquina basi cahmequeñe, ti yehpa cjẽna yaria pihtia wahaboaga. Sa ye ihcã wũhũ cjẽna tiquina basi cahmequeñe, ti wũhũ cjẽna waha pihtia wahaboaga. ¹⁸ Sa ye, watĩno yequina watĩa tiquina basi cahmequeñe, tiquina watĩa gũhũ waha pihtia wahaboaga. Ihcã curua iji masiedaboaga. Mũsa yũhũre ohõ saha nine. “Tiquiro watĩno tutuaye mehna watĩare cohãre”, mũsa yũhũre nina niaga. ¹⁹ ¿Yũhũre mũsa nidi poto ijigũ mũsa mehna cjẽna watĩare cohãñe watĩno tutuaye mehnata cohãjari tiquina gũhũ, mũsa ihõagũ? Mũsa mehna cjẽna watĩare cohãñe, watĩno tutuaye mehna cohãñe niedare. Ahrire masina watĩno tiquiro tutuaye mehna watĩare yũhũ cohãedagũ masinata mũsa. ²⁰ Sa yegũ yũhũ pehe watĩare cohãgũ Cohãcjũ tutuaye mehna cohãja. Ahrire masina, Cohãcjũ tiquiro pũhoro iji dũcayere masinata mũsa.

²¹ 'Tutuariquiroy tiquiro ye wamoamehna tiquiro ya yũhũre tiquiro ihõa ihbogũ tiquiro yere apequina yaque masiedare. ²² Tiquiro sa ihõa

ihboepēgāta apequiro tutua yūhdūriquiro tiquiro mehna cahmeque, tiquirore yūhdūduca, tiquiro ye wamoare ehma cā, tiquiro yere ehma cāhre. Ohō sahata ye yūhdūducaro cahmene watīare. ²³ Ihcāquiro yūhūre cahmedaro, yūhūre ihña tuhtiriquiro ijire. Ihcāquiro yūhūre yedohoeraro yūhūre ñano yero nine, ni buheahye Jesu.

Watīno pari turi masūnore tiquiro sajāri quitire yahuahye Jesu
(Mt 12.43-45)

²⁴ Sa yero tiquiro tūhotuye mehna ohō saha ni queoye mehna buheahye tiquinare:

—Watīno masūno mehna ijiriquiro waha, tiquiro aco marieni yehpapū tinino, tiquiro ijiatore macamahye. Bocaeraro, ohō saha ni tūhotuahye: “Masūno yūhū duhuriquiro mehna pari turi ijigū wahaūtja”, ni, tūhotuahye tiquiro.

²⁵ Sa nino tiquiro tojoa waha, masūnore bocahye. Sa tiquiro bocagū masūno pehe quehnoariquiro ijimahye. ²⁶ Sa yero watīno apequina siete watīare tiquiro yūhdūoro ñañequinare pijiro wahahye. Tiquiro sa pijigū tiquina ijipihtiyequina watīa masūno mehna ijiahye. Sa yero masūno pehe to pano ihcāquiro watīnore cūoro, ñariquiro ijimahye. Camerū pehere peyequina watīare cūoriquiro ijiro, to pano tiquiro ijiriro yūhdūoro ña yūhdūariquiro ijiahye, niahye Jesu.

Jesu bucuyere yahuahye

²⁷ Tire tiquiro sa nigū masa watoa ijiricoro numino Jesure yahuahye:

—Mūhūre pohna tiricoro, mūhūre apūoricoro bucuericoro ijire, niahye Jesure.

28 Ticoro sa ni tuhasagũ tũhoro Jesu ticorore yũhtiahye:

—Cohãcjũ yahuducuyere tũhoyequina tiquiro dutiyere yeyequina tiquinata ijiaga bucueyequina, niahye Jesu ticorore.

Masa ñañequina Jesure Cohãcjũ tutuaye mehna ye ihño dutiahye

(Mt 12.38-42; Mr 8.12)

29 Sa ye peyequina masa Jesu cahapũ tiquina wihigũ, tiquiro tiquinare yahu nemoahye:

—Yojopũ cjẽna ñañequina ijire. Yũhũre poto nigũ yũhũ ijiyere tiquina masi duaye, Cohãcjũ tutuaye mehna yũhũ ye ihñogũ ihña duamene. Tiquina sa ihña duepegũta Jona panopũ cjũno Cohãcjũ tutuaye mehna tiquiro yeri dihitare ihñonota Cohãcjũ tiquinare. 30 Jona Cohãcjũ yere yahu mũhtariquiro ijiro, tiquiro Nínive wame tiri maca cjẽnare Cohãcjũ yere tiquiro masigũ yeriro sahata yũhũ masũ Cohãcjũ ohorigũ masigũ yeaja yojopũ cjẽnare. 31 Buhiri dahreati deco ijigũ pũhtoro sur cjõno panopũ cjõno ducu, yojopũ cjẽnare “Ñana ijire mũsa”, ni, yahusãnota ticoro. Ticoro Salomo panopũ cjũno tiquiro masiñene tũho duaro yoaropũ ahri yehpa ape sierũ ijiricoro Salomore tũhoro ahtahye. Sa yero quehnoano yero niahye yojopũ cjẽna yũhdũoro. Sa yero ticoro yahusãnota yojopũ cjẽnare. Sa nigũ mũsare poto niita niaja. Yojopũ mũsare yũhũ buheye Salomo tiquiro buheri yũhdũoro ijire. 32 Buhiri dahreati deco ijigũ Nínive wame tiri maca cjẽna gũhũ ducu, yojopũ cjẽnare “Ñana ijire mũsa”, ni yahusãeta tiquina. Jona tiquinare Cohãcjũ

yere tiquiro yahugã tãhoye, tiquina ñañene bujua witi, quehnoañene cahmeahye tiquina pehe. Sa cahmeñe quehnoano yeye niahye yojopu cjenã yuhduoro. Sa ye tiquina gũhu yojopu cjenare “Ñana ijire musa”, ni yahusãeta. Musare poto niita niaja. Yojopu musare yuhu buheye Jona tiquiro buheri yuhduoro ijire, ni yahuahye Jesu.

Masa tiquina tãhoturo sahata yere

(Mt 5.15; 6.22-23)

³³ Sa yero queoye mehna buhero ohõ saha ni yahu nemoahye tiquinare:

—Masa sihãriare sihãñe nuodare. Tiare sihãñe dihi sutu docapu duhu dapoerare. Tiare uhmusepu duhu peore wuhupu saja tayequina tiquina quehnoano ihña saja tatore yeye.

³⁴ Sihãria quehnoano buhriogã mari quehnoano ihña masino sahata quehnoañene tãhotuye mehna quehnoano ye masinata musa. Musa tãhoturo sahata yere musa. Quehnoañene tãhotuna quehnoano yere musa. Quehnoañene tãhotuerana ñañe pehere yere musa. ³⁵ Sa yena quehnoano yeya. Musa tãhotuyepu ñañene wacũedacãhña. Ñañene ne cahmedacãhña.

³⁶ Tuhasa musa tãhotuyepu quehnoañe ijigã, ñañe ne mariedagã quehnoañe dihitare tãhotunata, ni buheahye Jesu.

Fariseo masare, judio masare buheyequina gũhare Jesu tuhti yahuahye

(Mt 23.1-36; Mr 12.38-40; Lc 20.45-47)

³⁷ Jesu tiquiro buhe tuhasagã ihña, fariseo masano tiquirore tiquiro ya wuhupu ihya dutiro pijiahye. Sa yero Jesu tiquiro ya wuhupu saja

sa, tiquina ihyaropu tiquina mehna nuju sahye.
³⁸ Tiquiro sa nuju sagũ fariseo masano pehe Jesure ihña nunano judio masa tiquina omo cose-
 ducuro sahata tiquiro omo coseragũ ihñano ohõ
 saha ni tãhotuahye: “Yohou. ¿Ahriquiro dahsero
 omo coserajari usã yero saha?” ni tãhotuahye.
³⁹ Tiquiro sa ni tãhotugũ masino Jesu tiquirore
 yahuahye:

—Musa fariseo masa sihniñe parire, wapari
 gũhure bui pehe dihitare musa cosero sahata
 quehnoañene ye ihñore musa buigã warona. Sa
 yepenata Cohãcjũ yere queoro yerare. Apequina
 yere ehma mujare musa. Sa yena ñaño dihitare
 tãhoture musa. ⁴⁰ Tũho masiedare musa. Cohãcjũ
 musa pagurire yeriquiro musa tũho masiñe gũhure
 yeahye. ¿Tire masiedajari musa? ⁴¹ Sa yena musa
 yere pejecuoyequinare ohoya musa. Musa sa yena
 quehnoañene tãhotuna ijinata.

⁴² 'Musa fariseo masa ñano yãhdunata. Moa
 yero saha ijiyere ihyayere ocagũ yeyere cuna
 mehenogã ohomene musa. Cohãcjũre ño peona
 tana pahiare ohomene musa. Sa ohoepenata
 quehnoañene yerare musa. Sa yena masare paja
 ihñedare musa. Sa yena Cohãcjũre ño peerare
 musa. Oteye ducagãre musa nedire mehenogã
 Cohãcjũre musa ohogũ quehnoarĩne. Sa ohona ohõ
 saha ye nemoña: Quehnoañene yeya. Sa yena paja
 ihñaña masare. Sa yena Cohãcjũre ño peoya musa.

⁴³ 'Musa fariseo masa ñano yãhdunata. Buheri
 wãhãru ijina, quehnoañe dujiye dihitare duji
 duare musa. Doeri cjẽ duaropu apequina
 puhtoare quehnoano ño peo tiquina sinino saha
 musare piti cagũ cahmene musa.

44 'Ñano yuhdunata musa. Masa cope nuori cope yero saha ijire musa. Ti cope cahagã masa ijiye, puhiapũ cjãno ahbariquirote ihñedare tiquina. (Sata masa musa cahagã ijiye, musa tũhotuyepũre ñañe ijiyere masiedare tiquina,) niahye Jesu tiquinare.

45 Tiquiro sa nigũ tũhoro judio masare buheyequina mehna cjãno Jesure yahuahye:

—Buhegũ, tire nigũ usã gũhũre ñano nii niaga mũhũ, niahye tiquiro Jesure.

46 Tiquiro sa nigũ Jesu yahtiahye:

—Ijirota ijire. Judio masare buhena musa gũhũ ñano yuhdunata. Musa apequinare tiquina ye masiedarire ye dutire musa tiquinare. Sa ye dutiepenata musa pehe tiquinare ne mehenogã yedoherare ti dutiyere tiquina yeati pehere.

47 'Sa yena musa ñano yuhdunata. Cohãcjũ yere yahu mũhtariquina panopũ cjẽna tiquina masa coperire quehnoano quehnomene musa tiquinare ño peoro saha yena. Musa sa yepegũta panopũ cjẽna musa acaye pehe tiquinare wejẽahye.

48 Musa acaye panopũ cjẽna pehe Cohãcjũ yere yahu mũhtariquinare tiquina wejẽdiro sahata musa gũhũ yeboaga. Sa yena yojopũre ti masa coperire quehnomene musa. Sa quehnona musa acaye tiquinare tiquina wejẽdire wacũre musa. Sa tiquina wejõrre wacũna “Quehnoa cãhre”, ni wacũre musa.

49 'Cohãcjũ tiquiro masiñe mehna ohõ saha ni yahuahye: “Yeere yahu mũhtariquina gũhũre yuhũ buhe duti cũriquina gũhũre ohoutja tiquinare. Sa yeye tiquina yuhũ ohoriquinare apequinare wejẽ, apequinare ñano yeeta”, niahye Cohãcjũ.

50-51 Ahri yehpare Cohãcjũ tiquiro bajumehnedi bato Caĩ pehe Abere wejẽahye. Sa ye Cohãcjũ yere yahu mahtariquinare Abe bato ijiyequina gũhure ñañequina wejẽahye. Came Zacariare Cohãcjũ wãhupũ Cohãcjũre ño peori altar cahapũ masa acaye wejẽahye. Ijipihtiequina tiquinare tiquina wejẽdi buhiri yojopũ cjẽnare Cohãcjũ buhiri dahrerota. Sata ijire. Mũsare nigũta niaja. Ijipihtiequina tiquinare tiquina wejẽdi buhirire yojopũ cjẽnare Cohãcjũ buhiri dahrerota.

52 'Musa judio masare buhena, masa ñano yũhdũnata. Cohãcjũ masiñene tiquina ojoari pũrine cãoopenata arequinare yahuerare masa. Masa basi Cohãcjũ yere tãhoerare. Sa ye Jesu arequina tiquiro yere tiquina tãho duepegũta tire masa tiquinare tãho dutierare, niahye Jesu tiquinare.

53-54 Tiquiro sa nigũ tãhoye judio masare buheyequina, fariseo masa gũhũ tiquiro mehna usua, tiquirore ñano yahuducuahye. Sa ye Jesu tiquiro ñano yũhtigũ tãho duaye, tiquina peye ni meho cũ sinitumahye tiquirore, tiquirore yahusã duaye.

12

Tiquina ni mehoducurire Jesu yahuahye

(Mt 16.6; 10.26-27; Mr 8.15)

¹ Sa ye Jesu cahapũ masa peyequina cahmecoa, wahpa yũhdũahye. Topũ Jesu tiquiro buheyequinare ohõ saha ni yahu dũcahye:

—Quehnoano wacũ masiña masa. Fariseo masa tiquina ye pãre pugũ yeyere ihñana quehnoano wacũ masiña. Tiquina ni mehoducurire nigũ

niaja “Pãre pugũ yeye”, nigũ. ² Ijipihtiye apequina tiquina masiedarire came masieta. ³ Sa yero ñamipũre tiquina nũo yahuducurire buhri-oropũ bajugũ yero sahata Cohãcjũ yahurota. Bi-hari tucũpũ apequrore cahmono caha tiquina ni-dire masa peyequina watoa yahurota Cohãcjũ, ni yahuahye Jesu.

*Masa tiquina cueatiquirore yahuahye Jesu
(Mt 10.28-31)*

⁴ Sa yero Jesu yahu nemoahye tiquinare:

—Poto niita niaja mũsare. Masare wejẽñequina wejẽ tuhasa pari turi tiquina wejõriquina mũnare ñano ye nemo masiedare. Sa yena mũsare wejẽ duayequinare cueracãhña. ⁵ Yojopũre mũsa cueatiquirore mũsa ño peotiquirore yahutja. Cohãcjũ pehere cue, ño peoya. Tiquiro mũsa yariari bato pecapũ cohã masine mũsare. Sata ijire. Poto nigũ niaja. Cohãcjũ pehere cue, ño peoya.

⁶ Ihcã omopequina siripia wapa mariedare. Sa wapa mariedapegũta ihcãquiogãre Cohãcjũ ne boerare. ⁷ Sa yero mũsa poarire ne ihcã poa da dũhsaro marieno masi pehore Cohãcjũ. Sata mũsa ijiye tiye gũhũre masi pehore Cohãcjũ. Sa masino mũsare ihña ihboducure. Siripia yũhdũoro Cohãcjũ cahĩne mũsa pehere. Sa yena tiquirore ño peona, cueracãhña mũsa, niahye Jesu.

*Jesu yequina mũsa ijiyere yahuya masare
(Mt 10.32-33; 12.32; 10.19-20)*

⁸ Sa ye Jesu yahu nemoahye:

—Mũsare niita niaja. Ihcãquiuro “Jesu yaquiuro ijijaja”, masare tiquiro nigũ ihñagu, yũhũ masũ Cohãcjũ ohorigũ “Tiquiro yaquiuro ijire”, ni yahutja

Cohãcjũ yequina angelere. ⁹ Ihcãquiroy “Jesu yaquiroy ijieraja”, masare tiquiroy nigũ, yahũ gãhũ “Tiquiroy yaquiroy ijierare”, ni, yahutja Cohãcjũ yequina angelere.

¹⁰ 'Ihcãquiroy yahũre ñano tiquiroy ni yahuducugũ ti ñañene Cohãcjũ bo masine. Sa boeperota ihcãquiroy Espíritu Santo pehere tiquiroy ñano ni yahuducugũ ti ñañene ne Cohãcjũ bosí.

¹¹ 'Mari judio masa buheri wãhũpũ pãhtoã ca-hãpũ apequna mãsare ne sajà “Ñañequina ijire”, ni yahusãeta. Tiquina sa yahusãgũ mãsa yahuducuatire “Acuehi, masiedaboaga”, ni tãhotueracãhña. ¹² Tiquina mãsare yahusãgũta Espíritu Santo mãsa yahuducuatire yahurota, niahye Jesu.

Doeri cjẽ upũro quitire yahuahye Jesu

¹³ Sa ye masa mehna cjũno Jesure ohõ saha ni yahuahye:

—Buhegũ, usã pacũ tiquiroy yariari bato tiquiroy ye usãre tojoare. Sa yegũ yahũ wahmine tire yahũ gãhũre queoro tu wa dutiya, niahye tiquiroy Jesure.

¹⁴ Tiquiroy sa nigũ Jesu yahũtiahye:

—Ne ti borore tu wabogũ ijieraja yahũ, niahye Jesu tiquiroye.

¹⁵ Sa ni tuhasa Jesu ijipihtiyequinare yahuahye:

—Quehnoano yeya mãsa. Doeri cjẽne, apee boro gãhũre cahiedacãhña. Peye cãoopenata ti mehnata bucueducueraja mari, niahye Jesu.

¹⁶ Sa ni tuhasa Jesu quiti mehna yahuahye tiquinare:

—Doeri cjẽ upũro quehnoari yehpare cãoahye. Sa ye ti yehpãpũ tiquiroy otegũ quehnoano dũca tiahye. ¹⁷ Sa yero tiquiroy basi ohõ saha ni

tuhotumahye: “Duca ihboye wuhuse ne esa tuhaerare. ¹⁸ Yojoꝑure ohõ saha yeitja: Yojoꝑu yuh ihboye wuhusere cohã cã, mana wuhuse yuhdoro wahma wuhuse yeitja. Ti wuhuseꝑu yuh oteye ducare, ijipihtiyere yeere ihboutja. ¹⁹ Yuh sa yeri bato, ohõ saha ni, tuhottutja yuh basi: ‘Yuh peye apee boro cuogũ ijiaja. Quehnoano soutja. Sa yegũ ihya, sihni, bucueitja’, ni tuhottutja yuh basi”, ni tuhotumahye tiꝑiuro. ²⁰ Tiꝑiuro sa ni tuhottugũ Cohãcjũ tiꝑiurore yahuahye: “Muh ne tũho masiegũ ijire. Mia ñamita muh yariagũta. Muh sa wahagũ muh ye, muh cahĩdi butia waharota”, niahye Cohãcjũ tiꝑiurore, niahye Jesu masare.

²¹ Tire nino, masare ohõ saha ni yahuahye Jesu: —Sata wahaeta doeri cjẽ opana Cohãcjũre wacũeñequina. Sa yero peye doeri cjẽne, niñerure tiꝑiuro ye ijiatu dihitare ihboriꝑiuro Cohãcjũre wacũedaru, tiꝑiuro pejecuoriꝑiuro yero saha ijirota, Cohãcjũ tiꝑiuro ihñagũ. Sa yero Cohãcjũ tiꝑiurore ihña bucuere, niahye Jesu.

*Cohãcjũ tiꝑiuro pohne ihña ihbore
(Mt 6.25-34)*

²² Sa ye Jesu tiꝑiuro buheyequinare ohõ saha ni yahuahye:

—Ahrire musare nigũ niaja: Musa ihyatire, musa suhti sañatire, pajiro bujua witi tuhottueracãhña. ²³ Cohãcjũ musare bajumehnenõ, ihyatiꝑiuro dihitare yerari musare. Sa yero suhti sañatiꝑiuro dihitare yerari musare tiꝑiuro. ²⁴ Minicjua parire Cohãcjũ tiꝑiuro ihña ihboye masiña. Tiꝑiuro weserĩ marieñequina ijire. Sa

ye ihyayere tiquina ihboye wuhuse tiquinare mariedare. Tiquina sa ijigũ ihñano tiquinare Cohãcjũ tiquina ihyatire ohore. Minicjua yuhduoro musa pehere cahĩne Cohãcjũ. ²⁵ Pajiro musa tũhotuye mehna ti musare ihcã hora cati nemogũ yerare. Sa yero musa pajiro tũhotuye dũhseati ijierare. ²⁶ Sa ye pajiro musa tũhotuye mehna ne mehenogã ye masiedare musa. ¿Sa yena pajiro musa tũhotuye ti dũhseati ijierapegũta dũhse yena musa ihyatire, musa sihniatire, musa sañatire pajiro bajua witi tũhotuajari?

²⁷ 'Nucũ cjẽ cohorire tũhotuya. Ti cohorì ti basi suhtire yerare. Sa yerapeta quehnoañe suhti sañañequina yero saha quehnoano bajure ti cohorì. Salomo munano quehnoañe suhtire sañariquiro tiquiro ijiepegũta ti cohorì pehe tiquiro yuhduoro quehnoa yuhduaye cohorì waro ijire. ²⁸ Cohorire quehnoañe cohorì yere Cohãcjũ pehe. Tiquiro sa yepegũta cohorì pehe meheñe decorigã ijiducume ñai bora dijiaa wahare. Mehenogã iji, ape deco pecapũ ujũa wahare. Ti sa ijiepegũta cohorire quehnoañe cohorì ijigũ yere Cohãcjũ. Sa yero Cohãcjũ cohorire tiquiro quehnoañe cohorì tiquiro yeriro yuhduoro musa gũhare quehnoano yerota. Suhtire ohorota. Mehenogã Cohãcjũre wacũ tutuare musa. ²⁹ Sa yena musa ihyatire, musa sihniatire pajiro bajua witi tũhotueracãhña. ³⁰ Cohãcjũre cahmeeñequina pehe ahri yehpa cjẽna pehe tire sa macaducuye nine. Mari Pacũ uhmuse cjũno ijipihtiye musa cahmeeñene masine. Tiquiro sa masigũ pajiro bajua witi tũhotueracãhña. ³¹ “Cohãcjũ yuhũ puhtoro ijire”, ni tũhotu, tiquirore cahmeña musa. Musa sa

yeri bato Cohãcjũ pehe m̄usa cahmeñe d̄ahsagũ ohorota, ni yahu nemoahye Jesu.

Ɔhm̄usep̄u mari peye c̄u masiaja
(Mt 6.19-21)

³² Sa yero tiquinare yahu nemoahye:

—Yuh̄u cahĩna, meheñequinagã ijiepenata, cueracãhña m̄usa. Cohãcjũ tiquirop̄u p̄ahtoro ijirop̄u tiquirop̄u mehna m̄usa ijigũ cahmene tiquirop̄u. ³³ Sa yena m̄usa yere dua pehoya. Tire dua, ti niñerure ne, pejec̄oyequinare ohoya. Sata m̄usa yegũ uhm̄use cjẽ m̄usa wapataye ne pihtisi. Ɔhm̄usep̄u m̄usa ye ijiro ne pihtierare. Top̄u m̄usa yere nea masiedare yaqueriquiro. Sa ye mecasia gũh̄u tire t̄u masiedare. ³⁴ Ɔhm̄usep̄u m̄usa ye ijigũ uhm̄use cjẽ dihitare t̄uhotunata m̄usa, niahye Jesu.

Jesu tiquirop̄u tojoa tatire cohte dutiahye tiquirop̄u yequinare

³⁵⁻³⁶ Sa ni tuhasa tiquinare yahu nemoahye:

—M̄usa yere quehnoyu tuhasariquina yero saha yeere sa yeducuna ijina yuh̄u cohteya. Dahra cohteyequina tiquina p̄ahtoro omoca d̄ahteri bose decop̄u tiquirop̄u wahagũ tiquirop̄u tojoa tatire tiquina cohtere. Tiquina sa cohteriro saha yuh̄u tojoa tatire cohteya m̄usa gũh̄u. P̄ahtoro tiquirop̄u w̄ah̄u wihi, sopechare tiquirop̄u dotegũ t̄uhoye tiquina duita p̄o s̄ore tiquirop̄u. ³⁷ Dahra cohteyequina tiquina p̄ahtoro wihigũ tiquirop̄u cahmeno sahata yeducuyequina ijiye, bucuyequina ijieta. Tiquina sa yegũ ihñano p̄ahtoro pehe dahra cohteriquiro yero saha comesarota. Sa yero dahra cohteyequinare duji dutiro, tiquirop̄u tiquina ihyayere peorota.

³⁸ Tiquiro wihiri pje ñami decopu, o bohreagūpu ijiepegūta dahra cohteyequina pehe tiquiro wihiri pjere tiquirore quehnoano cohteyequina ijiye, bucueyequina ijietā tiquina. ³⁹ Ahrire wacūña. Yaqueriquiro wuhupū tiquiro wihiato pano ti wuhū cjāno masiedare. Wuhū cjāno yaqueriquiro tiquiro wihiatore masino, yaqueriquirore sajā ta dutieraboaga. Sa yero wacūeno mehna ahtare yaqueriquiro. ⁴⁰ Sa yena mūsa gūhū cohteya. Yuhū masū Cohācjū ohorigū wacūeno mehna ahtaŭtja. Sa yena yeere sa yeducuna ijina cohteya mūsa, niahye Jesu tiquinare.

Apequiro dahra cohteriquiro tiquiro pūhtorore tiquiro ño peogū, apequiro pehe ño peoerahye (Mt 24.45-51)

⁴¹ Tiquiro sa nigū Pedro pehe sinituahye Jesure: —¿Ahri quitire yahugū usāre nigū niajari? ¿O ijipihtiyequinare sa nigū niajari? niahye Pedro.

⁴² Tiquiro sa nigū Jesu tiquiro tūhotuye mehna ohō saha ni queoye mehna buheahye tiquinare:

—Dahra cohteriquiro tiquiro pūhtorore ño peoriquiro tūho masiniquiro ohō sahata ijire. Pūhtoro tinino waharo, dahra cohteriquirore tiquiro ya wuhūre cūre. Tiquiro cūnohriquirō pehe dutiriquiro ijirota. Sa yero tiquiro ihyari pje ijigū apequina dahra cohteyequinare ihyayere itire. ⁴³ Came pūhtoro tiquiro wihigū dahra cohteriquiro pehe tiquiro pūhtoro tiquiro dutiriro sahata ye pehoriquiro ijiro, tiquiro bucueriquiro ijirota. ⁴⁴ Poto nigūta niaja mūsare. Tiquiro sa yegū tiquiro pūhtoro ijipihtiye tiquiro yere ihña ihboriquiro cūnota tiquirore. ⁴⁵ Apequiro

dahra cohteriquiro pehe “Yuhũ pũhtoro yoari pje bajuerare”, ni boaga. Sa nino apequina dahra cohteyequinare umuare, numia gũhũre quẽ m̃aja, pajiro ihya, sihni, queheboaga. ⁴⁶ Tiquiro sa yeri bato wacũeno mehna tiquiro pũhtoro wihirota. Sa wihiro tiquirore ñano buhiri dahrerota. Sa yero Cohãcjũre yũhdũdcayequinare tiquiro cohãnopũ tiquirore cohãnota.

⁴⁷ Sa yero dahra cohteriquiro tiquiro pũhtoro cahmeñene masiniquiro ijieperota tire tiquiro yeragũ, tiquiro quehnoano dahraeragũ tiquiro pũhtoro pehe tiquirore yuta da mehna tananota. ⁴⁸ Apequiro pehe dahra cohteriquiro tiquiro pũhtoro cahmeñene masieniquiro ijero quehnoano yeragũ ihñano tiquiro pũhtoro pehe derogã tiquirore tananota. Cohãcjũ pajiro masare ohoro pajiro tiquinare apequinare oho dutirota. Sa yero tiquiro cahmeñene masigũ yere masare. Quehnoano tiquiro masigũ yenohriquinare quehnoano yũhti dutire tiquiro, niahye Jesu.

*Jesu masare cahme tu wagũ yere
(Mt 10.34-36)*

⁴⁹ Sa ni tuhasa Jesu tiquinare yahuahye tja:

—Peca ujũa weriro sahata yuhũ ahri yehpapũre masa tiquina ñaño yeyere cose wegũ ahtagũ nii. Yojo pũrita peca ujũa wero saha ñaño marieñequina masa tiquina ijigũ tutuaro cahmeaja yuhũ. ⁵⁰ Yuhũ ñano yũhdũtja. Yuhũ sa ñano yũhdũatire cohtegũ, ñano jeripohna tiaja yuhũ. ⁵¹ ¿Dũhse ni tũhotuajari masa yuhũre? ¿“Tiquiro masare tiquiro buheri bato apequina tiquina basi ihña tuhtisi”, ni tũhotuajari masa yuhũre? Sa

ijierare. Masare yuhu buheri bato ihquẽquina yeere tãhoeta. Apequina pehe tiquinare ihña tuhtieta. Ihcãno saha ijisi masa. Mũsare nigũta niaja. Masa yuhu buheyere tũhoye, pua curua cahme tu waeta. ⁵² Yojopure ihcã wuhu cjẽna ihcã omopequina masa yuhu buheyere tũhoye, pua curua tiquina basi cahme tu waeta. Ihcã curua ihtiaro, ape curua puaro ijietia. ⁵³ Tiquiro pacuro tiquiro macunore ihña tuhtirota yaquiro tiquiro ijiri buhiri. Tiquiro macuno gũhu tiquiro pacorore ihña tuhtirota yaquiro tiquiro ijiri buhiri. Sa yero ticoro pacoro maconore ihña tuhtirota yacoro ticoro ijiri buhiri. Sa yero apecoro macono gũhu ticoro pacorore ihña tuhtirota yacoro ticoro ijiri buhiri. Sa yero ticoro mareono ticoro macu namonore ihña tuhtirota yacoro ticoro ijiri buhiri. Sa yero apecoro macu namono gũhu ticoro mareonore ihña tuhtirota yacoro ticoro ijiri buhiri. Sa waharota, yuhu buheyere tiquina tũhogũ, niahye Jesu.

Quehnoari deco ijiatire, ñari deco ijiatire masa tiquina masiñene yahuahye Jesu

(Mt 16.1-4; Mr 8.11-13)

⁵⁴ Sa ye Jesu masare ohõ saha ni yahuahye tja:

—Ahrie pehepu acoro cururire ihñana, duita “Acoro ahtarota”, nine mũasa. Mũasa sa nidi bato acoro ahtare. ⁵⁵ Sa yena surpu wihnono ahtagũ “Asiri deco ijirota”, nine mũasa ahri yehpapu ijina. Mũasa sa nidi bato cũhmari deco ijire. ⁵⁶ Mũasa masa ihñonopu quehnoano iji mehoducuna ijire. Mũasa ahri yehpare uhmuse gũhare ihñana, quehnoari deco ijiatire, ñari deco ijiasi gũhare masine mũasa.

¿Sa yena yojopu cje decorire masiepenata duhsena ahri yehpa cjana yojopure musa duhse wahatire masiedajari musa? niahye Jesu.

*Musare ihna tuhtiriquiro mehna musa cahme-
quedire cahmeque duhuya*

(Mt 5.25-26)

⁵⁷ Sa ni tuhasa ohõ saha ni yahu nemoahye:

—¿Musa poto yeatire yojopu masiedajari musa? ⁵⁸ Apequiro mahure yahusãno waharo buhiri dahre dutiri wuhuru waha dutiboaga. Topu wahana “Pari turi mahure sa yesi”, nigu cahmeque duhuya. Mhu sa duhueragã tiquiro buhiri dahre dutiriquiro cahapu neaboaga mahure. Sa yero buhiri dahre dutiriquiro pehe mahure surarare tiquiro ohogã, mahure surara peresu yeeta. ⁵⁹ Mahure nigu niaja. Topu ijiniita mhu. Tee tiquina wapa ye dutirire mhu wapa ye pehoguru wijiaguta mhu, niahye Jesu.

13

*Musa ñahe yerire buja witi, quehnoahe pehere
comesaya*

¹ Ti pjere meheñequinagã masa Jesure ohõ saha ni yahue tiahye:

—Galilea cjea wahiquirore wejẽ ujã muo Cohãcure tiquina ño peori watoa Pilato pehe tiquinare wejẽahye. Tiquiro sa wejẽgã wahiquiro dii mehna masa dii moreahye, ni, yahuahye tiquina Jesure.

² Tiquina yahu tuhasagã Jesu yuhtiahye:

—¿Galilea cjea Pilato tiquiro wejẽgã wejõriquina manare duhse ni tuhotuajari musa? ¿Tiquina

sa yariagũ apequina Galilea cjēna yũhdũoro ñañequina tiquina ijiri buhiri sa yeyari Cohãcjũ tiquinare, m̄sa t̄hotugũ? ³ Ijierare. M̄sare niita niaja. M̄sa pehe m̄sa ñañene b̄j̄ma witierana, quehnoañe pehere comesaerana, m̄sa ḡh̄ma yariana pecar̄ma wahanata. ⁴ Sa ye sohõ ijiriquina diez y ocho masa Siloé wame tiri w̄h̄ma ũhm̄ari w̄h̄ma tiquina bui wihnoa dijiaro, tiquinare wejē pehoahye. ¿Sa waha yariaye, apequina Jerusalē cjēna yũhdũoro ñañequina ijiyari tiquina, m̄sa t̄hotugũ? ⁵ Ijierare. M̄sare niita niaja. M̄sa ñañene b̄j̄ma witierana quehnoañe pehere comesaerana, m̄sa ḡh̄ma yarianata. Sa yena pecar̄ma wahanata, niahye Jesu tiquinare.

Higueraḡma d̄uca maried̄ma quitire yahuahye Jesu

⁶ Sa ni tuhasa apeye queoye mehna piti dahre yahuahye tiquinare:

—Wese up̄aro tiquiro wesep̄ma higueraḡma c̄oahye. Sa yero tiquiro t̄ma d̄ucare macano wahamahye. Bocaerahye. ⁷ Bocaeraro tiquiro wese dahrariquiore yahuahye. “T̄hoya ȳh̄re. Ihtia c̄h̄ma waro higueraḡma d̄ucare macamaja. D̄uca mariedare. T̄ma d̄uca mariedagũ t̄are quē cohã cãh̄ña. T̄ma ya wesep̄ma ijigũ aped̄ma otero basioerare. Aped̄ma t̄ma ihyaborire ihyaboaga t̄ma d̄uca maried̄ma pehe”, niahye wese up̄aro tiquiore dahra cohteriquiore. ⁸ Tiquiro sa nigũ t̄horo dahra cohteriquiro ohõ saha niahye: “P̄h̄to, ah̄d̄ma ihcã c̄h̄ma waro ducurĩahdo. T̄ma n̄h̄corip̄ma ȳh̄ma seheḡt̄ja. Tuhasa, wahiquiro c̄h̄ta mehna ti copere yaut̄ja. ⁹ Ȳh̄ma sa yeri bato t̄ma ape c̄h̄ma d̄uca tiro d̄uca tiboaga. T̄ma d̄uca mariedagũ m̄h̄ma

quẽ cohã dutiguta”, niahye dahra cohteriquiro wese upurore, ni, yahuahye Jesu.

Saurú deco ijigã Jesu dohatiricorore yãhdãoahye

¹⁰ Ti pjere saurú deco ijigã Jesu judio masa buheri wãhãpã buhero niahye. ¹¹ Topã watĩno cãoricoro ijiahye. Watĩno pehe diez y ocho cãhmari waro dohatigã yeahye ticorore. Sa yero pari tjũ ducuricoro ijiro, poto ducu masiedahye. ¹² Ticoro sa ijigã ihñano Jesu ticorore ihña, pisuahye:

—Numio, mãhã dohatiye pihtia wahare, ni, pisuahye Jesu.

¹³ Tiquiro pisuri bato ticorore tiquiro ña peogã duita ticoro quehnoano poto dũca sahye. Sa waharo “Cohãcjũ tutuagã, quehnoagã ijire mãhã”, ni ño peoahye ticoro. ¹⁴ Jesu ticorore saurú deco ijigã tiquiro yãhdãogã ihñano judio masa buheri wãhã cohteriquiro pehe tiquiro mehna usuahye. Sa usuario tiquiro masare ohõ saha niahye:

—Seis decori ijire mari dahraye decori. Sa yena mãsa dohatiyequinare yãhdão duana, ti decorire tire yeya. Saurú mari sori decore tire yeracãhña, niahye ti wãhãre cohteriquiro.

¹⁵ Tiquiro sa nigã Jesu ohõ saha ni yãhtiahye:

—Masa ihñono dihita quehnoana iji mehona ijire mãsa. Mãsa wecãre, burro gãhãre cãona saurú decore tiquina dãhteri dare pã, tiquinare ne buha, sihni dutiboaga. ¹⁶ Yojopã ahricorore Abrahã mãnãno acayorore watĩno diez y ocho cãhmari waro ticorore dohatigã yere. ¿Saurú deco ijigã ticorore yãhdão dutierajari mãsa? niahye Jesu.

17 Tiquiro sa nigũ tũhoye, tiquina bũoro wahahye. Sa ye apequina pehe ijipihtiyequina Jesu yerire ihña, bucueahye.

Mostaza pje queoyere yahuahye Jesu

(Mt 13.31-32; Mr 4.30-32)

18 Sa ye Jesu queoye mehna buheahye masare:

—¿Ne Cohãcjũ masa pũtoro tiquiro ijiye yabe boro yero saha ijiajari? Ahri quti mehna tire tiquiro pũtoro ijiyere yahutja yũhũ. 19 Mostaza pjegã yero saha ijire. Ti pjegãre oteriquiro tiquiro ya wesere otere. Tiquiro oteri bato ti pjegã pih-nine. Sa ye tũ bũcũagũ minicjũa pari ti dũpũripũ suhti suhare, niahye Jesu. (Sa nino ohõ saha nino niahye. Mostaza pjegã pajidũ tũ bũcũariro saha uhmũse cjũnore mari pũtorore masiñequina meheñequinagã tiquina iji mãhtaepẽgũta camerũ tiquina peyequina wahaeta.)

Pã pugũ yeye queoyere yahuahye Jesu

(Mt 13.33)

20 Sa yero pari turi Jesu queoye mehna buheahye:

—¿Ne Cohãcjũ masa pũtoro tiquiro ijiye yabe boro yero saha ijiajari? 21 Pãre pugũ yeye yero saha ijire. Tire numino ihcã ajuro trigore aco mehna quehnoano tire dahra morene pã bũcũatire. Ticoro sa yegũ pãre pugũ yeye pehe trigore quehnoano seh-saa wahare, niahye Jesu. (Sa nino ohõ saha nino niahye. Pãre pugũ yeye trigore ti seh-saa wahariro saha uhmũse cjũnore mari pũtorore peyequina masa ijipihtiro cjẽna masieta.)

*Meheni sopecahagã quitire yahuahye Jesu
(Mt 7.13-14, 21-23)*

²² Sa ye Jesu bujue macaripũ, daye macarigãrũ gũhũre buhe cã, Jerusalẽrũ esaro taro niahye.

²³ Tiquiro sa wahari watoa masũno Jesure ohõ saha ni sinituahye:

—¿Pũhto, meheñequinagã masare pecarũ waboriquinare yũdũorotari Cohãcjũ? niahye tiquiro Jesure.

Tiquiro sa nigũ Jesu queoye mehna buhero ohõ saha ni yahuahye:

²⁴ —Peyequina masa Cohãcjũ caharũ waha duaye, sajã duamene. Meheni sopecahagãre mũsa sajã duagũ mijorĩne. Sata Cohãcjũ caharũ mũsa waha duagũ mijorĩne. Masa sa sajã duepeta sajã masiedare. Sa yena mũsa pehe meheni sopecahagãre mũsa tutuaro sajã duaboro sahata Cohãcjũ pehere tutuaro masiña.

²⁵ Ohõ saha yerota Cohãcjũ peyequina masare. Tiquiro wũhũ upũro yero saha ijire. Wũhũ upũro wahcã, sopecahagãre biharota. Tiquiro sa yegũ sopecahagãrũ ducuna, dotenata. Dotena ohõ saha ninata. “Pũhto, sope pahmare põohña”, mũsa nigũ wũhũ upũro pehe yũhtirota. “Mũsare, mũsa ahtariro gũhũre ne masiedaja yũhũ”, ni yũhtirota.

²⁶ Tiquiro sa nigũ mũsa yũhtinata. “Mũhũ mehna usã ihya, sihnii. Usã ya macarũ buheri mũhũ”, ninata mũsa. ²⁷ Mũsa sa nigũ tiquiro pehe yũhtirota. “Mũsare, mũsa ahtariro gũhũre ne masiedaja. Ijipihtina mũsa ñañe yerina yũhũ caharũ ahtaeracãhña”, ninota wũhũ upũro. ²⁸ Sa ye Abrahãre, Isaare, Jacore, ijipihtiyequina Cohãcjũ yere yahu mũhtariquinare Cohãcjũ

tiquiro p̄h̄toro ijirore tiquina ijigũ ihñana, m̄sa pehe sopecahap̄ coh̄rina ijina tutuaro utinata. Sa yena m̄sa tutuaro b̄j̄ua witina, bahque dihonata. ²⁹ Ti pjere ijipih̄tiro cj̄ena Coh̄cj̄ũ tiquiro p̄h̄toro ijirop̄re esa, tiquiro mehna ihya dujieta. ³⁰ Yojop̄re ihyo ijiyequina ijiriquina ti pjere p̄h̄toa ijieta. Sa yeye yojop̄re p̄h̄toa ijiriquina ti p̄jep̄re ihyo ijiyequina ijieta, niahye Jesu.

*Jerusalē cj̄enare tutuaro cahñahye Jesu
(Mt 23.37-39)*

³¹ Ti pjere meheñequinagã fariseo masa Jesu cahap̄ esa, tiquirore yahuahye:

—Herode m̄h̄re wej̄ẽ duare. Sa yeḡu ape siep̄u wahaya m̄h̄u, niahye tiquirore.

³² Tiquina sa nigũ Jesu pehe ȳhtiahye:

—Herode ni mehoñe peyariquiro ijire tiquiro. Ohõ saha ni yahuya tiquirore: “Jesu wat̄are coh̄no nine. Sa yero dohatiyequinare ȳhd̄oro nine. Tire miare, ñamia ḡh̄re yerota. Sa yero ñamia bohrearo dahra bato tirota”, ni yahuya Herodere. ³³ Sa yeḡu miare waha, ñamia ḡh̄re waha, ñamia bohrearo ḡh̄re waha, Jerusalēp̄ esaũtja. Coh̄cj̄ũ yere yahu m̄htaḡre ȳh̄re wej̄ẽta masa. Coh̄cj̄ũ yere yahu m̄htariquinare tiquina wej̄ẽgũ Jerusalēp̄ ijiro cahmene tiquinare. Sa yeḡu ȳh̄u ḡh̄re Jerusalēp̄ ijiro cahmene.

³⁴ ‘Ahyou, Jerusalē cj̄ana, m̄sa Coh̄cj̄ũ yere yahu m̄htariquinare wej̄ẽ, m̄sa cahap̄ tiquiro ohoriquinare utã paca mehna doque wej̄ẽdi m̄sa. Canaca ticoro poh̄nene w̄ye d̄p̄ri mehna ticoro moha cuñano saha peye tahari m̄sare

cahĩducumi. M̄sare cahmemi. M̄sa pehe ȳh̄ure ne cahmedari. ³⁵ Yojop̄ m̄sa ya maca cohõri maca ijirota. Ijirota niita niaja m̄sare. Cohãcjũ mari p̄h̄toro tiquiro tutuaye mehna ahtaũtja ȳh̄u. Ȳh̄u ahtagũ m̄sa ȳh̄ure “Cohãcjũ tutuaye mehna ahtariquiro quehnoahdo”, ninata. Ȳh̄ure m̄sa tire niato pano pari turi ȳh̄ure ihñasi m̄sa, niahye Jesu.

14

Dohatiriquirore ȳhd̄uoahye Jesu

¹ Ape deco saurũ ijigũ fariseo masa p̄h̄toa mehna cjũno ya w̄h̄p̄ Jesu ihyaro wahahye. Ti w̄h̄p̄ ijiequina tiquirore ihña n̄n̄ahye. ² Sa yero omoca, ñec̄ gũh̄ ipinohriquiro tiquiro cahap̄ esahye. ³ Sa yero Jesu judio masare buheyequinare, fariseo masa gũh̄ure sinituahye:

—¿Saurũ ijigũ dohatiriquirore ȳhd̄uo dutiajari Cohãcjũ yere tiquina ojoari p̄p̄? niahye Jesu.

⁴ Tiquiro sa ni sinituepegũta tiquina ȳhtierahye. Tiquina ȳhtieragũ ihñano Jesu dohatiriquirore ȳhd̄uo, “Wahaya”, niahye tiquirore. ⁵ Sa ye tuhasaro, tiquinare sinituahye tja:

—¿Ihcãquiro m̄sa mehna cjũno tiquiro mac̄no saurũ deco mari sori deco ijigũ aco ijiri copep̄ tiquiro bora sajãgũ ne wioeraboagari, m̄sa t̄hotugũ? ¿Tiquiro yaquiro wec̄ gũh̄ure ne wioeraboagari, m̄sa sa nina? Ne wioboaga tiquiro, niahye Jesu.

⁶ Tiquiro sa niepegũta tiquina tiquiro siniturire ȳhti masiedahye tja.

Omoca d̄h̄teri b̄ose deco ijiḡã pijioriquinare yahuahye Jesu

⁷ Fariseo mas̄no ya w̄h̄p̄ ijiro ti w̄h̄ c̄j̄no tiquiro pijioriquina quehnoañe dujiyere tiquina beseḡũ ih̄ñahye Jesu. Sa ih̄ña tuhasa oh̄o saha ni yahuahye ijipihtiyequinare:

⁸ —Omoca d̄h̄teri b̄ose deco m̄sare tiquiro pijioḡũ, quehnoañe dujiyere bese dujierac̄h̄ña. M̄sa ȳhd̄oro cua pesayequinare pijiooaga ahri w̄h̄ up̄ro. ⁹ Tiquiro sa yeḡũ m̄sa quehnoañe dujiyep̄ dujiḡã “Ahriquina cua pesayequina pehere m̄sa dujiyere ohoya”, niboaga w̄h̄ up̄ro m̄sare. Tiquiro sa niḡũ m̄sa pehe b̄oro wahana, ñāne dujiyep̄ dujiboaga.

¹⁰ Sa yena w̄h̄ up̄ro m̄sare tiquiro pijioḡũ, ñāne dujiyep̄ duji m̄htaña. M̄sa sa yeḡũ w̄h̄ up̄ro m̄sare “Quehnoañe dujiye pehere dujina ahtaya”, ninota m̄sare tiquiro. M̄sa sa wahaḡũ apequina tiquiro pijioriquina pehe m̄sare ño peoye mehna ih̄ñaeta. ¹¹ Ihc̄aquiroyo tiquiro basi “P̄htota ijiaja”, ni t̄hoturiquiroyo cahacj̄no ijirota. Sa yero apequiroyo “Cahacj̄ ijiaja”, ni, t̄hoturiquiroyo, apequinare ȳhd̄uca d̄ueriquiroyo tiquiro pehe p̄htoro ijirota, niahye Jesu tiquinare.

¹² Sa ni tuhasa Jesu w̄h̄ up̄rore yahuahye:

—M̄h̄ b̄ose deco dahreḡũ m̄h̄ cahap̄ ijieyequinare, m̄h̄ bahanare, m̄h̄ acayere, doeri c̄j̄ opanare pijioerac̄h̄ña. M̄h̄ tiquinare pijioḡũ m̄h̄ ḡh̄re tiquina ḡh̄ piji cahmeeta. Sa piji cahmeñe m̄h̄re tiquina wapamonore wapa yeeta. ¹³ M̄h̄ b̄ose deco dahreḡũ pejec̄oyequinare, tini masieñequinare, pari

yuri wahayequinare, caperi bajueyequinare pijiohya. ¹⁴ M̄h̄h̄ sa yeḡũ ih̄ñano Coh̄ãcj̄ũ m̄h̄h̄re quehnoano yerota. Tiquina pehe m̄h̄h̄re tiquina wapamonore wapa ye masiedare. Sa yero quehnoañequina yariariquina tiquina masa m̄j̄ari pje ijiḡũ Coh̄ãcj̄ũ pehe quehnoano m̄h̄h̄ yeri wapa m̄h̄h̄re quehnoano yerota, niahye Jesu w̄h̄h̄ up̄arore.

*Pajiri bose deco queoyere yahuahye Jesu
(Mt 22.1-10)*

¹⁵ Tiquiro sa niḡũ t̄h̄oro apequiro ihyari mesa cahar̄m̄ dujiriquiro, Jesure yahuahye:

—Coh̄ãcj̄ũ tiquiro p̄h̄toro ijirop̄m̄ tiquiro ihyari mesa cahar̄m̄ dujiyequina tutuaro bucueyequina ijjeta, niahye tiquiro Jesure.

¹⁶ Tiquiro sa niḡũ Jesu ahri queoyere yahuahye tiquirore:

—Pajiri bose deco dahreriquiro peyequina masare pijioahye. ¹⁷ Tiquiro pijiori bato bose deco tiquiro cahacj̄ñore tiquiro pijioriquinare yahu dutiro ohoahye. “Isa, ijipihtiyere bose deco cj̄ẽ ijiatire quehno tuhasari. Sa yero m̄sare pijiori”, ni, yahu dutiahye tiquiro cahacj̄ñore. ¹⁸ Tiquiro cahacj̄ño tiquiro sa ni yahuepeḡata, tiquiro pijionohriquina pehe “Waha masiedaja”, niahye tiquina. Tiquiro pijio m̄h̄tanohriquiro oh̄õ saha ni yahuahye tiquiro cahacj̄ñore. “Mianoḡata yehpare dúu. Sa yeḡm̄ ti yehpare ih̄ñaḡm̄ wahaḡm̄ niaja. Sa yero waharo basioeraga. Ño peo cj̄ũña m̄h̄h̄ yuh̄re. Yuh̄re basioerare”, niahye tiquiro pijio m̄h̄tanohriquiro pehe tiquiro cahacj̄ñore.

¹⁹ Apequiro pehe oh̄õ saha niahye: “Wec̄h̄are

pua omoca pihtiyequinare mianogāta dūu. Buhe tuhugu wahau tuu niaja ti weje cātoṛe. Sa yegu wecuare ‘¿Quehnoano dahrajari?’ ni ihñagu wahagu tuu niaja. Sa yegu wahasi. Yuhure basioerare”, niahye tiquiro gāhu. ²⁰ Apequiro pehe ohō saha niahye: “Yuhu mianogāta omoca duhte. Sa yero bose decopu waharo basioeraga yuhure”, niahye tiquiro cahacjūnore.

²¹ Tiquiro sa nigū cahacjūno pehe tojoa waha, tiquiro puhtoropure tiquina nidire yahu peho cāhye. Tiquiro sa ni yahugū tiquiro puhtoro tutuaro usua, ohō saha niahye tiquiro cahacjūnore. “Wuhuse watoa cjē maharipu wahaya. Pejecuoyequinare macarisa. Sa yegu pejecuoyequinare, tini masieñequinare, caperi bajueyequinare, pari yuri wahayequinare unñano ne cāhtaya tiquinare”, niahye puhtoro. ²² Came cjūnogā tiquiro cahacjūno yahuahye tiquiro puhtoro: “Puhto, mahu dutiriro sahata yei. Yuhu sa yepegāta apequina gāhu esa tuhaeta”, niahye tiquiro cahacjūno. ²³ Tiquiro sa nigū puhtoro tiquirore dutiahye: “Ihquē wuhuse ijiropu wahaya. Topu bujuye maharipu, daye maharigāpu gāhure masare ya wuhupu ahta dutiya, ya wuhupu tiquina wahpagū. ²⁴ Poto niita niaja mahure. Ahriquina yuhu pijio mahamediquina yuhu ihyayere ne mehenogā ihyasi”, niahye puhtoro, ni yahuahye Jesu.

*Jesu mehna wahagū mijorñe
(Mt 10.37-38)*

25 Ti pjere peyequina masa Jesu mehna wahahye. Sa yero Jesu tiquinare majare ihña, yahuahye:

26 —Ihcãquiro yũhũ buheriquiro iji duaro apequina yũhdũoro yũhũ pehere cahño cahmene. Tiquiro pacũrore, tiquiro pacorore, tiquiro namonore, tiquiro pohnene, tiquiro bahanare, tiquiro pagũ gãhũre tiquiro cahño yũhdũoro yũhũ pehere cahño cahmene. 27 Ihcãquiro yũhũ buheriquiro iji duaro yeere sa yeducuriquiro ijirota. Sa yero yaquiro tiquiro ijiri buhiri ñano yũhdũeperota yũhũre ne duhusi. 28 Ahrire masiyuro cahmene mũsare. Ohõ saha ijire ti: Wũhũ dahreriquiro tiquiro uhmũari wũhũre yeato pano wũhũ wapa tiatire queo mũhtare. Sa yero, ti wũhũre tiquiro pehoatire masine tiquiro. 29 Wapa tiyere queoeraro ti wũhũre yero pehoerabo. Sa ye tiquirore ihñañequina bũjũpeboa. 30 “Ahriquiro ti wũhũre yero, tutuerare”, ni, bũjũpeboa. 31 Pũhtoro apequiro pũhtoro yeequina mehna tiquina cahmequeato pano, tiquiro yequina surarare tiquiro cahme wejẽ dutiato pano, tiquiro yequina surarare queorota. “¿Yũhũ diez mil surara mehna apequiro veinte mil surara cũoriquiro mehna cahme wejẽgũ tutueraboagari yũhũ?” ni, tũhoturo queorota tiquiro. 32 Sa queoro, tiquiro tutueratire masinota. Sa masino apequiro pũhtoro tiquiro yequina surara mehna cahme wejẽno ahtariquiro yoaropũ tiquiro ijigũta, tutueriquiro pehe “Cahme wejẽdacũhna”, ni dutiro ohoboaga dahra cohteriquirore. 33 Sa yena yũhũ buhena iji duana, mũsa yeatire mũsare masino cahmene. Mũsa ye duaye pehere duhu

duerana, yahu buhena iji masiedare, ni yahuahye Jesu.

Moa ocayere yahuahye Jesu

(Mt 5.13; Mr 9.50)

³⁴ Sa yero tiquinare yahu nemoahye:

—Moa quehnoano ocare. Ti ocaeragũ ocaye yero basioerare. ³⁵ Moa ocaeraro ti moa ne quehnoaedare. Ti moare dahsero basioerare. Ti sa ijigũ ti moare cohãno cahmene. Ne dahseati ijierare ti moa. (Ti dahseati ijieraro saha ijieracãhña m̄sa. Cohãcjũ ye pehere cohãedacãhña.) Ahrire quehnoano tãhoya m̄sa, niahye Jesu.

15

Oveja butiriquiro queoyere yahuahye Jesu

(Mt 18.10-14)

¹ Sa ye ape deco peyequina wapa ne cohteyequina apequina “Ñãnequina”, tiquina niñequina mehna Jesure tãhoye ahtahye. ² Tiquina sa yegũ ihñañe fariseo masa, judio masare buheyequina gũh̄ Jesure ihña tuhtiye, ohõ saha niahye tiquina basi:

—Ahriquiro ñãnequinare piti tire. Sa yero tiquina mehna ihyare, ni, yahuducuahye tiquina basi.

³ Tiquina sa ni yahuducugũ Jesu tiquiro tãhotuye mehna ohõ saha ni, queoye mehna buheahye tiquinare:

⁴ —¿Cien oveja cãoriquiro ihcãquiro oveja butigũ ihñano dahse yerotari tiquiro? Ohõ saha yerota. Tiquiro noventa y nueve ovejare tiquina iyarirop̄ cũ, butiriquirore macano waharota.

Ovejare bocaropu duhurota. ⁵ Tiquirore bocaro bucuero. Sa yero tiquiro butiriquirore wua peo, tiquiro ya wuhuru ne tojoaa waharota. ⁶ Ne tojoa sa, tiquiro caharu ijiyequinare, tiquiro acayere piji cahmecoanota. “Yaquiore oveja butiriquirore boca tuhasa. Sa yena yuhu mehna bucueya”, ninota tiquiro tiquinare. ⁷ Poto niita niaja musare. Noventa y nueve oveja peyequina tiquina ijero sahata, peyequina masa ohō saha ni tūhoture: “Ñano yeraja. Sa yegu yuhu ñañene bujua witisí. Quehnoañe pehere comesasi yuhu”, ni, tūhoture peyequina masa. Tiquina sa ni tūhotugū ihñañe umuse cjenā Cohācjū caharu ijiyequina bucuere. Apequiore pehere bucuere. Butiriquiro oveja ihcāquiota butiriro sahata tiquiro upuro tiquirore bocariro sahata ihcāquiore ñariquiore tiquiro ñañene bujua witiḡū, quehnoañe pehere comesagū ihñañe, Cohācjū caharu ijiyequina tutuaro bucuere, ni-ahye Jesu.

Niñeru cjoer butiri queoyere yahuahye Jesu

⁸ Sa ni yahu tuhasa, queoye mehna yahu nemoahye tja:

—¿Pua omope cjoeri niñeru cjoeri caoricoro ihcā cjoer butigū dūhse yerotari ticoro? Ohō saha yerota ticoro. Sihāriare sihā, wuhure coha, quehnoano maca pehorota. Ti cjoere bocaropu duhurota. ⁹ Ti cjoere boca tuhasa, ticoro caharu ijiyequinare, ticoro mehna cjenare piji cahmecoanota. “Niñeru cjoer wuhure butiri cjoere boca. Sa yena yuhu mehna bucueya”, ninota ticoro. ¹⁰ Potota niita niaja musare. Sata ihcāquiore ñariquiore tiquiro ñañene bujua witiḡū quehnoañe pehere comesagū Cohācjū

yequina angele pehe tutuaro bucueeta, niahye Jesu.

Tiquiro macano butiri queoyere yahuahye Jesu

¹¹ Sa ni yahu tuhasa Jesu queoye mehna yahu nemoahye tja:

—Bucaro pohne p̄aro um̄a ijiahye. ¹² D̄hsariquiro pehe oh̄o saha niahye tiquiro pac̄rore: “Mai, m̄h̄u yariari bato m̄h̄u ohoatire ȳh̄u ohoja”, niahye tiquiro pac̄rore. Tiquiro sa niḡa tiquina pac̄ro p̄arop̄reta tiquiro pohnene itiahye tiquiro c̄orire. ¹³ Meheñe decorigã bato d̄hsariquiro tiquiro yere ijip̄htiyere ne, yoarop̄ ape yehp̄a wahaahya. Top̄ esaro t̄ho masieniquiro yero saha ye, tiquiro niñerure, tiquiro yere ye site peho c̄ahye. ¹⁴ Tiquiro ye site pehori bato ti yehp̄are ne ihyaye mariedi p̄e iji d̄cahye. Sa yero tiquiro m̄ja ahbahye. ¹⁵ Sa yero ti yehpa c̄j̄ dahrayere macahye. Tiquiro bocaḡa tiquiro p̄htoro yesea cohteriquiro s̄ahye tiquirore. ¹⁶ Sa yero tiquiro yeseare nu, tiquina ihyayere ihya duamahye. Tiquiro sa ihya duepeḡta ti ihyayere to c̄j̄na ohoerahye tiquirore. ¹⁷ Sa ye tiquiro top̄ wac̄ahye. “Ȳh̄u pac̄re dahra cohteyequina pehe b̄j̄ye ihyayere ihyare. Tiquina ihya d̄hari ḡh̄u b̄j̄ye d̄hsare. Tiquina sa quehnoano ȳhd̄ri watoa ȳh̄u pehe oh̄r̄p̄ ijiḡ, m̄ja ahbaḡ niaga. ¹⁸ Yojōp̄re ȳh̄u pac̄ cahap̄ tojoaḡtja. Ȳh̄u pac̄ cahap̄ esaḡ oh̄o saha niitja tiquirore: ‘Mai, Coh̄c̄j̄re ñano yei. M̄h̄u ḡh̄u ñano yei. ¹⁹ Ñagu ijiaja ȳh̄u. M̄h̄u mac̄ yero saha ijiboḡ ijieraja ȳh̄u. M̄h̄u dahra cohteriquiro yero saha yeya

yũhure', niitja yũhũ pacũre", ni tũhotuahye tiquiuro.
²⁰ Sa ni tũhoturota wahcãdũca, tiquiuro pacũro caharũ tojoaa wahahye. Topũ tiquiuro esariquiuro tojoa tagũ tiquiuro pacũro pehe yoaropũta tiquiuro macũnore ihñahye.

'Tiquiuro sa wihigũ ihñano macũnore paja ihñahye. Paja ihñano tiquiuro caharũ oma cã, tiquiurore quẽ suhsu maa, tiquiuro wahsupure ihmiahye pacũro tiquiuro macũnore. ²¹ "Mai, Cohãcjũre ñano yei. Mũhũ gãhũre ñano yei. Ñagũ ijiaja yũhũ. Mũhũ macũ yero saha ijibogũ ijieraja yũhũ", niahye tiquiuro pacũrore. ²² Tiquiuro sa nigũ tũhoru pacũro pehe dahra cohteyequinare pijiahye. "Sojaro mehna, quehnoa yũhdũari suhtirore ne cãhtaya. Sa yena yũhũ macũre sãaña. Sãa tuhasa, tiquiuro omoca sañari behtore sãa, dahpo suhti gãhũre sãaña. ²³ Sãa tuhasa, dihi tiriquiregãre wecũgãre wejẽña. Bose deco yeihna mari. ²⁴ Ahriquiuro yũhũ macũ yariariquiuro yero saha wahariquiuro ijire. Sa wahaeperota yojopũre catire tiquiuro. Tiquiuro butimediquiurore pari turi bocũ. Sa yena bose deco yeihna mari", niahye tiquiuro pacũro. Tiquiuro sa nidi bato bose deco dahre dũcahye tiquina.

²⁵ 'Ti pjere tiquiuro wahmino pehe wesepũ ijiahye. Wesepũ ijiriquiuro cohe tojoa taro wũhũ caharũ esaro, tiquina basayere tũhoahye tiquiuro. ²⁶ Tũhoru, ihcãquiuro dahra cohteriquiurore pijio, tiquiurore sinituahye tiquiuro: "¿Dũhse ijiro boro basaye niari?" niahye tiquiuro dahra cohteriquiurore. ²⁷ "Mũhũ bahũ coheri. Tiquiuro quehnoariquiuro, catiriquiuro tiquiuro cohegũ mãhũ

pacu dihi tiriquiregãre wecugãre wejẽ dutiri”, ni yũhtiahye dahra cohteriquiro. ²⁸ Tiquiro sa ni yahugũ tiquiro wahmino pehe tutuaro usuaro, wũhũpũ sajãedahye. Tiquiro sajãedagũ ihñano tiquiro pacuro sopecahapũ wijia ta, “Sajã taya”, ni, pijimahye tiquiro macunore. ²⁹ Tiquiro sa pijigũ macuno yũhtiahye. “Tũhoya mai. Yoari pje mũhũre dahra cohteriquiro yero saha mũhũre yedohomi. Sa yegũ mũhũ dutiyere ne ihcã taha yũhdũdũcaeru. Yũhũ mũhũre dahra cohtepegũta yũhũre ne ohoerari mũhũ. Ne ihcãquiro wahiquiregãre ne ohoerari mũhũ yũhũre yũhũ piti tiyequina mehna yũhũ bose deco dahreatire. ³⁰ Sa yero ahriquire mũhũ macu pehe ñañequina numia mehna mũhũ yere ye site pehoñhti. Tire ye site peho tuhassa, wũhũpũ tiquiro tojoa wihigũ dihi tiriquiregãre wecugãre wejẽ dutiñhti mũhũ tiquiro ihyatiquirore”, niahye tiquiro wahmino pehe pacurore. ³¹ “Macũ, yũhũ mehna ijipihtiye decori mũhũ ijigũ ijipihtiye yũhũ cũoye mũhũ ye ijire. ³² Mũhũ bahũ pehe yariariquiro yero saha wahari marine. Sa ye yojopũre tiquiro catiriquiro ijire. Tiquiro butiriquiro yero saha ijiri. Tiquiro sa wahari bato yojopũre tiquirore bocaũ. Sa yero tiquiro tojoa wihigũ mari bose deco ye bucuegũ quehnoare”, niahye tiquiro macunore, niahye Jesu tiquinare.

16

Niñeru cohteriquiro tũho masiniquiro quitire Jesu yahuahye

¹ Sa ye ahri quitire tiquiro buheyequinare yahuahye Jesu:

—Doeri cjē upuro ye niñerure cohteriquiro niñerure quehnoano tiquiro ihboeragū ihñano apequiro pehe yahusāhye doeri cjē uparore. “Mahu ye niñerure ye sitero nine”, ni yahusāhye tiquirore. ² Tiquiro yahusā tuhasari bato niñeru cohteriquirore pijioahye. Sa yero tiquiro wihigū ihñano, tiquirore puhtoro yahuahye. “Yee niñerure mahū ye siterire apequiro yahure yahuri. Sa yegu yeere cohtegu iji nemosi mahū. Sa yegu yeere mahū yerire yahu peho ojoaya. Mahure cohāgu niaja”, niahye puhtoro tiquirore. ³ Tiquiro sa nidi bato ohō saha ni tūhotuahye cohteriquiro tiquiro basi: “Yūhu puhtoro yahure cohāno taro niaga. Yūhu tutueraja. Sa yegu tutuaro dahra masiedaja. Sa yegu apequinare yūhu niñerure sinigū buro yandūboaga yūhu. ¿Sa yegu dahse yeitari yūhu? ⁴ Yojoru pūritare yūhu yeatire masiaja yūhu. Ohō saha yūhu yegū yūhu dahraye mariedagū yūhu puhtorore wapamoñequina yahure cahīeta. Sa ye tiquina ye wūhusepu sajā dutieta yahure”, ni tūhotuahye tiquiro. ⁵ Sa ni tūhoturo tiquiro ijipihtiyequina tiquiro puhtorore wapamoñequinare pijioahye. Pijio tuhasa, cohteahye. Wihi mahitariquirore ohō saha ni sinituahye tiquiro. “¿Yūhu puhtorore noho puno wapamoajari mahū?” niahye tiquiro. ⁶ Tiquiro sa nigū wapamoriquiro pehe yūhtiahye. “Cien tambores ūhsere olivo dūca mehna tiquina yeri ūhsere wapamoaja tiquirore”, ni, yūhtiahye. Tiquiro sa ni yahugū cohteriquiro pehe ohō saha ni yahuahye. “Ohōru

ijire m̄h̄h̄ wapamonore ojoa ohōri p̄. Dujiya. Sa yeḡ m̄h̄h̄ wapamonore deco mehna ne, deco mehna ojoa quehnoña”, niahye coheriquiro wapamoriquire. ⁷ Sa ni tuhasa apequiro wapamoriquire sinituahye tiquiro. “¿M̄h̄h̄ waro, noho puno wapamoajari?” niahye tja. “Cien ajuri trigo pjeri ajurire wapamoaja ȳh̄h̄”, niahye wapamoriquire niñerure coheriquiro. “Ohōp̄h̄ ijire m̄h̄h̄ wapamonore ojoa ohōri p̄. M̄h̄h̄ wapamonore ochenta ojoa quehnoña”, niahye coheriquiro. ⁸ Tiquiro sa quehnoano ni meho mihniḡ ihñano “Ahriquire ni mehoriquiro quehnoano masidiquiro ijiaga”, ni t̄hotuahye tiquiro p̄h̄toro niñerure coheriquiro. Ahri deco c̄j̄na, Coh̄c̄j̄re cahmeeñequina tiquina yere quehnorire tiquina niñeru ihborire Coh̄c̄j̄ yequina ȳhd̄oro masiaga tiquina, niahye Jesu.

⁹ Sa ni tuhasa Jesu yahu nemoahye:

—Sa yeḡ m̄sare niita niaja. M̄sa c̄oyere, pe-jec̄oyequinare m̄sa ohoḡ, tiquina pehe m̄sare cah̄eta. M̄sa sa yeḡ m̄sa c̄oye pihtiaro bato m̄sa h̄m̄sep̄ esaḡ m̄sare cah̄eta top̄re.

¹⁰ 'Ihyo ijiyequina ye dahrayere poto yena, p̄h̄toa ye dahraye ḡh̄re poto yenata. Ihyo ijiyequina ye dahrayere queoro yerana, p̄h̄toa ye dahraye ḡh̄re queoro yesi m̄sa. ¹¹ Sa yena ahri yehp̄p̄ m̄sa c̄oye mehna m̄sa quehnoano yerana Coh̄c̄j̄ m̄sare tiquiro ye buheye ḡh̄re quehnoano yesi m̄sa. Sa yero ti buheyer c̄si tiquiro. ¹² Sa yena apequiro yere m̄sa quehnoano ye basaeraḡ ihñano m̄sa ye ijiatire ohosi m̄sare.

13 'Ihcãquiro Cohãcjũ pehere wacũno, tutua yũhdũaro niñeru pehere wacũedare. Niñeru pehere tutua yũhdũaro wacũno Cohãcjũ pehere wacũedare. Niñeru dihitare cahmediquiro ijiro Cohãcjũre bucuegũ yerare. Cohãcjũ gũhure, niñeru gũhure pũarore cahme yũhdũũcaro basioerare mũsare. Niñerure cahme yũhdũariquiro Cohãcjũre quehnoano ño peo masiedare, niahye Jesu.

14 Tiquiro sa nigũ tũhoye fariseo masa pehe tiquirore bũjũpeahye. Tiquina pehe niñerure cahĩahye. Sa ye bũjũpeahye. 15 Tiquina bũjũpegũ tũhoro Jesu tiquinare yahuahye:

—Masa tiquina ihñonore mũsa quehnoano yemene. Mũsa sa yegũ “Quehnoañequina, potoyeyequina ijire”, nimene masa mũsare. Cohãcjũ pehe mũsa tũhotuyere masine. Masa “Quehnoa yũhdũare”, tiquina nidire Cohãcjũ pehe sijoro saha ni tũhoture. Tire ihña yabire, niahye Jesu.

Cohãcjũ dutiyere, tiquiro pũhtoro ijiyere yahuahye Jesu

16 Sa ni tuhasa ohõ saha ni nemoahye Jesu:

—Ñu wame yeriquiro tiquiro ijiato pano Moisere tiquiro cũri dutiye mehna Cohãcjũ marine dutiri. Cohãcjũ yere yahu mũhtariquina tiquina ojoari mehna gũhũ marine dutiri. Yojopũ pehere Ñu tiquiro buhe dũcari bato quehnoañe buheyere, Cohãcjũ tiquiro pũhtoro ijiye gũhure masi dũcare masa. Sa masiñe masa tiquina esa tuharo tiquina tutuaye mehna Cohãcjũ tiquiro pũhtoro ijirore sajã duamene. 17 Moisere tiquiro cũri dutiyepũ Cohãcjũ nidiro sahata ye pehorota tiquiro. Ëhmũse gũhũ ahri yehpa gũhũ pihtia

wahaepēgūta Cohācǵũ nidiro sahata ye pehorota, niahye Jesu.

*Namonore cohāñene yahuahye Jesu
(Mt 19.1-12; Mr 10.1-12)*

¹⁸ Sa ni tuhasa ohō saha ni nemoahye Jesu:

—Masano tiquiro namonore cohāno, apecoro mehna omoca dūhtero, ticoro mehna ñano yero nine. Apequiro tiquiro cohāricoro mehna omoca dūhtero, tiquiro gāhū ticoro mehna ñano yero nine, niahye Jesu.

Doeri cǵē upuro, pejecūoriquiro queoyere yahuahye Jesu

¹⁹ Sa ye queoye mehna yahuahye Jesu:

—Ti pjerure doeri cǵē upuro ijie tiahye. Tiquiro suhti pehe wapa būju yūhdūahye. Sa yero decoripe quehnoañe dihitare ihyaro, peye cūoahye tiquiro. ²⁰ Sa yero ti pjere apequiro pejecūoriquiro, Lázaro wame tiriquire ijie tiahye. Tiquiro pagū peye cami tiriquire ijiahye. Sa ye apequina pehe tiquirore doeri cǵē upuro ya wūhū cǵā sahrīno caharū ne sae tiahye. ²¹ Sa yero pejecūoriquiro pehe doeri cǵē upuro tiquiro ihyari mesa docarū yehparū dujiro tiquiro ihya site dijioyere ihyae timahye. “Tiquiro ihya site dijiorire ihyagū yapigūta yūhū”, ni, tūhotue timahye tiquiro. Sa ye diayea tiquiro camine nehneñe ahtae tiahye.

²² Sa yero pejecūoriquiro tiquiro yariaa wahagū, Abrahā caharū paraíso wame tiropū angele tiquirore ne mūjahye. Sa yero doeri cǵē upuro gūhū tiquiro batogāta yariaa wahahye. Tiquiro yariagū tiquirore yahye. ²³ Sa yero doeri cǵē upurore

tutuario peca ʌjãahye. Sa yero pecapɛ ijiro ʌhmɛsepɛ ijiriqũirore Abrahãre ihñahye. Lázaro gũhɛre ihñahye. ²⁴ Ihña tuhasa, tiqũiro Abrahãre pisuahye. “Yɛhɛ acayɛ Abrahã, paja ihñaña yɛhɛre. Pecapɛ yɛhɛ ñano yɛhdɛgɛ niaja. Yɛhɛ sa wahagũ Lázarore yɛhɛre ohoya. Sa yero acore tiqũiro omo piriapɛ soha, yɛhɛ ñehmenore aco mehna nehono ahtaahro. Tire yɛsɛoahro tiqũiro”, niahye doeri cjẽ upɛro. ²⁵ Tiqũiro sa nigũ Abrahã tiqũirore yahuahye: “Yɛhɛ acayɛ, catigɛpɛ mɛhɛ ijipihtiyere quehnoañene cɛori. Lázaro pehe decoripe ñano yɛhdɛri. Yojoɛpɛ pehere mɛhɛ ñano yɛhdɛgũ tiqũiro pehe ohõpɛre bucueye mehna ijiro nine. ²⁶ Sa ye mari watoa ʌhcɛãri cope ijire. Sa ye ohõre ijieequina topɛre waha masiedare. Sa ye topɛ ijieequina ohõpɛre ahta duayequina ahta masiedare”, niahye Abrahã doeri cjẽ upɛrore. ²⁷ Tiqũiro sa nigũ doeri cjẽ upɛro ohõ saha ni nemoahye: “Yɛhɛ acayɛ, tutuario siniaja mɛhɛre. Lázarore yɛhɛ pacɛ ya wɛhɛpɛ ohoya. ²⁸ Yɛhɛ ihcã omopequina bahana tiĩ. Lázaro tiquinare yahuahro. Tiquina ohõre ñano yɛhdɛropɛre ahtaeracãhdo”, niahye tiqũiro. ²⁹ Sa nigũ Abrahã pehe yɛhtiahye: “Cohãcjũ dutiyere Moise marine cũrire, Cohãcjũ yere yahu mɛhtariquina tiquina ojoarire cɛore mɛhɛ bahana. Sa ye mɛhɛ bahana tireta tɛhoahro”, niahye Abrahã. ³⁰ Tiqũiro sa nigũ doeri cjẽ upɛro pehe yɛhtiahye: “Yɛhɛ acayɛ Abrahã, tire cɛoepeta quehnoano tɛhosi. Lázaro yariariqũiro masa bajua, tiquina cahapɛ esagũ ihñañe tiquina pehe ñañene bajɛa witi, quehnoañe pehere comesaeta. Sa ye quehnoañene yeeta yɛhɛ

bahana pehe”, niahye doeri cje upero manano.
³¹ Tiquiro sa nigũ Abrahã pehe yahuahye: “Mũhũ bahana Moise cũri pũ tiquiro yahuyere, Cohãcjũ yere yahu mãhtariquina mana tiquina yahuyere tũho dueyequina ijire. Sa ye Lázaro yariariquiro manano masa bajuepegũta tiquina Cohãcjũre tũho duasi”, niahye Abrahã, ni, yahuahye Jesu.

17

*Ñañene yegũ cuarĩne
 (Mt 18.6-7, 21-22; Mr 9.42)*

¹ Sa ye Jesu yahuahye tiquiro buheyequinare:

—Masare ñañe yegũ yeye peye ijire. Sa yeye masa ñañene yere. Ti sa ijiepegũta masunore ñañene yegũ yeriquiro pehe ña yũhdũaro yũhdũrota. ² Masunore tiquiro wamũarũ pajiria utãre dũhte yo, pajiri marũ tiquirore cohãgũ ñano wahaboaga tiquiro. Apequiro pehe ahriquinagã mehna cjũnogãre ñañene yegũ yero pajiri marũ tiquina cohãriquiro yũhdũoro ñano yũhdũrota. Tiquirore tutuaro buhiri dahrero cahmene.

³ Quehnoano yeya mũsa. Mũsa acayũro ñano tiquiro yegũ ihñana “Yeracãhña”, niña tiquirore. Sa yena tiquiro ñañene bũjũa witigũ, quehnoañene comesagũ mũsa pehe tiquiro ñañe yeyere boya.

⁴ Sa yero mũsa acayũro ihcã decota siete tahari mũsare ñano tiquiro yegũ mũsare tiquiro bo dutigũ boya. “Pari turi mũhũre ñano yesi”, siete tahari tiquiro nigũ tope taharita tiquiro ñano yerire boya, niahye Jesu.

Cohãcjũre wacũ tutuayere yahuahye Jesu

⁵ Sa ye Jesu buheyequina tiquireore ohõ saha niahye:

—Cohãcjüre usãre quehnoano wacũ tutua nemogũ yeya, niahye tiquina Jesure.

⁶ Tiquina sa nigũ Jesu yãhtiahye:

—Mostaza capegã meheni pjegã ijire. Ti yero saha Cohãcjüre mehenogã wacũ tutuana, ohõ saha wahagũ ye masinata m̄sa: Ahdu yucugure ohõ saha ni masine: “M̄h̄h̄ yucuḡh̄ m̄h̄h̄ basi duhtu cã, pajiri map̄h̄ bora ñjoañã”, ni masine m̄sa. M̄sa sa nigũ t̄h̄ yucuḡh̄ pehe m̄sa dutiro sahata waharota, niahye Jesu.

Dahra cohteriquiro tiquireo dahrayere yahuahye Jesu

⁷ Came ahri quitire yahuahye Jesu:

—M̄sare dahra cohteriquiro ijiro wesep̄h̄ tanare. Sa yero ovejare ihña ihbore. ¿Dahra cohteriquiro tiquireo tojoa wihigã dahse niboagari m̄sa tiquireore? ¿“Sojaro mehna ahtaya. M̄h̄h̄ ihyaye ohõp̄h̄ ijire”, niboagari m̄sa? ⁸ Sa niedare m̄sa. Tiquireore ohõ saha nine m̄sa: “Ȳh̄h̄ ihyayere doha quehnoña. Sa yeḡh̄ ȳh̄h̄ ihya sihnigũ yah̄h̄re cohteya. Ȳh̄h̄ bato m̄h̄h̄ ḡh̄h̄ ihya sihniña”, nine m̄sa dahra cohteriquirore.

⁹ Dahra cohteriquiro m̄sa dutiyere tiquireo yegũ tiquireore “Quehnoare”, niedare m̄sa. Tiquireo dahraye dihitaro yero niaga tiquireo. ¹⁰ M̄sa ḡh̄h̄ tiquireo yero saha ijire. Cohãcjũ dutiriro sahata ye pehona ohõ saha ni, t̄h̄hotuya m̄sa. “Usã ḡh̄h̄ dahra cohtena dihita ijiaja. Ihyo ijina ijiaja usã. Usã dahraye dihitaro yei usã”, ni, t̄h̄hotuya m̄sa, niahye Jesu tiquireo buheyequinare.

Pua omopequina cami bũcũ mũna wihare yũhdũoahye Jesu

¹¹ Ape deco Jerusalẽpũ Jesu waharo niahye. Topũ waharo Samaria yehpa, Galilea yehpa, ti pũa yehpa watoa yũhdũ cãhye. ¹²⁻¹³ Ape macapũ wahari mahapũ tiquiro tinigũ pũa omopequina cami bũcũ mũna wiha pehe tiquirore piti cahye. Sa ye yoa cĩũnopũ ducuye pisuahye:

—Jesu, pũhto, usãre paja ihñaña, niahye tiquina.

¹⁴ Sa nigũ tiquinare ihña, yahuahye Jesu:

—Pahire mũsa pagũrire quehnoañe pagũri mũsa waharire ihñaona wahaya, niahye tiquinare.

Sa nidi bato tiquina wahari watoa quehnoa wahahye. ¹⁵ Sa yero ihcãquiro tiquina mehna cãno quehnoano tiquiro pagũ wahagũ ihñaano, Jesu cahapũ majare tojoa tahye. Sa tojoa taro tutuaro mehna Cohãcjũre ño peoahye. “Cohãcjũ tutu-ariquiro, quehnoariquiro ijire”, ni, ño peoahye tiquiro. ¹⁶ Sa nino tiquiro Jesu dahpocãri caha dũsepe curi mehna quehe sa, “Quehnoare”, niahye tiquiro. Samaria cãno ijiahye. ¹⁷ Tiquiro sa yeri bato Jesu ohõ saha ni sinituahye:

—Pua omopequina ijiri masa quehnoa wahariquina. ¿Apequina nueve dũhsayequina pehe nohopũ ijiagari tiquina? ¹⁸ Ahriquiro ape yehpa cãno dihita Cohãcjũre “Quehnoare”, nino taro tojoa tari. ¿Dũhse ijiro boro apequina ahtaerajari? niahye Jesu.

¹⁹ Sa ni tuhasa Jesu yahuahye dũsepe curi mehna quehe sariquirore.

—Wahcãdũcaya. Wahaya. Mũhũ Cohãcjũre wacũ tutuagu, yũhdũre mũhũ, niahye Jesu tiquirore.

*Cohãcjũ tiquiro pũhtoro ijiatire yahuahye Jesu
(Mt 24.23-28, 36-41)*

²⁰ Ti pjere meheñequinagã fariseo masa Jesure sinituahye:

—¿Dũhse ijigũ Cohãcjũ pũhtoro iji dũcarotari? niahye tiquina.

Tiquina sa nigũ Jesu yũhtiahye:

—Cohãcjũ tiquiro pũhtoro iji dũcagũ masa ihña masiedare. ²¹ “Cohãcjũ pũhtoro ijiye ohõpũ ijire”, ni masiedare. “Sohõpũ ijire”, ni masiedare. Cohãcjũ tiquiro pũhtoro ijiye masa tiquina tũhotuyepũ ijire, niahye Jesu fariseo masare.

²² Sa ni tuhasa Jesu tiquiro buheyequinare ohõ saha ni yahuahye:

—Came yũhũ masũ Cohãcjũ ohorigũ ahri yeh-papũ yũhũ tojoa tatire tutuaro cahmenata mũsa. Mehenogã yũhũre ihña duepenata yũhũre ihñasi mũsa. Mũsa yũhũre sa ihña duepegũta ti pjere ahtasi yũhũ. ²³ Apequina mũsare ohõ saha ni-eta. “Tiquirore ihñaña. Cristo ijire. Ahriquirore ihñaña. Cristo ijire”, nieta mũsare. Tiquina sa niepegũta tiquinare tũhoeracãhña. ²⁴ Upo miado-queoro wacũeno mehna ti mia sitedoqueoro sa-hata yũhũ gũhũ masũ Cohãcjũ ohorigũ wacũeno mehna tojoa tautja. ²⁵ Ahrire yũhũ yeato pano yũhũ tutuaro ñano yũhdũta. Sa ye yojopũ cjẽna yũhũre cahmesi. ²⁶ Noé tiquiro ijiri pje cjẽna tiquina ijiriro sahata yũhũ masũ Cohãcjũ ohorigũ yũhũ tojoa tagũ sata ijieta masa. ²⁷ Noé tiquiro ijiri pjere ijipihtiyequina masa sa ihyaducue tiahye. Sa ye sihniducue tiahye. Umuã, nu-mia mehna omoca dũhtee tiahye. Noé pajiria yucũsapũ tiquiro sajãto pano Cohãcjũ tiquinare

tiqairo mioato pano ti ijipihtiyere masa yeducue tiahye. Sata ijirota yũhũ tojoa tagũ gãhũre. ²⁸ Lote tiqairo ijiri pje cjẽna tiquina ijiriro sahata yũhũ tojoa tagũ ijietã masa. Lote tiqairo ijie tiri pjere masa ihya, sihni, dú, dua, weserire ote, wãhũse yeahye. ²⁹ Tiquina sa yeri watoa Sodoma wame tiri macapũ ijiriquiro Lote tiqairo wahari deco ahmũse cjã peca, peca asiye paca utã pjeri gãhũ acoro ahtaro saha tiquina bui bora pje, tiquinare wejẽ pehoe tiahye. ³⁰ Yũhũ masũ Cohãcjũ ohorigũ wacũeno mehna yũhũ tojoa tagũ tiquina yero sahata yeyequina ijietã masa ti pjere.

³¹ 'Ti pjere ihcãquiro tiqairo ya wũhũ bui cjã paapũ quehnoari paapũ ijiriquiro wũhũ puhiapũ tiqairo ye ijigũ tire neno wahaeracãhdo tiqairo sojaro mehna wahato saha. Sa yero wesepũ ijiriquiro gãhũ ti pjere tiqairo ya wũhũpũ pihercãhdo tiqairo sojaro mehna wahato saha. ³² Lote namono ticoro waharire wacũña masa. ³³ Masũno yũhũre wacũno marieno tiqairo esa tuharo tiqairo cahmeno saha yero, pecapũ waharota. Sa yero yeere sa yeducuriquiro ijipihtiyere decori yũhũ mehna ahmũsepa ijirota.

³⁴ 'Ti ñamine pũaro ihcã cuñanopũ carĩñequinare ihcãquiro yũhũre cahmeniquirore neitja. Sa yero yũhũre cahmedariquiro topũ tojoarota. ³⁵ Ti pjere pũaro numia ihcãnopũ tiquina trigore tu mutoñe numiare ihcãcoro yũhũre cahmenicorore neitja. Sa yero yũhũre cahmedaricoro topũta tojoarota. ³⁶ [Sa ye wesepũ pũaro dahrayequina tiquina ijigũ ihcãquirota neitja. Ihcãquiro topũ tojoarota,] ni-ahye Jesu.

³⁷ Sa nigũ tiquiro buheyequina pehe sinituahye tiquirore.

—¿Nohopũ sa waharotari? ni sinituahye tiquina. Tiquina sa nigũ Jesu yũhtiahye:

—Masa tiquina ñano yeducuriropũ, topũ Cohãcjũ buhiri dahrerota tiquinare, niahye Jesu.

18

Wape wihoro ticoro buhiri dahre dutiye queoyere yahuahye Jesu

¹ Sa ye Jesu tiquinare Cohãcjũre siniñene yahuro ohõ saha niahye:

—Mũsa Cohãcjũre sinina, cohteya tiquiro yũhtiatire. Yoari pje cohtepenata bũjũa witieracãhña. Tiquirore sinina duhueracãhña, niahye Jesu.

² Tiquiro sa nidire buhero taro ahri queoye mehna yahuahye tiquinare:

—Ape macapũ tiquina buhiri dahre dutiriquiro ijiahye. Tiquiro Cohãcjũre ño peerahye. Sa yero masa gãhũre ño peerahye. ³ Sa yero wape wihoro gãhũ topũ ijiahye. Ticoro tiquiro cahapũ sa majareno ohõ saha niahye: “Yũhũre ihña tuhtiriquirore buhiri dahre dutiya mũhũ. Yũhũre ni cahmota basaya”, ni siniducuahye ticoro tiquirore. ⁴ Ticoro sa nigũ peye tahari tiquiro “Yesi yũhũ”, nimahye ticorore. Tiquiro sa niepegũta ticoro peye tahari sa siniducuro tiquirore ni cariboro ye cãmahye. Ticoro caribogũ, ohõ saha niahye tiquiro basi. “Yũhũ Cohãcjũre, masa gãhũre ño peeraja. ⁵ Yũhũ sa ño peogũ yũhũ ijiepegũta ahricoro pehe yũhũre

caribo ye cãmaga. Yuhure sa cariboro yuhure caributigã yerota ticoro. Sa ni yahusãducugã ticorore ihña tuhtiriquireore buhiri dahre duti-itja”, niahye buhiri dahre dutiriquireo, niahye Jesu.

⁶ Sa nino Jesu tiquireare yahu nemoahye:

—Sa niahye ñariquireo buhiri dahre dutiriquireo. Tiquiro nidire wacũña masa. ⁷ Tiquiro yuhdũoro Cohãcjã pehe tiquiro yequina tiquiro beseriquinare ñamipũ, decopũ tiquirore sinidiquinare yuhtiro, yedohorota. ⁸ Musare niita niaja. Cohãcjãre tiquina sinidiro sahata duita tiquireare yedohorota. ¿Tiquiro sa yuhtiriquireo ijiepegũta yuhũ masũ Cohãcjũ ohorigũ ahri yehpapũ tojoa tagũ Cohãcjãre wacũ tutuayequireare bocaboagari yuhũ? niahye Jesu.

Pũaro masa Cohãcjãre tiquina siniñe quitire yahuahye Jesu

⁹ Sa ye apeye quiti mehna ohõ saha ni yahuahye Jesu: “Usã pehe quehnoana ijiaja. Apequina pehe ñano yeyequina ijire”, ni, tuhotuyequireare ahri quitire yahuahye:

¹⁰ —Cohãcjũ ya wuhũpũ pũaro umũa Cohãcjũre siniñe wahahye. Ihcãquireo fariseo masũno ijiahye. Apequireo wapa ne cohteriquiro ijiahye. ¹¹ Sa yero fariseo masũno pehe ducu, ohõ saha ni yahuahye Cohãcjãre: “Yuhũ yaquerigũ, ñañene yerigũ, numia mehna ñano yerigũ ijieraja. Apequina yero saha ijieraja. Ahriquireo wapa ne cohteriquiro yero saha ñagũ ijieraja. Sa yegũ mahure ‘Quehnoare’, niaja Cohãcjũ. ¹² Yuhũ se-manaripe pũa decore mahũ yere yegũ sijiaja.

Sa yegũ pũa omope cjoeri niñeru cjoerire wap-atagũ ihcã cjoere mũhũre ohoaja”, niahye fariseo masũno Cohãcjũre. ¹³ Sa yero wapa ne cohteriquiro pehe yoaropũ muhri yo ducu, tiquiro ñañene bujũa witi, umũsepũre ihñedahye. Tiquiro ñañene bujũa witi tiquiro ijiro tiquiro cutirote quẽ ohõ, siniahye Cohãcjũre: “Cohãcjũ, yũhũ ñagũ ijiaja. Sa yegũ mũhũ paja ihñaña yũhũre”, niahye tiquiro Cohãcjũre. ¹⁴ Mũsare niita niaja. Ahriquiro wapa ne cohteriquiro pehere tiquiro ya wũhũpũ tojoagũ Cohãcjũ pehe “Mũhũ ñañene cohã tuhasaũ”, niahye tiquirore. Apequiro fariseo masũnore “Mũhũ ñañene cohãũ”, niedahye Cohãcjũ. “Yũhũ quehnoagũ ijiaja”, ni-diquiro Cohãcjũ ihñagũ ñariquiro ijire. “Yũhũ ñagũ ijiaja. Sa yegũ yee ñañene bujũa witi aja”, ni-diquirore Cohãcjũ quehnoariquiro ijigũ yerota tiquirore, niahye Jesu.

Macanagãre tiquina ye ijiatire Cohãcjũre sini basahye Jesu

(Mt 19.13-15; Mr 10.13-16)

¹⁵ Sa ye masa tiquina pohnene macanagãre Jesure ña peo dutiye tehe, tiquiro cahapũ ne wihahye. Tiquina sa yegũ ihñaña Jesu buheye-quina tiquinagãre ne wihyequinare tuhtiahye. ¹⁶ Tiquina sa tuhtigũ ihñano Jesu macanagãre pijioahye tiquiro cahapũ. Pijio tuhasa ohõ saha niahye tiquiro buheyequinare:

—Macanagã yũhũ cahapũ ahtaahro. “Waharĩsa”, niedacãhña tiquinagãre. Tiquinagã Cohãcjũre tiquina pũhtoro tũhoture. Sa ye Cohãcjũ pũhtoro ijirorũre ahriquinagã yero sahata

tuhotuyequina ijire topure. ¹⁷ Potota niita niaja musare. Ahriquinagã Cohãcjũre tiquina cahmeno saha musa pehe cahmedana, tiquiro cahapu wahasi musa. Musa wahaeragũ musa puhtoro ijisi tiquiro, niahye Jesu.

*Doeri cjẽ upuro Jesure sinituahye
(Mt 19.16-30; Mr 10.17-31)*

¹⁸ Tiquiro sa nidi bato judio masa puhtoa mehna cjãno Jesure sinituahye:

—¿Ne, quehnoagu, buhegu, ijipihtiyeh decori Cohãcjũ mehna iji duagu, duhse yeboagari yahu? niahye tiquiro.

¹⁹ Tiquiro sa nigũ Jesu yahtiahye:

—¿Duhse ijiro boro yuhure “Quehnoagu”, ni pisujari mahu? Cohãcjũ dihita quehnoariquiro ijire. ²⁰ Ahri Cohãcjũ dutiyere masine mahu. “Wuhana tieracãhña. Masare wejẽdacãhña. Yaqueracãhña. Ni mehoedacãhña. Musa pacusumuhare ño peoya”, ni, sa ye dutire Cohãcjũ. Sa yegu tire yeya mahu, niahye Jesu.

²¹ Tiquiro sa nigũ Jesure yahtiahye:

—Tire ijipihtiyere yahu coã wahmua cãhtagu ijiguputa yuhducaerahti, niahye tiquiro.

²² Tiquiro sa nigũ tuhoru, Jesu tiquirore ohõ saha ni yahuahye:

—Mehenogã duhsare muhure mahu ye pehoati. Ijipihtiyere mahu yere duagu wahaya. Sa yegu ijipihtiyeh mahu wapataru niñerure pejecuoyequinare ohoya. Mahu sa yegũ peye mahu ye uhmusepu, Cohãcjũ cahapu ijirota. Sa ye tuhasagu yahu mehna cjũ ijiajũ ahtaya, niahye Jesu tiquirore.

23 Tiquiro sa nigũ tuhoro tiquiro pehe peye doeri cjẽ c̃horiq̃uero ijiro tire pejec̃hoyeq̃uinare oho dueraro, tutuaro b̃h̃j̃ua witi, wahaa wahahye.

24 Tiquiro sa b̃h̃j̃ua witigã ihñano Jesu ohõ saha ni yahuahye apeq̃uinare:

—Doeri cjẽ opana Cohãcjũ tiquiro p̃h̃t̃oro ijirop̃are tiq̃uinare waharo basioera cjũre.

25 Camello pehe awia copep̃a tiquiro sajã duagũ basioerare tiq̃uore. Tiquiro sa ijiro ỹhd̃uro doeri cjẽ up̃uro Cohãcjũre cahmedaro, Cohãcjũ tiquiro p̃h̃t̃oro ijirop̃are waharo basioerare, niahye Jesu.

26 Tiquiro sa nigũ tiq̃uore tuhoyeq̃uina ohõ saha niahye:

—Aa, d̃h̃se tiquiro nino saha poto ijigũ, ne ihcãq̃uero mas̃no Cohãcjũ cahap̃a waha masied-aboaga, niahye tiq̃uina basi.

27 Tiquina sa nigũ Jesu ỹht̃iahye:

—Masa tiq̃uina esa tuhoro quehnoano yeri mehna Cohãcjũ cahap̃a waha masiedare. Cohãcjũ pehe masare pecap̃a wahaboriq̃uinare ỹhd̃uo masine. Tiquiro ijipihtiyere quehnoano ye masi peho cãre, niahye Jesu tiq̃uinare.

28 Tiquiro sa nigũ Pedro tiq̃uore ohõ saha niahye:

—Tuhorĩña. Usã pehe ijipihtiyere usã yere cũ cãu m̃h̃u mehna wahana, niahye tiquiro Jesure.

29 Tiquiro sa nigũ Jesu ohõ saha niahye:

—Potota m̃sare niita niaja. M̃sa Cohãcjũ yere yena tana m̃sa w̃h̃sere, m̃sa pac̃s̃m̃are, m̃sa bahanare, m̃sa namosãnumiare, m̃sa poh̃nare c̃r̃ina ijina pajiro wapatanata m̃sa yojop̃are. 30 M̃sa c̃r̃i ỹhd̃uro wapatanata. Sa

yena m̄sa yariari bato ijipihtiye decori Cohãcjũ mehna ijinata m̄sa, niahye Jesu tiquinare.

Pari turi Jesu tiquiro yaria masa wijiatiye yahuahye

(Mt 20.17-19; Mr 10.32-34)

³¹ Sa ye Jesu doce tiquiro buheyequinare neahye. Sa neano tiquinare yahuahye:

—T̄hoya ȳh̄ure. Yojoṝure mari Jerusal̄̄p̄̄ wahana niaja. Top̄̄ ȳh̄ure mas̄̄re Cohãcjũ ohoriḡ̄re Cohãcjũ yere yahu m̄htariquina panop̄̄ tiquina yahuriro sahata sa yeeta ȳh̄ure. ³² Top̄̄ masa ȳh̄ure ñehẽñe, judio masa ijieyequinare ohoeta ȳh̄ure. Ȳh̄ure tiquina ohori bato tiquina ȳh̄ure baj̄̄ure, ñano ni, ȳh̄ure sihco puti ohõeta. ³³ Sa ye yuta dari mehna tana tuhasa wej̄̄eta ȳh̄ure. Sa yeḡ̄ ihtia deco wahaboro masa wijiaḡ̄ta ȳh̄̄, niahye Jesu tiquinare.

³⁴ Tiquiro sa ni yahurire quehnoano masiedahye tiquiro buheyequina. Cohãcjũ tire tiquinare quehnoano masigũ yeraniahye.

Caperi bajueriquirore ih̄̄agũ yeahye Jesu

(Mt 20.29-34; Mr 10.46-52)

³⁵ Sa ye Jesu ḡ̄h̄̄ Jericó wame tiri maca cahaḡ̄p̄̄ esahye. Top̄̄ caperi bajueriquiro maha d̄̄ht̄̄ caha duji, niñeru sinino niahye. ³⁶ Sa yero masa peyequina tiquiro caha ȳh̄d̄̄agũ t̄̄horo sinituahye tiquinare:

—¿D̄̄h̄̄se ijiro boro masa peyequina ȳh̄d̄̄ajari? ni sinituahye tiquiro.

³⁷ —Jesu Nazare cj̄̄ano waharo nine, ni, yahuahye apequina tiquirore.

38 Tiquina sa ni yahugã tãhoro tiquiro sañuducuahye:

—Jesu, Davi mñnano panami iji turiagũ, masare yãhdũoacjũ, yãhũre paja ihñaña, ni sañuducuahye Jesure.

39 Tiquiro sa nigã tiquiro caha ihñaducuyequina pehe, “Dihta mariahña”, ni tuhtiahye tiquirore. Tiquina sa ni tuhtiepegãta to pano tiquiro sañuducuriro yãhdũoro sañuducu nemoahye tjã:

—Davi mñnano panami iji turiagũ, masare yãhdũoacjũ, yãhũre paja ihñaña, ni sañuducuahye tiquiro.

40 Tiquiro sa ni sañuducugã tãhoro, Jesu pehe esadũca, “Pijioya tiquirore”, niahye. Tiquiro sa nigã tiquina pehe caperi bajueriquirore piji cãhye. Tiquina sa piji cãgã Jesu cahapũ esagã Jesu pehe tiquirore sinituahye:

41 —¿Dãhse yãhũ yegã cahmeajari mãhũ? niahye Jesu.

—Yãhũ pũhto, yãhũre ihñagã yeya, ni yãhtiahye caperi bajueriquiro.

42 —Ihñaña. Yãhũre wacũ tutuagũ, quehnoa wahare mãhũ, niahye Jesu tiquirore.

43 Tiquiro sa nigãta caperi bajueriquiro ihñaa wahahye. Sa quehnoa waharo, tiquiro Jesu mehna wahahye. “Cohãcjũ tutuariquiro ijire”, niahye tiquiro. Sa ye masa peyequina caperi bajueriquiro ihñagã ihñañe “Cohãcjũ quehnoariquiro, tutuariquiro ijire”, niahye tiquina gãhũ.

19

Zaqueo Jesure piti cahye

¹ Sa ye Jesu Jericópꝰ esa, ti macapꝰ yꝰhdꝰ cãno taro niahye. ² Doeri cjẽ upꝰro Zaqueo wame tiriqiro wapa ne cohteyequina pꝰhtoro topꝰ iji-ahye. ³ Sa yero tiquiro Jesure “¿Diquiro boro ijia-gari?” ni ihña masino taro Jesure ihña duamahye. Sa tiquiro ihña duepegũta ꝰhmꝰediquirogã ijigũ masa peyequina tiquirogãre cahmotahye. ⁴ Sa yero tiquiro masare oma yꝰhdꝰ cã, sicómoro wame tidꝰ yucꝰgꝰpꝰ mꝰjahye Jesure ihñano taro. Came cjũnogã tꝰ cahapꝰ Jesu yꝰhdꝰaro taro niahye. Sa yero Zaqueo tꝰpꝰ cohtero niahye. ⁵ Tiquiro sa cohte pesari watoa Jesu pehe tꝰ dahpotopꝰ esadꝰca, Zaqueore ihña mꝰo, tiquirore pisuahye:

—Zaqueo yojopꝰre mꝰhꝰ ya wꝰhꝰpꝰ tojoagutja. Sa yegꝰ sojaro mehna dijia taya, niahye Jesu.

⁶ Tiquiro sa nigũ Zaqueo pehe sojaro mehna dijia ta, tutuaro bucueye mehna tiquiro ya wꝰhꝰpꝰ waha dutiahye Jesure. ⁷ Tiquiro sa piti cagũ ihñañe, ijipihtiyequina masa tiquina basi ohõ saha ni yahuducuahye:

—Ahriquiro Jesu ñariquiro ya wꝰhꝰpꝰ tinino waha duare, ni, yahuducuahye ijipihtiyequina tiquina basi.

⁸ Zaqueo pehe piti ca tuhasa topꝰ ducuro, Jesure yahuahye:

—Pꝰhto, tꝰhoya yꝰhꝰre. Ijipihtiyeyee deco mehna pejecꝰoyequinare ohoutja. Sa yegꝰ yꝰhꝰ apequirore cien niñeru cjoerire ni meho ehmarigꝰ ijigꝰ, cuatro cientos niñeru cjoerire wapa ye bui peoutja tiquirore, niahye Zaqueo Jesure.

⁹ Tiquiro sa nigũ Jesu pehe yahuahye tiquirore:
 —Miare m̄h̄are m̄h̄u ya w̄h̄uṛu ijiyequina
 ḡh̄ure pecar̄u wahaboriquinare Coh̄ãcj̄u ȳhd̄uo
 tuhasare. M̄h̄u ḡh̄u Abrahã m̄n̄ano acaȳu
 ijire. ¹⁰ Ȳh̄u mas̄u Coh̄ãcj̄u ohoriḡu pecar̄u wa-
 haboriquinare macaḡu ahtaḡu nii. Top̄u waha-
 boriquinare quehnoano ȳhd̄uoḡu ahtaḡu nii, ni-
 ahye Jesu Zaqueore.

*Niñeru cjoeri uru cjoeri quitire yahuahye Jesu
 (Mt 25.14-30)*

¹¹ Sa ye tiquirore t̄hoyequinare Jesu apeye
 queoye mehna yahuahye. Mehenogã d̄hsahye
 Jerusalẽṛu tiquiro esato. Sa ye tiquirore
 t̄hoyequina oh̄o saha ni t̄hotuahye: “Coh̄ãcj̄u
 p̄h̄toro yojop̄ure iji d̄ucaro taro nine”, ni,
 t̄hotuahye tiquina. ¹² Tiquina sa ni t̄hotugũ
 Jesu yahuahye tiquinare:

—Ihcãquiro p̄h̄toro mac̄no p̄h̄toro sajãtiquiro
 yoarop̄u ape yehpap̄u waharo taro niahye. Top̄ure
 esagũ ih̄n̄ano tiquina tiquirore p̄h̄toro s̄ñe tee
 niahye. Came tiquiro ya w̄h̄uṛu tojoa wi-
 hiro taro niahye. ¹³ Coã warore tiquiro wa-
 hato panore p̄h̄toro p̄u omopequina dahra
 cohteyequinare pijioahye. Sa pijioro, tiquiro
 tiquinare tiquinape cjoeri niñeru cjoeri wapa
 b̄j̄u ye cjoeri uru cjoerire ohoahye. Oho tuhasa,
 yahuahye tiquinare: “Ȳh̄u mariedagũ ahri niñeru
 mehna m̄sa wapata nemoatire macañã”, niahye
 tiquiro dahra cohteyequinare. ¹⁴ Sa ye tiquiro ya
 maca cj̄enata tiquirore cahmedahye. Sa cahme-
 daye, apequinare tiquirore p̄h̄torore yahu du-
 tiye ohoahye. “M̄h̄u usã p̄h̄to ijigũ cahmedaja

usã”, niahye tiquina yahu dutiriquina pehe. ¹⁵ Sa tiquina cahmedapegũta came tiquina pũhtoro sajãhye tiquiro. Pũhtoro sajã tuhasa tiquiro ya wũhũpũ tojoa tahye.

’Sa tojoa wihiro dahra cohteyequinare tiquiro ye niñeru mehna tiquina wapata nemorire masino taro, tiquinare pijioahye. ¹⁶ Tiquiro pijiori bato, wihi mahtariquiro tiquirore yahuahye: “Pũhto, mũhũ niñeru cjoe, yũhũre mũhũ ohori cjoe mehna pũa omope cjoeri wapata nemou yũhũ”, niahye dahra cohteriquiro pũhtorore. ¹⁷ “Quehnoano yeaya mũhũ. Mũhũ quehnoagũ dahra cohtegũ ijire. Mũhũ mehenogã mehna yũhũ dutiriro sahata ye pehogũ ijigũ yojopũ pũa omope macari cjẽna tiquina pũhto ijiacjũ wahagũta mũhũ”, niahye pũhtoro dahra cohteriquirore. ¹⁸ Tiquiro bato wihiriquiro tiquiro mehna cjãno ohõ saha niahye: “Pũhto, mũhũ ya cjoe niñeru cjoe yũhũre mũhũ ohori cjoe mehna ihcã omope cjoeri wapata nemou yũhũ gũhũ”, ni yahuahye tiquiro pũhtorore. ¹⁹ “Ihcã omope macari cjẽna pũhto ijiacjũ wahagũta mũhũ”, niahye pũhtoro tiquirore. ²⁰ Tiquiro sa nidi bato apequiro dahra cohteriquiro wihi, yahuahye: “Pũhto, mũhũ niñeru cjoe ohõ ijire. Suhtiro cahsero mehna coma, ti cjoere ihbou. ²¹ Mũhũ tutuaro dahra dutigũ ijire. Sa tutuaro dahra dutigũ ijigũ mũhũ basi oterapegũta ti dũcare nene mũhũ. Sa yegũ mũhũre cue nii”, niahye tiquiro pũhtorore “Ti cjoe mehna wapataerũ yũhũ”, ni yahuro. ²² Tiquiro sa nigũ tiquiro pũhtoro ohõ saha niahye: “Mũhũ sa nigũ ñagũ ijire mũhũ. Yũhũre mũhũ sa nidi buhiri mũhũre buhiri dahregũtja yũhũ. Yũhũ

máhere tutuaro dahra dutigü yáhu ijigü masine máhu. Apequina yere yáhu negü yáhu oterarigü ijiepeguta ducare negü yáhu ijigü masine máhu. ²³ Yáhu sa ijigü ihñaepéguta ya cjoere niñeru ihbori wáharu cüedahya máhu. Tire tiquina wasori wapa wapata nemoboaya máhu. ¿Dáhsegü sa yerari máhu? Tire máhu yegü tojoa wihigü wapata nemoboaya yáhu”, niahye tiquina páhtoro. ²⁴ Sa ni tuhasa tiquiro caharu ducuyequinare dutiahye: “Niñeru cjoere ehmaña tiquirore. Páhu omope cjoerire cüoriquirore ohoya”, niahye páhtoro. ²⁵ Tiquiro sa nigü tiquina pehe yahuahye tiquirore: “Páhto, páhu omope cjoeri cüoriquiro peye cüo tuhasare”, niahye tiquina. ²⁶ Tiquina sa nigü páhtoro yáhtiahye: “Músare niita niaja. Ijipihtiyequina cüoyequinare oho nemoutja. Cüoeriquiro pehere mehenogã tiquiro cüoepéguta tire ehmagüta. ²⁷ Yojoaru püritare yáhere ihña tuhtiyequinare yáhere tiquina páhtoro iji dutierariquinare yáhu caharu ne cáhtaya. Sa yena yáhu ihñonoru wejëña tiquinare”, niahye páhtoro dahra cohteyequinare, ni, buheahye Jesu.

Jerusalēru esahye Jesu
(Mt 21.1-11; Mr 11.1-11; Jn 12.12-19)

²⁸ Sa ni tuhasa Jesu apequina pano Jerusalēru wahahye. ²⁹ Tiquiro Betfagé wame tiri maca caharu Betania wame tiri maca caharu esa, canu Olivo wame tidu caharu esa máhtahye. Jerusalēru tiquiro esato mehenogã dáhsatjiãhye. Sa yero páruo tiquiro buheyequinare Jesu ohoro ohõ saha niahye:

30 —Si macapꝰ burrogãre nena wahaya. Topꝰ esana, burrogãre tiquina dũhte docoriquirogãre boca sanata. Apequina pesamehnediquirogã ijiaga. Tiquirogãre bocana, yuta dare pã, ne cãhta basaya yũhũre. 31 Mũsa sa yegũ ihñano, burrogã upꝰaro “¿Dũhsena burrogãre pãjari?” tiquiro nigũ tũhona ohõ saha ni yũhtiya tiquirore: “Mari pũhtoro burrogãre cahmedoqueo nidi”, ni, yahuya tiquirore, ni yahu duti ohoahye tiquiro buheyequinare pũarore.

32 Tiquiro sa nigũ tiquina pũaro pehe tiquiro nidiropꝰ esahye. Tiquina sa esagũ ijipihtiye Jesu tiquiro nidiro sahata ijiahye. 33 Sa ye tiquirogãre tiquina pãgũ ihñañe tiquirogã opana tiquinare sinituahye:

—¿Dũhse yena tana mũsa yuta dare pãjari burrogãre? ni, sinituahye tiquina.

34—Mari pũhtoro burrogãre cahmedoqueo nidi, ni yũhtiahye tiquina.

35 Sa ni yahu tuhasa tiquirogãre Jesu cahapꝰ ne sahye. Ne sa tuhasa tiquina bui cjẽ suhtire tiquirogã bui seõ peo, tiquirogã buipꝰ Jesu mũja pjegũ yedohoahye tiquina. 36 Jesu tiquirogã bui pesagũ tiquiro wahato pano masa tiquina bui cjẽ suhtire tu we ne, mahapꝰ seõ cũ mũhtahye Jesure ño peoye. 37 Sa ye tiquina Jerusalẽ cahagãpꝰ esa, Olivo wame tidapꝰ dijia tari mahapꝰ esahye. Topꝰ Jesu buhegũ tũhoyequina peyequina ijipihtiye Cohãcjũ tutuaye mehna tiquiro ye ihñorire, tiquiro quehnoañe yerire tiquina ihñarire wacũñe, Cohãcjũre “Quehnoagũ, tutuagũ ijire”, ni sañuducuahye. Sa ye tutuaro sañuducu, Cohãcjũre ño peoye, ohõ saha niahye:

38 —Ahriquiro Cohãcjũ tiquiro ohoriquirore, mari pũhtorore Cohãcjũ quehnoano yeahro. Ɛhmũse cjẽna quehnoano ijiahro. Cohãcjũ tiquiro tutuariquiro ijigũ ijipihtiyequina masiahdo, ni ño peoahye tiquina.

39 Tiquina sa nigũ tũhoye fariseo masa meheñequinagã tiquina watoa ijiyequina Jesure yahuahye:

—Buhegũ, mũhũ buheyequinare dihta maria dutiya, niahye tiquina.

40 —Mũsare niita niaja. Tiquina sañuducueragũ utã paca pari pehe sañuducuboaga, niahye Jesu fariseo masare.

41 Sa ni tuhasa Jesu Jerusalẽ cahagãpũ esa, ti macare ihñano, utiahye. 42 Ohõ saha niahye tiquiro:

—Jerusalẽ cjãna yojopũ pũritare mũsare pecapũ wahaborinare Cohãcjũ tiquiro yũhdũoatire mũsa masigũ quehnoa yũhdũaboaga. Sa ijiepegũta yojopũre mũsa tire ne tũho duerare. Sa yero Cohãcjũ tire mũsare masi dutierare. 43 Mũsare ihña tuhtiyequina mũsa ijiri macare cahmota sotoa peho quẽheeta. Sa ye, mũsare tiquina wijiã dutisi. 44 Ti pjeta tiquina mũsa ya macare cohã pehoeta. Mũsa gũhũre wejẽeta. Mũsare ihña tuhtiyequina quehnoano cohã pehoeta mũsa ya macare. Cohãcjũ pecapũ wahaborinare mũsare tiquiro yũhdũoatire mũsa masi duerari. Mũsa masi duerari buhiri mũsare ihña tuhtiyequinare Cohãcjũ mũsare cohã dutirota, niahye Jesu Jerusalẽ cjẽnare.

*Cohãcjũ wuhupũ Jesu esahye
(Mt 21.12-17; Mr 11.15-19; Jn 2.13-22)*

⁴⁵ Sa ye Jerusalêpũ esaro, Jesu Cohãcjũ wuhupũ sajãa wahahye. Sa yero apee boro duayequinare ti wuhupũ ijiyequinare boca saro, tiquinare cohã wio cãhye. Ohõ saha niahye tiquinare:

⁴⁶ —Cohãcjũ yere tiquina ojoari pũpũ ohõ saha nine: “Ya wuhũ Cohãcjũ mehna yahuducuri wuhũ wame tirota”, niahye tiquiro yere tiquina ojoari pũpũ. Tiquiro sa niepegũta m̃sa pehe ahri wuhupũ duana, m̃sa basi cahme yaquere m̃sa, niahye Jesu.

⁴⁷ Sa ye decoripe Cohãcjũ wuhupũ Jesu buheahye. Sa ye pahia pũhtoa, judio masare buheyequina, masa pũhtoa gũhũ tiquirore tiquina wejẽatire wacũ macahye. ⁴⁸ Masa ijiptiyequina tiquirore sa tũhoducuye, tiquiro buheyere quehnoano tũho nũnũñequina ijiahye. Tiquina sa quehnoano tũho nũnũgũ Jesure wejẽ duayequina pehe tiquirore tiquina wejẽatire bocaerahye.

20

*Pahia pũhtoa, judio masare buheyequina,
bũcũna gũhũ Jesu mehna cahme tuhtiye niahye
(Mt 21.23-27; Mr 11.27-33)*

¹ Ape deco Cohãcjũ wuhupũ Jesu masare quehnoañe buheyere buhero niahye. Tiquiro sa buhegũ pahia pũhtoa, judio masare buheyequina, bũcũna mehna tiquiro cahapũ wihiye, sinituahye:

² —Yahuya usãre. ¿Dũhsegũ canũre sa yeari mũhũ? ¿Noa mũhare tire sa ye dutiari? niahye tiquina Jesure.

³ Tiquina sa nigũ Jesu yũhtiahye tiquinare:

—Musa pehere sinitu mũhtagũtja. Yahuya yũhũre. ⁴ ¿Ñu masare tiquiro wame yegũ noa boro pehe tiquirore wame ye dutiyari, musa tũhotugũ? ¿O Cohãcjũ dutierayari? ¿O masa pehe dutiyari, musa tũhotugũ? ni sinituahye Jesu tiquinare.

⁵ Tiquiro sa nigũ tiquina pehe tiquina basi ohõ saha niahye:

—¿Dũhse ni yũhtinatari mari? “Cohãcjũ Ñure dutie tiahye”, mari nigũ, “¿Dũhsena Ñure Cohãcjũ dutiepegũta tiquirore tũho duerari musa?” niboaga Jesu marine. Sa yena “Cohãcjũ Ñure dutiye tiahye”, ni yũhti masiedaja mari. ⁶ Ahriquina masa pehe “Potota Ñu Cohãcjũ yere yahu mũhtariquiro ijire”, ni tũhoture tiquina. Sa ni tũhotuye “Ñu tiquiro wame yegũ Cohãcjũ tiquirore dutierahye”, mari nigũ tũhoye marine masa utã paca mehna doqueeta. Sa yena ti gũhũre yũhti masiedaja mari, ni yahuducuahye tiquina basi.

⁷ Sa ni yahuducu tuhasa tiquina Jesure yũhtiahye:

—Ñure wame ye dutiriquirore usã masiedaja, niahye tiquina.

⁸ Tiquina sa nigũ Jesu yũhtiahye:

—Ti pje pũrita yũhũ gũhũ musa sinitu mũhtarire yahueraja mũsare. Ahrire yũhũ yerire dutiriquirore yahueraja mũsare, niahye tiquinare.

Ñañequina dahra cohteyequina queoyere yahuahye Jesu

(Mt 21.33-44; Mr 12.1-11)

9 Sa ye Jesu tiquiro t̄hotuye mehna queoye mehna oh̄o saha ni buhe d̄cahye masare:

—Wese up̄aro ʌhse darire oteahye. Ote tuhasa, ti wesere apequinare ihcā pehe pahma cūahye. Pahma cūno ti wesere tiquinare ihña ihbo dutiahye. Sa duti tuhasa ape yehpap̄a waha, yoari pje bajuerahye. 10 Sa yero ʌhse ñidi pje ijigã wese up̄aro tiquiro cahacj̄nore wesere ihña ihboyequina cahap̄a ohoahye. Wese cj̄e oteri d̄care tiquiro ya pahr̄e cj̄ene ne dutiro ohomahye. Sa ye ihña ihboyequina pehe tiquiro cahacj̄nore piti ca quēahye tiquirore. Sa ye tiquina tiquirore d̄care ohoerapeta tojoa dutiahye. 11 Sa yero wese up̄aro apequiro tiquiro cahacj̄nore ti wese cj̄e oteri d̄care ne dutiro ohomahye tja. Sa ye wesere ihña ihboyequina tiquiro ḡah̄ure quē, ñano yeahye tiquirore. Sa ye tuhasa tiquirore ti d̄care ohoerapeta tojoa dutiahye tja. 12 Tiquina sa yeri bato wese up̄aro apequiro cahacj̄nore ohomahye tja. Sa ye wesere ihña ihboyequina pehe tiquiro ḡah̄ure cami dahre, ti wese d̄ht̄a cahap̄a cohã cāhye tiquirore.

13 Tiquina sa yeri bato wese up̄aro oh̄o saha ni t̄hotumahye: “¿D̄hse yeḡtari ȳh̄u? Oh̄o saha yeḡtja. Ȳh̄u mac̄ure ȳh̄u cah̄niquirore ohoḡtja. Ijirota ijire. Tiquina tiquirore ño peoeta”, ni t̄hotumahye wese up̄aro pehe. 14 Sa ye tiquiro mac̄nore tiquiro ohoriquirore esaḡã ihñañe ihña ihboyequina pehe tiquina basi oh̄o saha ni, yahuducuahye. “Ahriquiro wese up̄aro mac̄no ijire. Tiquirore wej̄ehna. Sa yero ahri wese mari ya wese tojoarota”, nimahye tiquina basi. 15 Sa ni tuhasa wese up̄aro mac̄nore wese

dah̄tu cahap̄a nea, wejē cāhye tiquirore. ¿Tiquina sa yegū ihñano dah̄se yerotari wese up̄aro wesere ihñā ihboyequinare? niah̄ye Jesu.

16 —Ti wesere ihñā ihboyequinare wejēno taro, apequinare wesere ihñā ihbo dutirota, ni yah̄tiahye Jesu tiquiro basi.

Tiquiro sa nigū tahoye masa pehe ohō saha niah̄ye:

—Marine sa wahaeracāhdo, niah̄ye tiquina.

17 Tiquina sa nigū Jesu pehe tiquinare sinituah̄ye:

—¿Cohācjū yere tiquina ojoari pūre ohō saha ni yahuducuye, dah̄se nino niajari, m̄asa tahotugū? Ahriquiro Cristo utā yero saha ijire. Utāre wah̄u dahreyequina tiquina cohāno saha masa tiquirore cohāeta. Tiquina sa yepegūta yojop̄are wah̄u dahreyequina wah̄are yeye tiquina cū m̄ah̄taria utāre tiquina cūno saha Cohācjū tiquirore pah̄toro sōri, ni ojoah̄ye.

18 'Ijipihtiyequina tia utā bui doque queheyequinare m̄ata sitea wahaeta. Sa yero tia utā masano bui bora pjero, m̄ataa wahagū yerota tiquirore. Tiquiro paḡu m̄ananore daye manarigā wahagū yerota, niah̄ye Jesu. (Sa nino tiquirore cahmedariquina, tiquiro buhiri dahreatiquina tiquina ñano yah̄d̄h̄atire yahuro niah̄ye.)

*Pah̄toa ye wapare apeq̄uina sinituah̄ye Jesure
(Mt 21.45-46; 22.15-22; Mr 12.13-17)*

19 Tiquiro sa nigū tahoye judio masare buheyequinina, pah̄ia pah̄toa gūh̄u, “Jesu wesere ihñā ihboyequina queoye mehna marine tuhtiro nine”, ni, tahotuah̄ye tiquina.

Sa ni t̃hotuye tiquina Jesure ñehe duamahye. Sa ñehe duepeta tiquina masare cue niahye. ²⁰ Sa cueye, Jesure tiquina ñeheat̃i pjere cotheadye tiquina. Sa ye “Poto ijiyequina yero saha ye meho ijiya m̃sa”, niahye tiquina apequinare. Tiquiro ñano ni ỹhtig̃a ye duaye nimahye tiquirore yahus̃a duaye. Sa ye Jesure sinitu dutiye ohoahye ni mehoñequinare. Jesu ñano ni yahuducug̃a t̃hoye ti yehpa c̃j̃ena p̃htorore peresu ye dutiye tee nimahye. ²¹ Sa ye tiquina Jesure ni meje c̃u sinituye nimahye:

—Buheg̃a, poto yahuducug̃a, ni mehoñe marieg̃a m̃h̃a ijig̃a us̃a masiaja. Sa yeg̃a ihc̃aquirop̃htoro waro tiquiro ijipeg̃uta tiquiro g̃h̃ure d̃oyaro marieno potota yahure m̃h̃a. M̃h̃a Coh̃aj̃u yere poto m̃h̃a buheg̃a g̃h̃ure us̃a masiaja. ²² Yahuya us̃are. ¿Ne, Roma c̃j̃anore ijipihtiyequina p̃htorore gobierno c̃j̃ene marine wapa yero cahmeajari, m̃h̃a t̃hotug̃u? ¿Mari dutiye wapa ye dutiajari, m̃h̃a t̃hotug̃u? ni sinituahye tiquina Jesure.

²³ Tiquina sa nig̃a t̃horo Jesu tiquina ñano ye duayeres masino, tiquinare ỹhtiahye:

²⁴—Yojop̃are niñeru cjoere p̃htoare wapa yeati cjoere ne c̃htaya. Ti cjoere ihñah̃na, niahye.

Ti cjoere tiquina ne wihig̃a ihñano oh̃o saha niahye Jesu:

—¿Noa boro queoye wahñajari ahri cjoere? ¿Noa boro wame wahñajari? niahye Jesu tiquinare.

—César, masa ijipihtiyequina p̃htoro queoye, tiquiro wame g̃h̃a wahñare, ni ỹhtiahye tiquina.

²⁵ Tiquina sa nig̃a Jesu yahuahye:

—Ti pje pūrta masa ijipihitieuquina pūtoro yere tiquiro pehere ohoya. Cohācjū yere Cohācjū pehere ohoya, niahye Jesu tiquinare.

²⁶ Sa ye masa tiquina ihñonopu Jesure ñano ni yahuducugū ye masiedahye tiquina. Sa ye Jesu yuhtiyere tūhoye, tiquina tūho maria wahahye. Sa tūho maria waha, dihta maria wahahye.

Cohācjū tiquiro masoatire yahuahye Jesu saduceo masare

(Mt 22.23-33; Mr 12.18-27)

²⁷ Sa ye meheñequinagā saduceo masa Jesu cahapu wihiahye. “Cohācjū yariariquinare masosi”, ni tūhotuyequina ijiahye saduceo masa. Sa ye tiquina ohō saha niahye tiquirore:

²⁸ —Buhegū, ohō saha ni buheahye Moise: “Ihcāquiro tiquiro wahmino namo tiriquiro pohna mariedaperota tiquiro yariagū ihñano tiquiro bahurore tiquiro wahmino namono ijiricorore nūoano cahmene. Sa yero tiquiro wahmino mūnano tiquiro pohna tiboriro sahata pohna tiro cahmene tiquiro bahurore. Sa ye tiquiro pohne tiquiro wahmino mūnano pohne yero saha ijietā”, ni, ojoahye Moise, niahye tiquina.

²⁹ Tire ni tuhasa ahri quitire tja yahu nemoahye Jesure:

—Ihcāquiro masūno ijiahye. Seis bahana tiahye. Tiquina wahmino pehe namo ti, pohna mariediquiro yariaa wahahye. ³⁰ Sa yero apequiro tiquiro bahuro gūhū tiquiro wahmino namono ijiricorore nūoahye. Tiquiro sa nūoari bato tiquiro wahmino yero sahata pohna mariedaperota tiquiro gūhū yariaa wahahye. ³¹ Sa

yero ahriquiro bahuro gũhu tiquiro wahmino m̄n̄ano yero sahata pohna mariedaperota yariaa wahahye. Sa dihita wahahye ihcãquiro pohne waro. Ne pohna mariedapeta yaria pih̄tia wahahye. ³² Tiquina namono ijiricoro gũhu tiquina batota yariaa wahahye. ³³ ¿Ne, Cohãcjũ ijipih̄tiyequinare yariariquina m̄n̄are tiquiro masogũ diquiro namono pehe ijiboagari ticoro pototi? Tiquina ijipih̄tiyequina ticorore namo tiriquina m̄na ijiahye. ¿Sa yero diquiro namono pehe ijivotari? ni sinituahye tiquina.

³⁴ Tiquina sa nigũ Jesu yũhtiahye:

—Yojopũ cjẽna omoca dũhtere. ³⁵ Tiquina sa dũhtepegũta apequina pehe topũ cjẽna pehe sa ijierare. Apequina um̄are, numia gũhure poto yeyequinare Cohãcjũ quehnoañequina ijigũ yerota. Tiquina yariari bato masa m̄jaeta. Sa ye tiquina topũ omoca dũhterare. ³⁶ Sa ye tiquina angele yero sahata ne yariasi. Tiquina Cohãcjũ masoriquina ijiye, Cohãcjũ pohne ijire. ³⁷ Yojopũre yariariquina m̄na tiquina masa wijiati pehere m̄sare yahutja. Tire Moise quehnoano yahu pehoahye. Tiquiro mehenugã ujãri quitire ohõ saha ni yahuahye: “Abrahã, Isaac, Jacob tiquina pũhtoro ijire Cohãcjũ,” ni ojoahye Moise. ³⁸ Tiquina yariari bato “Tiquina pũhto ijiaja”, ni yahuahye Cohãcjũ. Sa nieperota yariariquina m̄na pũhtoro ijierare Cohãcjũ. “Tiquina pũhto ijiaja”, tiquiro niñe mehna catiyequina tiquina ijigũ masiaja mari. Tiquiro catiyequina pũhtoro ijire. Ijipih̄tiyequina masa catire, Cohãcjũ ihñagũ, niahye Jesu tiquinare.

³⁹ Tiquiro sa nigũ meheñequinagã judio masare buheyequina ohõ saha niahye:

—Buhegũ, mãhũ quehnoano yãhtiri, niahye tiquina Jesure.

⁴⁰ Sa ye pari turi Jesure sinitu duerahye tiquina.

Cristo pehe Davi mãnano pãhtoro ijire

(Mt 22.41-46; Mr 12.35-37)

⁴¹ Came Jesu ohõ saha ni yahu nemoahye tiquinare:

—“Cristo Davi mãnano panamino iji turiariquiro ijirota”, ni buhere apequina. ¿Dãhse ye tiquina sa ni buheajari? ⁴² Davi mãnano tiquiro basi Salmopũ tiquiro ojoari pũpũ ohõ saha ni, ojoahye:

Cohãcjũ yũhũ pãhtorore ohõ saha nidi: “Ohõpũ yũhũ poto pehepũ dujiya. ⁴³ Sa yegũ mãhũre ihña tuhtiyequinare mãhũre yũhdũdũca basãtja yũhũ”, nidi Cohãcjũ yũhũ pãhtorore, ni, ojoahye Davi mãnano.

⁴⁴ Sa ni ojoaro Davi mãnano Cristore “Yũhũ pãhtoro”, ni pisuahye. Davi mãnano Cristo ñecãno iji turiariquiro ijieperota Cristore “Yũhũ pãhtoro”, ni pisuahye. ¿Davi mãnano Cristo ñecãno iji turiariquiro ijieperota dãhse ijiro boro tiquiro “Yũhũ pãhtoro”, ni pisuyari Cristore? Cristo pehe Davi mãnano pãhtoro ijire, ni yahuahye Jesu.

Judio masare buheyequina tiquina ñãñe yeyere yahuahye Jesu

(Mt 23.1-36; Mr 12.38-40; Lc 11.37-54)

⁴⁵ Masa peyequina Jesure tiquina tãhori watoa Jesu pehe tiquiro buheyequinare ohõ saha ni yahuahye:

46 —Mari judio masare buheyequina tiquina ñaña yeyere ihñana quehnoano wacũ masiña. Sa yena tiquina yero saha yeracãhña. Tiquina yoaye suhti saña, masa tiquina ihñonopu tini, doeri cjê duaropu apequina puhtoare quehnoano ño peo tiquina sinino saha tiquina piti ca sinigũ cahmene tiquina. Sa ye tiquina mari judio masa buheye wuhusepu quehnoañe dujiye dihitare duji duare. Sa ye bose deco ijigũ topu gũhare quehnoañe dujiye dihitare cahmene. 47 Tiquina wape wiha numia ye wuhusere tiquina cuoye gũhare ehmare ti numiare. Sa ye tiquina masa ihñonopu yoari pje Cohãcjũre siniducumene masare ihña dutiye. Tiquina sa yegũ apequina bui cjũno tiquinare Cohãcjũ buhiri dahrerota, niahye Jesu tiquinare.

21

Wape wihoro Cohãcjũ wuhupu ticoro ohorire yahuahye Jesu
(Mr 12.41-44)

1 Sa ni yahu tuhasa Cohãcjũ wuhu cjê niñeru tiquina sãri acarore niñeru opana tiquina ye niñerure duhu sãgũ ihña dujiro niahye Jesu. 2 Sa ihñano wape wihoro pejecuoricoro puha cjoegãre ticoro duhu sãgũ gũhare ihñahye. 3 Tire ihña tuhasa ohõ saha ni yahuahye:

—Potota niita niaja musare. Ahricoro wape wihoro pejecuoricoro pehe niñeru sãri acaropu duhu sãno apequina ijipihtiyequina ohori yuhduoro ohori ticoro pehe. 4 Apequina niñeru opana pajiro tiquina ohoepegũta tiquina ye pajiro dũhsare. Ahricoro pehe pejecuoricoro ijieperota ijipihtiye

ticoro ihyatire ticoro dúborigãre oho pehori, niahye Jesu.

—*Cohãcjũ wuhũ cohõri wuhũ jirota, niahye Jesu*
(Mt 24.1-2; Mr 13.1-2)

⁵ Sa ye apequina Cohãcjũ wuhũre ohõ saha niahye:

—Quehnoañe utã paca mehna yeri wuhũ, quehnoa yuhũari wuhũ ijicjoare. Masa Cohãcjũ ya wuhũ ijiatire tiquina oho gũhũ ti wuhũpũre quehnoano cũri jire, ni, yahuducuye niahye.

Tiquina sa nigũ Jesu yahuahye tiquinare:

⁶—Ahri ijipihtiye mari ihñari wuhũsere, ahri utã paca gũhũre cohã pehoeta. Ne ihcãria utã tojoasi, niahye Jesu tiquinare.

—*Pihtiati deco ijiatire yahuahye Jesu*
(Mt 24.3-28; Mr 13.3-23)

⁷ Tiquiro sa nigũ tũhoye tiquina pehe sinituahye tiquiore:

—¿Buhegu, dũhse ijigũ mũhũ nidiro saha sa waha harotari? ¿Pihtiati deco panogã ijigũ dũhse ti waha dũcagũ ihñanitari usã? ni sinituahye tiquina Jesure.

⁸ Jesu yũhtiahye tiquinare:

—Quehnoano yeya mũsa. Sa yena mũsare apequina tiquina ni mehoñene tũhoeracãhña. Peyequina masa “Cristo ijiaja yuhũ”, ni mehoñequina ahtaeta. Sa niñe, “Yojopũre pihtiati deco ijiatito mehenogã dũhsare”, nieta. Tiquina sa nigũ tũhoeracãhña. ⁹ Sa ye apequina “Cahme wejẽñe nine”, mũsare nieta. “Yojopũre pũhtoare masa cohãñe nine”, nieta. Mũsa tire tũhona cueracãhña. Pihtiati deco pano ohõ saha waha mũhtanota. Sa

wahagũ pihtiati deco wahato duhsarĩnota, niahye Jesu.

¹⁰ Sa ni tuhasa ohõ saha ni yahu nemoahye:

—Ihcã yehpa cjẽna ape yehpa cjẽna mehna cahme wejẽeta. ¹¹ Sa yero tutuaro yehpa ñuhmi, masa peyequina m̄j̄na mehna yaria, ijipihtiro cjẽna dohatieta. Sa ye uhm̄se cjẽ cua pesaye bajuagũ ihñañe, masa ihña maria wahaeta.

¹² 'Ahri ijipihtiye sa wahato pano, apequina m̄sare ñehe, ñano yeeta. Sa ye mari judio masa buheye wuh̄sepu tiquina m̄sare yahusã, peresu yeeta m̄sare. Tiquina sa yegũ peye yehpari cjẽna puhtoah̄ cahapu, peye macari cjẽna puhtoah̄ cahapu ducunata m̄sa tiquina yahusãnohrina. Yeequina m̄sa ijiri buhiri sa yeeta. ¹³ Tiquina sa yahusãgũ m̄sa pehe quehnoañe buheyere tiquinare yahunata. ¹⁴ Ti pjere m̄sare tiquina yahusãgũ puhtorore m̄sa yuhtiatire “Yahu masiedaboaga”, ni tuhotueracãhña m̄sa. ¹⁵ Yuh̄ m̄sare yahu basautja. M̄sare sa yedohogu tuho masiñene, quehnoañe yahuducuye gũh̄re m̄sare yahugũ yeitja. M̄sa sa yegũ m̄sare ihña tuhtiequina pehe m̄sa yahuducuyere tuho, “Ti poto ijierare”, ni, yuhti masisi. ¹⁶ Ti pjere m̄sa pacusum̄na, m̄sa bahana, m̄sa acaye, m̄sa mehna cjẽna gũh̄ m̄sare ihña tuhtiequinare ohoeta m̄sare, yeequina m̄sa ijiri buhiri. Tiquina sa yegũ m̄sare ihña tuhtiequina m̄sa mehna cjẽnare apequinare wejẽeta. ¹⁷ Sa ye yeequina m̄sa ijigũ ihñañe, ijipihtiequina m̄sare ihña tuhtieta. ¹⁸ M̄sare sa ihña tuhtiepeta ne mehenogã m̄sare ñano yesi. ¹⁹ Sa yena m̄sa wacũ tutuana ijiya. M̄sa sa yena, Cohãcjũ mehna sa ijiducunata.

20 'Sa ye peyequina surara Jerusalēꝑꝰ tiquina cahmota sotoa peho cāgũ ihñaña, Jerusalēne tiquina cohāto mehenogā dũhsagũ masinata mũsa. 21 Ti sa wahagũ ihñaña Judea yehpapꝰ ijiyequina cꝰnꝰ cꝰꝰ cahapꝰ oma duhtiahero. Sa ye Jerusalēꝑꝰ ijiyequina wahaahro. Sa ye weseripꝰ ijiyequina Jerusalēꝑꝰ tojoeracāhdo sojaro mehna tiquina wahato pehe. 22 Ti decoripꝰ buhiri dahreye decoripꝰ ijipihtiye Cohācjũ tiquiro ojoari pũ tiquiro nidiro sahata sa waharota. 23 Ijipihropꝰ ahri yehpapꝰ ñano yũhdũeta. Ti sa wahagũ, niji wahcõña numia, tiquina pohnene apũña numia gũhꝰ pejecũoro wahaeta. 24 Apequina ahri maca cjēna mehna cahme wejēeta. Sa ye apequina ahri maca cjēnare ijipihtiye yehparipꝰ ne cã, peresu yeeta. Sa ye judio masa ijieyequina Jerusalēne ñano ye, tiquinare yũhdũũcaeta. Judio masa ijieyequina ya deco pihtigũꝑꝰ Jerusalē cjēnare ñano ye duhueta, ni yahuahye Jesu.

*Jesu ahri yehpapꝰ tiquiro tojoa tatire yahuahye
(Mt 24.29-35, 42-44; Mr 13.24-37)*

25 Sa yero tiquinare yahu nemoahye:

—Ti pjere asũ deco cjũno, ñami cjũno, ñahpicoha gũhꝰ sijoro saha ijiyequina wahaeta. Ijipihtiyequina ahri yehpa cjēna “Acuehi, yarianata”, ni tũhotuyequina pajiri ma cjē pahcõri cua yũhdũaro ti pahcõri bisi cãhtagũ tũhoye tutuaro cueeta. 26 Ti pjere uhmũse cjē yehpari, ñahpicoha gũhꝰ ti sa wahaducurore comesaeta. Sa ye ñuhmieta. Ti sa wahagũ ihñaña, masa pehe ahri yehpa pihtiatire cohteye, tutuaro cueeta. 27 Ti pjeta yũhꝰ masũ

Cohãcjũ ohorigu Cohãcjũ tutuaye mehna tiquireo asi siteye mehna ehmeo curua buipũ yũhũ ahtagũ ihñaeta masa. ²⁸ Ahri sa waha ducagũ ihñana, wacũ tutuana ijiya. Sa yena uhmũserũ ihñaña. Ti pjere Cohãcjũ mũsare pecarũ wahaborinare tiquireo yũhdũoato mehenogã dũhsarota, niahye Jesu.

²⁹ Sa ni tuhasa ahri queoye mehna buheahye Jesu:

—Higueragũre, apeye cjũ gũhũre tũhotuya mũsa.

³⁰ Tũ yucũgũ pũri tigũ ihñana, cũhma mehenogã dũhsagũ masine mũsa. ³¹ Sata ahri ijipihtiye yũhũ nidire ti sa wahagũ ihñana, Cohãcjũ tiquireo pũhtoro ijiati pje mehenogã dũhsagũ masinata mũsa.

³² Mũsare poto niita niaja. Ti pje cjẽna tiquina yariato pano ijipihtiye yũhũ nidiro sahata sa waharota. ³³ Uhmũse, ahri yehpa gũhũ pihtia waharota. Yũhũ yahuducuye pehe ne comesasi. Ijipihtiye yũhũ nidiro sahata sa waha sohtori tirota.

³⁴ Yũhũ tojoa tati decore ne masiedare mũsa. Sa yena quehnoano yeya. Bose decorire queheye decorire yeducueracãhña. Sa yena queheracãhña. Ahri yehpa cjẽne pajiro tũhotueracãhña. Mũsa yũhũ nidiro sahata yena, wacũeno mehna ahri yehparũ yũhũ ahtagũ mũsa ne acuasì. ³⁵ Wahiquirore yuri da wacũeno mehna ti da tũã suharo saha wacũeno mehna ahtaũtja yũhũ. Ijipihtiyequina ahri yehpa cjẽna tiquina masiedi watoa ti deco wacũeno mehna sa waharota. ³⁶ Quehnoano wacũ masi cohteya. Sa yena Cohãcjũre ahrire sa siniducuya: “Ahri pihtiatì decore sa wahagũ yũhũre yedohoya.

Tutuayere ohoya yãhure ahrire quehnoano yãhũ yãhdãtãre. Sa yegũ Cristore mãhũ ohoriquirore cuero marieno yãhure piti cagũ yeya”, ni, siniña Cohãcjũre, niahye Jesu.

³⁷ Sa ye ti decorire Cohãcjũ wãhãpũ Jesu buhee tiahye. Ñaminipe buhe tuhasaro Olivo wame tidũ cãnãpũ waha, topũ iji bohreaye tiahye.

³⁸ Bohreayere tahari ijipihtiyequina masa Cohãcjũ wãhãpũ tiquirore tãhoye wahae tiahye.

22

Pahia pãhtoa, judio masare buheyequina mehna wejẽ duahe Jesure

(Mt 26.1-5, 14-16; Mr 14.1-2, 10-11; Jn 11.45-53)

¹ Sa ye ti pjere pugũ yeye moremehneñe pãre tiquina ihyati bose deco mehenogã dãhsahye. Ti bose deco pascua wame tiahye. ² Sa ye pahia pãhtoa, judio masare buheyequina mehna Jesure wejẽ duaye, tiquina wejẽatire wacũ macãhye. Jesure wejẽ duepeta, masa pehere cueahye, “Usuari”, niñe.

³ Sa ye watĩno Juda Iscariotere ñano tiquiro ye dutigũ Juda pehe yãhtiahye tiquirore. Juda doce buheyequina mehna cjũno ijimahye. ⁴ Sa yero tiquiro pahia pãhtoare, Cohãcjũ wãhũ cjẽna surara pãhtoa mehna gãhure yahuro wahahye. Tiquina cahãpũ esa, tiquinare Jesure tiquiro ihñõatire yahuahye tiquinare. ⁵ Tiquiro sa nigũ tãhoye, tiquina bucue, “Mãhure niñerure wapa yenatja”, niahye tiquina Judare. ⁶ Tiquina sa nigũ Juda “Aũ, tiquirore mãsare ihñõoutja”, ni, masa tiquina

ihñeno watoa Jesure ihña tuhtiyequinare tiquiro ihñoati ñamine cohtero niahye.

Jesu buheyequina mehna tiquiro ihya bato tiati deco ijiahye

(Mt 26.17-29; Mr 14.12-25; Jn 13.21-30; 1 Co 11.23-26)

⁷ Pugã yeye moremehneñe pãre ihyati bose deco iji ducari deco ijiahye. Sa yero pascua cjẽ ijiatire ovejare tiquina ihyatiquinare tiquina wejẽdi deco ijiahye. ⁸ Ti pjeta Pedrore, Ñu gũhure Jesu yahuahye:

—Bose decopũ mari ihyatire quehnona wahaya, niahye Jesu tiquinare.

⁹ —¿Noho boropũ mari ihyatire quehnoyu dutigũ ohoajari mũhũ usãre? ni sinituahye tiquina tiquirore.

¹⁰ Tiquina sa nigũ Jesu yũhtiahye:

—Jerusalẽpũ mũsa esagũ aco sutu wũariquiro mũsare piti carota. Tiquiro piti cagũ tiquiro mehna wahaya. ¹¹ Sa wahana tiquiro siho sajãri wũhũpũ esana wũhũ upũrore ohõ saha ni yahuya. “¿Nohopũ yũhũ buheyequina mehna pascua cjẽ ihyayere ihyanatari?” nidi buheriquiro”, niña wũhũ upũrore. ¹² Mũsa sa nigũ tũhoro uhmũano cjã tucũre pajiri tucũre mari cahmeñe mehna tiquina quehñori tucũre ihñonota wũhũ upũro. Topũ mari ihyatire dahreya mũsa, niahye Jesu tiquinare.

¹³ Tiquiro sa nigũ tiquina ti macapũ wahahye. Topũ tiquina esagũ tiquinare tiquiro nidiro sahata wahahye. Sa ye tiquina pascua cjẽ ihyatire dahreahye.

14 Ihyari pje ijigũ Jesu doce tiquiro buheyequina mehna ihya dujiahye. 15-16 Topm ihyaropm dujiro Jesu tiquinare yahuahye:

—Mũsare niita niaja. Ahri pascua bose decore mari dahreaja Cohãcjũ tiquiro yequinare tiquiro yũhdũotire wacũna. Came Cohãcjũ tiquiro pũhtoro ijiropm tiquiro yequinare yũhdũo tuhasarota. Tiquiro sa yũhdũoato pano ahri deco cjẽne pari turi ihyasi yũhm. Sa yegm yojopmre yũhm ñano yũhdũato pano ahri pascua cjẽ ihyayere mũsa mehna tutuaro ihya duahti yũhm, niahye Jesu.

17-18 Sa ninota Jesu sihnidi pare ne, Cohãcjũre “Quehnoare”, ni sini, tiquinare yahuahye:

—Mũsare niita niaja. Cohãcjũ ijiptiyequina pũhtoro tiquiro ijiato pano ahri vinore ne pari turi sihnisi yũhm. Sa yena ahri vinore ne, mũsa basi iti sihniña, niahye Jesu.

19 Sa ni tuhasa pãre ne, Cohãcjũre “Quehnoare”, niahye. Sa yero tiare nuha, itiahye tiquinare. Tiare itiro, tiquinare yahuahye:

—Ahri yũhm pagm ijire. Yũhm pagm yũhmre ihña tuhtiyequinare tiquina ohori pagm ijirota mũsare yũhm yũhdũoati. Sa yena yũhmre mũsa wacũatire ahrire ihyaya, niahye Jesu.

20 Sa ihya tuhasa sata tiquiro tiquinare sihnidi pa gũhmre ohoahye. Sa ohoro, tiquinare yahuahye:

—Mũsa ñañe yeyere cohãgm tagm yariũtja. Sa yegm yũhm diire cohãũtja. Cohãcjũ “Mũsare yũhdũoutja”, tiquiro niديو esa tuhagũ yũhm yariaro mehna tiquiro niديو sohtori tirota.

21 ’Yojopmre tuhoya mũsa. Yũhmre ihña tuhtiyequinare yũhmre ihñaotiquiro yojopmre yũhm mehna

ohõ dujire. ²² Cohãcjũ tiquiro dutiriro sahata yũhũ masũ Cohãcjũ ohorigũ yariũtja. Tiquiro sa yaria dutiepegũta yũhũre ihña tuhtiequinare ihñoatiquiro pũrita ña yũhdũaro yũhdũrota, niahye Jesu tiquinare.

²³ Tiquiro sa nigũ tiquina pehe tiquina basi ohõ saha ni sinituahye:

—¿Jesure ihña tuhtiequinare ihñoatiquiro mari mehna cjãno diquiro boro ijiagari? ni, yahuducuahye tiquina basi.

—¿Mari mehna cjãno diquiro pehe ijiagari pũhtoro? ni yahuducuahye Jesu buheyequina tiquina basi

²⁴ Came Jesu buheyequina ohõ saha ni yahuducuahye:

—¿Mari mehna cjãno diquiro pehe ijiagari pũhtoro? ni yahuducuahye tiquina basi.

²⁵ Tiquina sa ni yahuducugũ tũhoro Jesu tiquinare yahuahye:

—Cohãcjũre cahmeeñequina pũtoa pehe tiquina masare dutiye, purĩno mehna dutire. Sa ye pũtoare “Tiquina masare yedohoyequina ijire”, nimene apequina masa tiquinare. ²⁶ Mũsa pehe sa yesi mũsa basi. Mũsa mehna cjũno mũsa wahmi pehere tiquiro bahũro yero saha ijiro cahmene. Mũsa mehna cjũno pũhtoro iji duaro cahacjũno yero saha ijiro cahmene tiquirore.

²⁷ ¿Diquiro ijiagari pũhtoro? ¿Ihya dujiriquiro pehe pũhtoro ijiagari? ¿O ihyayere itiriquiro pehe pũhtoro ijiagari? Ihya dujiriquirota ijiaga pũhtoro. Tiquiro sa ijiepegũta yũhũ pehe cahacjũno yero saha mũsare yedohogũ ahtaũ.

28 'Masa yuhure tiquina ñano yepegũta m̄sa pehe yuhure duhuerare. 29 Sa yeḡu yuh̄u Pac̄u yuhure tiquiro puhtoro s̄riro sahata m̄sa ḡuhure puhtoa s̄ogut̄ja yuh̄u. 30 Yuh̄u puhto yuh̄u ijigũ yuh̄u ihyari mesap̄u m̄sa ḡuh̄u ihya, sihninata. Sa yena m̄sa puhtoa dujiyere dujinata. M̄sa top̄u dujina Israe masare doce cururi cj̄enare besenata m̄sa ñañequinare, quehnoañequinare, niahye Jesu tiquiro buheyequinare.

*Pedro Jesure tiquiro coh̄tire yahuahye Jesu
(Mt 26.31-35; Mr 14.27-31; Jn 13.36-38)*

31 Sa ni tuhasa Pedrore Jesu oh̄o saha ni yahuahye:

—Simo Pedro yuhure t̄hoya. M̄sare ijipihtinare wat̄no yuhure coh̄gũ ye duare. Trigo wese cj̄ano trigore tiquiro wej̄e site coh̄riro sahata m̄sare ijipihtinare wat̄no ñano ye duare. Sa ye duaro, Coh̄cj̄ure sinidi. 32 Tiquiro sa sinigũ ih̄nagũ yuh̄u pehe Coh̄cj̄ure sini basap̄u m̄uhure. Yuhure m̄uh̄u wacũ tutua duhueratire sini basap̄u m̄uhure. Sa yeḡu m̄uh̄u yuh̄u mehna cj̄ũ pari turi ijiḡu yeequinare yedohoya m̄uh̄u, yuhure tiquina wacũ tutua nemoati, niahye Jesu Pedrore.

33 Tiquiro sa nigũ Pedro yuh̄tiahye:

—Puhto, yuhure tiquina peresu yepegũta, yuhure tiquina wej̄e duepegũta m̄uh̄u mehna cj̄ũ ij̄iit̄ja, niahye Pedro.

34 Jesu yuh̄tiahye:

—Pedro, m̄uhure niita niaja. Mia ñami canaca tiquiro yahuato pano “Jesure masiedaja”, niḡuta m̄uh̄u apequinare. Ihtia taha sa niḡuta m̄uh̄u, niahye Jesu Pedrore.

Jesure tiquina ñano ye dꝛcato mehenogã dꝛhsahye

³⁵ Sa ni tuhasa Jesu tiquiro buheyequinare yahuahye:

—¿Sohõ ijiri pje niñeru ajuro mariena, pajiri ajuro mariena, dahpo suhti mariena mꝛsare yꝛhꝛ ohogã apee boro dꝛhsari mꝛsare? ni sinituahye Jesu.

—Ne usãre yabe dꝛhsaerari, ni yꝛhtiahye tiquina.

³⁶ —Ti pjere mꝛsare dꝛhsaerapegãta yojopꝛ pehere niñeru ajurore cꝛona tire neña. Pajiri ajurore cꝛona gũhꝛ neña. Sa yena mꝛsare ñoseni pjĩ mariedagũ mꝛsa suhtire duana ti pjĩne dúya.

³⁷ Ahrire mꝛsare nii niaja. Cohãcjũ yere tiquina ojoari pũpꝛ tiquina nidiro sahata yꝛhꝛre sa waharo cahmene. Ohõ saha niahye ti pũpꝛ: “‘Tiquiro dutiyere yꝛhdꝛdꝛcayequina mehna cjãno ijire’, nieta masa”, ni, ojoahye, niahye Jesu.

³⁸ —Ihñaña pꝛhto. Pꝛa pjĩ ñoseñe pjĩnine cꝛoaja usã, niahye tiquiro buheyequina.

—To punota ijire, ni yꝛhtiahye Jesu.

Getsemaní wame tiri wesepꝛ Jesu Cohãcjũre sini-ahye

(Mt 26.36-46; Mr 14.32-42)

³⁹ Sa ye Jesu tiquiro sa yeducuro sahata Olivo wame tidꝛ cꝛnꝛpꝛ wahahye. Tiquiro sa wahagũ tiquiro buheyequina tiquiro mehna wahahye.

⁴⁰ Topꝛ esaro tiquiro tiquinare yahuahye:

—Cohãcjũre siniña mꝛsa ñano yeratire, niahye Jesu tiquinare.

⁴¹ Sa ni tuhasa tiqairo dihita mehenogã waha nemo, ðusepe curi mehna quehe sa, Cohãcjüre siniahye:

⁴² —Mai, yuhũ ñano yuhũatire ye dueragũ yeracãhña. Yuhũ sa niepegũta yuhũ cahmeñe pehere yeracãhña. Mũhũ pehe masine. Mũhũ cahmeno saha yeya yuhũre, ni siniahye Jesu Cohãcjüre.

⁴³ Tiquiro sa sinigũ ãhmũsepũ ahtariquiro angel Jesure bajua, yedohoahye tiquirore. ⁴⁴ Sa yero Jesu ñano jeripohna ti, tutuaro mehna Cohãcjüre siniahye. Sa yero tiquiro asi ti cuhsaye dii pjeri yero saha tiquirore wijia, yehpapũ bora quehe sahye.

⁴⁵ Cohãcjüre sini bato ti, wahcãdũca sa, tiquiro buheyequina cahapũ wihiahye. Tiquiro wihigũ tiquiro buheyequina tutuaro bujũa witiyequina ijiye, carĩne niahye. ⁴⁶ Sa yero Jesu tiquinare ohõ saha ni yahuahye:

—¿Dũhsena carĩajari mũsa? Wahcãña. Cohãcjüre siniña mũsa, “Ñano yeari”, nina, niahye Jesu tiquinare.

Jesure ihña tuhtiyequina tiquirore peresu yeahye

(Mt 26.47-56; Mr 14.43-50; Jn 18.2-11)

⁴⁷ Tiquiro sa ni yahuducuri watoa masa peyequina wihiahye. Juda doce buheyequina mehna cjũno ijimediquiro masare ãhmũ tã cãhtariquiro ijiahye. Sa yero tiquiro Jesu cahapũ wihi, wahsupu ihmiahye tiquirore. ⁴⁸ Tiquiro sa ihmigũ Jesu tiquirore sinituahye:

—¿Juda, yũhũ masũre Cohãcjũ ohorigure yũhũre ihña tuhtiyequinare ihñogũ yũhũre wahsupu ihmiñe mehna sa yeajari mũhũ? niahye Jesu.

⁴⁹ Tiquiro sa nidi bato Jesu buheyequina masa Jesure tiquina ñeheatire masiñe, tiquirore sinituahye:

—¿Pũhto, usã ñoseñe pjĩni mehna tiquina mehna cahmequema? niahye tiquina.

⁵⁰ Tiquina sa nidi bato ihcãquiro Jesu buheyequina mehna cjũno pehe pahia pũhtoro cahacjũnore tiquiro ñoseni pjĩ mehna tiquiro cahmonore poto pehe ijiri cahmonore dũte pahrẽ cãhye. ⁵¹ Tiquiro sa yegũ ihñano Jesu tiquirore ohõ saha niahye:

—Sa yeracãhña, niahye.

Ni, cahacjũno cahmono ijiriropũ ña ohõahye. Tiquiro ña ohõgũta cahmono mũnano sahata ijiahye tja. ⁵² Sa ye tuhasa pahia pũhtoare Cohãcjũ wũhũ cjẽna surara pũhtoare, bũcũna gũhũre tiquirore ñeheñe ahtariquinare Jesu sinituahye:

—¿Dũhse ijiro boro mũsa ñoseñe pjĩni, yucũ tiãri mehna yaqueriquirore tiquina yeriro saha mũsa yũhũre ñehena ahtajari? ⁵³ Decoripe Cohãcjũ wũhũpũ mũsa mehna yũhũ ijigũ, mũsa yũhũre ñehedari. Sa ijiepegũta yojopũre mũsa ya deco yũhũre mũsa ñano yeati deco ijire. Yojopũ watĩno tiquiro ñano yeati deco gũhũ ijire, niahye Jesu.

—*Tiquirore masiedaja, niahye Pedro Jesure (Mt 26.57-58, 69-75; Mr 14.53-54, 66-72; Jn 18.12-18, 25-27)*

⁵⁴ Tiquina Jesure ñehe tuhasa pahia pũhtoro ya wũhũpũ neahye tiquina tiquirore. Tiquina topũ

neagũ Pedro yoropũ tiquinare ihña nũnũ tãhye. ⁵⁵ Pũhoro ya wũhũpũ esa, topũ wũhũ cahapũ ijiri paarpũ, quehnoari paa decopũ peca wijiãhye apequina. Tiquina wijiãgũ ihñano Pedro peca cahapũ dujiyequina mehna dujiahye. ⁵⁶ Tiquiro dujiri bato ihcãcoro cahacjõno tiquirore quehnoano ihña, apequinare ohõ saha ni yahuahye:

—Ahriquiro gũhũ tiquiro mehna ijiri, niahye ticoro.

⁵⁷ Ticoro sa nigũ tũhoro Pedro yũhtiahye:

—Numio, tiquirore ne masiedaja yũhũ, nimahye tiquiro.

⁵⁸ Came cjũnogã apequiro Pedrore ihña, ohõ saha ni yahuahye:

—Mũhũ gũhũ tiquina mehna cjũ ijire, niahye tiquiro.

—Ne ijieraja, nimahye Pedro.

⁵⁹ Ihcã hora bato apequiro apequinare ohõ saha ni yahuahye:

—Ijirota ijire. Ahriquiro Galilea cjũno ijire. Sa yero potota Jesu mehna ijiri ahriquiro gũhũ, niahye tiquiro apequinare.

⁶⁰ Tiquiro sa nigũ Pedro yũhtiahye:

—Ne, mũhũ nidiquirore masiedaja yũhũ, ni yũhtiahye Pedro.

Tiquiro sa ni yahuducuri watoa canaca yahuahye. ⁶¹ Tiquiro yahugũta Jesu wũhũ cahapũ ijiriquiro Pedrore majare ihñadoqueoahye. Tiquiro sa yegũ Pedro pehe Jesu tiquiro nidire wacũahye. “Mia ñami canaca tiquiro yahuato pano, ‘Yũhũ Jesure masiedaja’, nigũta mũhũ. Ihtia taha sa nigũta mũhũ”, Jesu tiquiro nidire wacũahye Pedro.

⁶² Sa wacũno Pedro topũ wijia ta, tutuaro utiahye.

Jesure bujape, quēahye tiquina
(Mt 26.67-68; Mr 14.65)

⁶³ Sa ye Jesure cohteyequina surara tiquiore bujape, quēpeahye. ⁶⁴ Sa quēpeye, tiquiore caperire dūhte cahmota, tiquiore sinituahye:

—¿Diquiro mūhare quēari? Ihñedapegata yahuya ūsāre, ni sinitupeahye tiquina.

⁶⁵ Sa ye peye ñano ni yahuducuahye tiquina tiquiore.

Jesure pūhtoa sinituahye
(Mt 26.59-66; Mr 14.55-64; Jn 18.19-24)

⁶⁶ Bohrearopu judio masa bucuna, pahia pūhtoa, judio masare buheyequina gūhu cahmecoahye. Tiquina sa cahmecoanopu arequina tiquina cahapu Jesure ne cāhtahye.

⁶⁷ —Yahuya ūsāre. ¿Cristota ijiajari mūhu? ni sinituahye tiquina Jesure.

Tiquina sa nigū Jesu yūhtiahye:

—Mūsare yūhu yahugū, yūhare tūhosi mūsa.

⁶⁸ Mūsare yūhu sinitugū yūhare yūhtisi mūsa. Sa yena yūhare wiosi mūsa. ⁶⁹ Mūsa wioerapegūta came cjūnogā ijipihtiye decori yūhu masu Cohācjū ohorigu Cohācjū tutuariquiore tiquiore poto peheru dujigtja, niahye Jesu.

⁷⁰ Tiquiore sa nigū tiquina ijipihtiyequina sinituahye tja pari turi:

—¿Sa nigu Cohācjū macuta ijiajari mūhu? niahye tiquina.

—Mūsa nino sahata ijiaja, ni yūhtiahye Jesu tiquinare.

⁷¹ Tiquiore sa nigū tiquina ohō saha ni yahuducuahye tiquina basi:

—Ahriquiroy Cohãcjũre pajiro tiquiro ñano yahuducugũ mari basi tũhou. Sa ye topequinata yahusãahdo ahriquiroy, niahye tiquina basi.

23

Pilato Jesure sinituahye

(Mt 27.1-2, 11-14; Mr 15.1-5; Jn 18.28-38)

¹ Sa ni tuhasa tiquina ijipihtiyequina wahcãdũca, Jesure Pilato cahapũ neahye. ² Ne esa, Jesure yahusã dũcahye:

—Ahriquiroy mari ya yehpa cjẽnare tiquiro ñano ye dutigũ usã tũhou. Mari pũtorore ahriquiroy wapa ye dutierare. Sa yero tiquiro “Pũhto ijiaja. Cristo masare yũhdũoacjũ ijiaja yũhũ”, ni yahuducure tiquiro basi, ni yahusãhye tiquina Jesure.

³ Tiquina sa ni yahusãri bato Pilato Jesure sinituahye:

—¿Judio masa pũhtota ijiajari mũhũ? niahye tiquiro Jesure.

—Mũhũ nino sahata ijiaja, ni yũhtiahye Jesu.

⁴ Tiquiro sa nigũ Pilato pahia pũhtoare, masa gũhũre yahuahye:

—Ahriquiroy buhiri mariedare, niahye tiquiro.

⁵ Tiquiro sa niepegũta tiquina tutuaro yahusã nemoahye:

—Tiquiro buheye mehna masare cahmequegũ yere. Galilea yehpapũ tiquiro tire ye dũcari. Sa ye dũca tuhasa ijipihtiro Judea yehpapũ tire tiquiro yere. Sa yero yojopũ ohõpũ gũhũre tire yero taro nine, ni, yahusãhye tiquina.

Herode Jesure sinituahye

⁶ Tiquina sa ni yahusãgũ tũhoro Pilato pehe sinituahye:

—¿Ahriquiro Galilea cjũno ijiajari? niahye tiquiro.

⁷—To cjũnota ijire, ni yũhtiahye apequina.

Tiquina sa ni yũhtigũ tũhoro Pilato pehe Jesu tiquiro ijiri yehpare masino pũhtoro Herode ya yehpa cjũno Jesu tiquiro ijigũ masiahye. Tire masino Jesure Herode cahapũ ohoahye. Ti pjere Herode Jerusalẽpũ ijiahye. ⁸ To pano Herode Jesure tũho tuhasahye. Tiquiro sa tũhori bato yoari bato tiquirore ihũa duahye. Jesu Cohãcjũ tutuaye mehna tiquiro ye ihũogũ ihũa duamahye tiquiro. Sa yero tiquiro Jesure ihũano, bucueahye.

⁹ Sa yero peye tahari sinituahye Jesure. Tiquiro sa sinituepegũta Jesu ne yũhtierahye tiquirore.

¹⁰ Pahia pũhto, judio masare buheyequina gũhũ Herode cahapũ esa, tutuaro Jesure yahusãhye.

¹¹ Tiquina yahusãri bato, Herode tiquiro yequina surara mehna bũjũpe, Jesure ñano yeahye. Sa bũjũpeye, quehnoari suhtirore pũhtoro tiquiro sañari suhtiro yero saha bajuri suhtirore sãahye tiquina Jesure. Sa bũjũpe tuhasa, tiquirore Pilato cahapũ ohoahye tja. ¹² Ti decore Herode, Pilato mehna quehnoano tiquina basi cahme yeyequina iji dũcahye. To panore tiquina basi cahme ihũa tuhtiequina ijinimahye.

Masa Jesure wejẽ dutiahye

(Mt 27.15-26; Mr 15.6-15; Jn 18.39–19.16)

¹³ Sa ye Pilato pahia pũhtoare, apequina pũhtoare, masa gũhare tiquiro pijiogũ,

cahmecoahye. ¹⁴ Tiquina cahmecoa pihtigũ ihñano ohõ saha niahye Pilato tiquinare:

—Ahriquiore yuhare ne cãhtana, “Tiquiro masare ñano ye dutiri”, nimesi m̄sa yuhare. Yojop̄ m̄sa ihñonop̄ ahriquiore quehnoano sinitu pehou tja. Yuh̄ sa sinituri bato m̄sa tiquirore sa yahusãducugũ tiquirore ñañe buhiri ne mariedare, yuh̄ ihñagũ. ¹⁵ Herode gũh̄ tiquirore “Ne, ñañe buhiri mariedare”, nidi. Sa nino ahriquiore pari turi usãre oho majare tojore tja. Sa yena ahriquiore tiquiro ñañe buhiri mariedagũ tiquirore m̄sa wejẽ duti masiedare. ¹⁶ Sa yeḡ tiquirore yuta dari mehna tana dutiitja yuh̄. Sa tiquina tanari bato tiquirore wioutja, nimahye Pilato masare.

[¹⁷ Cuhmaripe pascua bose decorire masa yaquiro ijiatiquirore ihcãquiro peresup̄ ijiriquirore Pilato wio basaducue tiahye.] ¹⁸ Sa ye Pilato “Jesure wioutja”, tiquiro nigũ tãhoye ijipihtiyequina masa ohõ saha ni sañuducuahye:

—Tiquirore Jesure wejẽña. Barrabá pehere usãre wio basaya, ni sañuducuahye masa.

¹⁹ To pano Barrabá pehere Jerusalẽp̄ pũhtoare tiquiro cohã dutiri buhiri, masare tiquiro cahmeque dutiri buhiri, tiquiro wejẽdi buhiri, peresu yeahye tiquirore. Sa ye camer̄are tiquirore masa wio dutiye niahye. ²⁰ Pilato Jesu pehere wio duamahye. Sa yero tiquiro masare sinituahye tja. ²¹ Tiquiro sa wio duepegãta tiquina tiquirore niahye tja:

—Curusap̄ quẽ biha wejẽña tiquirore. Wejẽña tiquirore, ni sañuducuahye tiquina.

²² Tiquina sa nigũ Pilato ihtia taha waro ohõ saha nimahye tiquinare:

—¿Yabere ñano yeri tiquiro m̄usa sa ni sañuducugũ? Ne tiquirore ñañe buhiri mariedare. Sa yeḡu tiquirore wejẽ duti masiedaja. Tiquirore yuta dari mehna tana dutiitja. To punota ye dutiitja. Sa yeḡu wioutja tiquirore, nimahye Pilato.

²³ Tiquiro sa niepegũta tiquina tutuaro mehna sañuducu nemo, Jesure curusap̄u wejẽ dutiahye. Tiquina sa ni sañuducugũ tũhoro tiquina cahmediro sahata Pilato yeahye. ²⁴ Sa yero tiquina sinidiro sahata Pilato Jesure wejẽ dutiahye. ²⁵ Sa dutiro tiquiro peresup̄u ijiriquirore masare cahmequegũ yeriquirore, masare wejẽdiquirore masa tiquina sinidiro sahata Pilato Barrabá pehere wioahye. Sa yero Pilato Jesure curusap̄u wejẽ dutiahye.

*Tiquina Jesure curusap̄u quẽ biha wejẽahye
(Mt 27.32-44; Mr 15.21-32; Jn 19.17-27)*

²⁶ Sa ye tiquina Jesure wejẽñe wahaye, neahye. Ti pje tiquina sa yeri watoa Simo wame tiriquire Cirene c̄ũno ihquẽ w̄h̄use ijirop̄u esariquire to-joa taro niahye. Jerusalẽp̄u tiquiro wihigũ ihñañe Jesure neañequina tiquirore piti ca, ñehe, curusare tiquirore w̄uã cã dutiahye Jesu bato pehe.

²⁷ Sa ye masa peyequina Jesure ihña n̄uã tãhye. Sa ye masa watoa ijiyequina numia tiquirore tiquina sa yegũ ihñañe tutuaro utiahye. ²⁸ Tiquina utigũ tũhoro, tiquina numiare Jesu majare ihña, ohõ saha niahye:

—Jerusalē cjāna numia, yuhure utieracāhña. M̄sa ye ijiatire, m̄sa pohna ye ijiati gūhure utiya. ²⁹ Apeye decori ijigū ña yuhduaro yuhduata m̄sa. Ti pjere masa ohō saha nieta. “Pohna mariena numia, pohna tiena numia, apūoedari numia yojop̄ mari ijigū quehnoa yuhduaboaga”, nieta numia. ³⁰ Ti pjere cun̄re ohō saha ni yahuducuenta masa. “M̄h̄ cun̄ usā buip̄ bora dijia taya. Usāre n̄hoña”, nieta masa cueye. ³¹ Masa yuhure buhiri mariegure ohō saha tiquina yegū, ñañe buhiri caoyequina pehe ña yuhduaro wahaeta, niahye Jesu.

³² Apequina p̄aro dutiyere yuhduacayequina tiquina ijigū tiquina gūhure Jesu mehna tiquina wejēatiquinare neahye tiquina. ³³ Tiquinare nea, “Dapu pehtoro”, wame tirop̄ esa, curusap̄ Jesure quē biha ohōahye. Sa ye p̄aro yuhduacayequina gūhure apequiore tiquiro poto pehe, apequiore tiquiro cū pehe pehe quē biha ohōahye. ³⁴ Tiquina sa yegū Jesu ohō saha niahye:

—Mai, ahriquina yuhure wejēatiquina yojop̄ tiquina ñano yerire boya tiquinare. Tiquina dahse yerire masiedare tiquina. Sa yegū tiquina ñano yerire boya, niahye Jesu.

Sa ye Jesu suhtire cahme itiyē, tiquina doquepeahye. Tiquiro suhtire “¿Noa yaro ijirotari ohō?” ni cahme doquepeahye tiquina. ³⁵ Sa ye masa top̄ ducuyequina tiquina ihñaducuri watoa judio masa p̄h̄toa Jesure b̄j̄peahye:

—Tiquiro apequina masare yariaboriquinare yuhduoñoh̄ti. Sa yero tiquiro Cristo Cohācjū be-

seriquiro ijiro, yojopu yariaboriquiro ijiro, tiquiro basi yuhduoahro, ni, bujupeahye tiquina.

³⁶ Surara gũh tiquirore bujupeahye. Jesu cahapu esa, tiquina tiquirore ñañe co vinore ohomahye. ³⁷ Tire yeye ohõ saha niahye tiquina:

—Mũh judio masa tiquina puhto ijigu mũh basi yuhduya. Sa yegu yuhdu witigata mũh, ni, bujupeahye tiquina.

³⁸ Sa ye tiquiro bui ohõ saha ni ojoa ohõahye. “AHRIQUIRO JUDIO MASA PUHTORO IJIRE”, ni, ojoa ohõahye.

³⁹ Apequiro tiquiro mehna tiquina quẽ biha ohõriquiro yuhducariquiro pehe ñano yahuducuahye Jesure:

—¿Mũh Cristo masare yuhduoacju ijierajari? Mũh basi, usã gũhare yedohoya, niahye tiquiro Jesure.

⁴⁰ Tiquiro sa nigũ tũhoro apequiro yuhducariquiro Jesu poto pehepu tiquina quẽ biha ohõriquiro pehe tiquirore ohõ saha niahye:

—Mari gũhare poto ijiye mehna buhiri dahrere tiquina. ¿Dahsegu Cohãcjũre ne ño peerajari mũh? ⁴¹ Marine ñañe buhiri ye, poto yeye nine tiquina. Ñañene mari yeri buhiri marine buhiri dahrere tiquina. Ahriquiro pehe ñañene yerare, niahye tiquiro apequiro yuhducariquirore.

⁴² Sa nino, tiquiro Jesure ohõ saha niahye:

—Jesu, mũh puhto ijigu tojoa tagu, yũhare wacũña, niahye tiquiro Jesure.

⁴³ —Mũhare ahrire nii niaja. Miare paraíso wame tiropu mũh yũh mehna ijiita, niahye Jesu tiquirore.

Jesu yariaa wahahye

(Mt 27.45-56; Mr 15.33-41; Jn 19.28-30; He 6.19-20; 10.19-20)

⁴⁴ Sa ye coheri pje ijigũ asũ asi duhuahye. Sa yero ijipihtiro ti dihtapũre ihtia hora waro quehnoano nahitiahye. ⁴⁵ Nahitiari watoa, Cohãcjũ wũhũ cjã suhtiro cahsero, tiquina tore cahmotari cahsero decopũ ti cahsero uhmũsepũ tũhnũ dũca, tũhnũ yojoa saa wahahye. ⁴⁶ Sa yero Jesu tutuaro sañuducuahye:

—Mai, yũhũ jeripohnare mũhare wiaja mũhũ ihña ihboatire, ni, sañuducuahye Jesu.

Sa ni tuhasa yariaa wahahye.

⁴⁷ Tiquiro sa yariagũ ihñano, surara pũhtoro pehe “Cohãcjũ tutuariquiro ijire”, nino, “Ahriquiro Jesu mũnano potota quehnoariquiro ijimeya”, niahye surara pũhtoro.

⁴⁸ Sa ye tiquina wejẽgũ ihñañe ahtariquina Jesu tiquiro yariagũ ihñañe, tiquina ye wũhũsepũ tojoaa wahahye. Tojoaa waha, tiquina ñañe yerire bũjũa witiye mehna tiquina cutiro bui quẽ ohõahye. ⁴⁹ Ijipihtiyequina Jesu yequina tiquiro mehna cjẽna Galileapũ tiquiro mehna ahtariquina numia gũhũ Jesure yoaropũ ihñaducuahye.

Jesu pagũre masa copepũ cũahye

(Mt 27.57-61; Mr 15.42-47; Jn 19.38-42)

⁵⁰⁻⁵¹ Ti pjere José wame tiriquiro topũ ijiahye. Judea yehpa cjã maca Arimatea wame tiri maca cjũno ijiahye. Sa yero tiquiro quehnoariquiro, poto yeriquiro ijiro, Cohãcjũ pũhtoro iji dũcatire cohteriquiro ijiahye. Sa yero tiquiro judio masa pũhtoa mehna cjũno ijieperota Jesure tiquina

wejē dutigū cahmedamahye tiquiro. ⁵² Sa yero Pilato cahapꝰ esa, Jesu pagꝰre siniahye. ⁵³ Sini tuhasa, Jesu pagꝰre ne dijio, quehnoari suhtiro mehna tiquiro pagꝰre wahmeahye. Sa wahme tuhasa, masa copepꝰ utāpꝰ tiquina seheri copepꝰ cūahye tiquiro pagꝰre. Ti copere ne apequina yariariquinare cūedarīahye. ⁵⁴ Ti deco saurú deco ijiatire tiquina quehnoyuri deco ijiahye. Saurú tiquina sori deco ijiasi mehenogā dꝰhsahye.

⁵⁵ Sa ye Galileapꝰ Jesu mehna ahtariquina numia masa copepꝰ José mehna wahahye. Masa copepꝰ esa, ti copere ihña, Jesu pagꝰre tiquina cūrire ihñahye. ⁵⁶ Came tiquina ye wꝰhꝰsepꝰ tojoaa waha, ehme sitiye co, wisõñe mehna quehnoahye tiquina. Sa ye saurú ijigū Cohācjū dutiye Moiserre tiquiro cūri dutiye nino sahata tiquina soahye.

24

Jesu masa wijiahye

(Mt 28.1-10; Mr 16.1-8; Jn 20.1-10)

¹ Domingo ijigū bohrearopꝰ tiquina numia ehme sitiye tiquina quehnorire Jesu masa copepꝰ ne cāmahye. ² Ti copepꝰ esa, ti copere bihariare utāre tiquina pōo duhu cūria utāre ihñahye. ³ Sa ihñañe tiquina ti copepꝰ sajāa wahahye. Jesu pagꝰre bocaerahye tiquina. ⁴ Tiquiro pagꝰre bocaera, “¿Dꝰhse wahayari?” ni tꝰhotuahye tiquina. Tiquina sa ni tꝰhotu yahuducuri watoa pꝰaro ꝰmꝰa asi siteye suhti sañañequina tiquina cahapꝰ ducuahye. ⁵ Topꝰ tiquina ducugū ihña, numia cueye, dꝰsepe curi mehna quehe sahye. Sa ye ꝰmꝰa pehe tiquinare yahuahye:

—¿Duhseña yariariquiro ijirore Jesure macajari m̄sa? Yojoṗ̄re tiquiro catiriquiro ijire. ⁶ Tiquiro ohõre mariedare. Masa wijia tuhasari. ¿Sohõ ijiri ṗjere tiquiro Galileap̄ m̄sa mehna ijiro m̄sare tiquiro nidire wacũajari m̄sa? ⁷ “Yuh̄re Cohãcjũ ohoriḡre apequiro ohorota ñañequinare. Tiquiro ohori bato yuh̄re curusap̄ quẽ biha wejẽeta tiquina. Sa yeḡ yuh̄ yariari bato ihtia deco wahaboro masa wijiaḡtja yuh̄”, nidi m̄sare. ¿Tiquiro sa nidire wacũajari m̄sa? niahye m̄ma pehe.

⁸ Tiquina sa nigũ t̄hoye, numia pehe tiquiro nidire wacũahye. ⁹ Tiquina sa nidi bato tiquina tojoaa waha, once buheyequinare apequina ḡh̄re tire yahu pehoahye. ¹⁰ Tiquina numia pehe María Magdalena, Juana, María Santiago pacoro ijiahye. Tiquina numia apequina numia ḡh̄ ijiahye Jesu buheyequinare yahuri numia. ¹¹ Tiquina sa ni yahuepeḡta Jesu buheyequina pehe “Poto niñe niedaga. Ni mehoñe niaga ahriquina numia”, ni t̄hotumahye. Sa ye tiquina numiare t̄ho duer-ahye.

¹² Tiquina sa nigũ t̄horo, Pedro pehe masa copep̄ oma cã, ihñano wahahye. Ti copep̄ esa, tiquiro muhri ihña s̄ahye. Jesure tiquina wahmedi suhtiro dihitare ihñahye. “¿Duhse wahayari?” ni, t̄hotu, tiquiro ya wah̄p̄ tojoaa wahahye.

Emau wame tiri maca cjã mahap̄ Jesu bajuahye (Mr 16.12-13)

¹³ Ti decota ṗaro Jesu buheyequina mehna cjẽna Emau wame tiri macap̄ wahaye niahye.

Jerusalē once kilómetro yoaro ijire Emaup_u esato. ¹⁴ Emaup_u waha, ijipihtiye Jerusalēp_u ti pjere Jesu tiquiro sa waharire tiquirore tiquina ñano yerire yahuducu cãñe niahye. ¹⁵ Tiquina sa ni yahuducuri watoa Jesu pehe tiquina cahap_u esa, tiquina mehna wahahye. ¹⁶ Sa ye tiquirore ihñaepeta tiquina tiquirore ihña masiedahye.

¹⁷ —¿Duhse ni yahuducu cãna niajari masa? ni, sinituahye Jesu.

Tiquiro sa nigũ tiquina b_uj_ua witiyequina esad_ucahye.

¹⁸ Cleofa wame tiriquire pehe Jesure yahtiahye:

—¿Yojop_ure Jerusalēp_u tiquina yerire mah_u di-hita masiedajari? ni sinituahye tiquiro.

¹⁹ —¿Duhse wahari Jerusalēp_ure? niahye Jesu.

Tiquiro sa nigũ Cleofa yahtiahye:

—Jesure Nazare cjēnore tiquina yerire nina niaja. Tiquiro Cohācjū yere yahu mahtariquire ijimedi. Sa ye tiquiro yahuducurire t_uhoye, tiquiro yeri gūh_ure ihñañe, “Tutuariquire ijire”, ni, t_uhotumedi masa. Cohācjū gūh_u sata ni t_uhotuaga. ²⁰ Mari pahia p_uhtoa, apequina p_uhtoa mehna tiquirore wejē dutiye, apequinare ohori. Tiquina sa ohogū apequina pehe tiquirore curusap_u quē biha wejēdi. ²¹ “Roma cjēnare cohātiquiro Israe masa p_uhtoro ijiatiquiro ijire”, ni, t_uhotumi usã tiquirore. Mia mehna ihtia deco wahare tiquiro yariari bato. ²² Meheñequinagã numia usã mehna cjēna numia usāre ac_uagū yeri. Bohrearop_u Jesu tiquiro masa copep_u tiquina numia esa, ²³ tiquiro pag_ure bocaerañohti. Tiquiro pag_ure bocaeraye, tiquina tojoa wihi yahuri.

“Ŭsãre angele bajuari. Jesu catiñohti”, ni yahuri ũsãre numia pehe. ²⁴ Tiquina sa nigũ apequina ũsã mehna cjēna ti copepũ esa, numia tiquina nidiro sahata ihñañohti. Tiquina gũhũ Jesure ihñedañohti, niahye tiquiro Jesure.

²⁵ Tiquiro sa nidi bato Jesu yahuahye tiquinare:

—Mũsa ne tũho masiedare. ¿Cohãcjũ yere yahu mũhtariquina mũna tiquina nidire quehnoano tũhoerari mũsa? ²⁶ Cristore tiquiro pũhtoro ijiato pano ũhmũsepũ tiquiro mũjato pano tiquirore ñano yũhdũro cahmedi. ¿Tire masiedajari mũsa? niahye Jesu tiquinare.

²⁷ Sa nino Cohãcjũ Cristore tiquiro ni yahu tiquina ojoarire Jesu yahu peho cãhye tiquinare. Moise mũnano tiquiro ojoarire Jesu yahu dũcahye. Sa yero ijipihtiyequina Cohãcjũ yere yahu mũhtariquina Cristore tiquina ojoari gũhũre yahu peho cãhye tiquiro.

²⁸ Tiquina wahari macapũ tiquina esaye taye yegũ, Jesu pehe tiquinare yũhdũ cãa wahamahye. ²⁹ Tiquiro sa yepegũta tiquina tiquirore waha dũtierahye:

—Ŭsã mehna tojoaya. Ñamicahapũ ijire. Nahinopũ nine, niahye tiquina tiquirore.

Sa yero Jesu tiquina mehna wũhũpũ sajãa wahahye. ³⁰ Wũhũpũ sajã sa, tiquiro tiquina mehna ihyari mesapũ nuju sa, pãre ne, Cohãcjũre “Quehnoare”, niahye. Sa nino ti pãre nuha ne, tiquinare ohoahye. ³¹ Tiquiro sa yegũ ihñañe tiquina Jesure ihña masiahye. Tiquina ihña masi dũcagũta tiquiro buti maa wahahye. ³² Tiquiro sa

buti maa wahagũ ihñañe tiquina basi ohõ saha ni yahuducuahye:

—Mahap̄u tiquiro marine tiquiro yahuducuri watoa Cohãcjũ tiquiro ojoarire tiquiro yahuri watoa mari jeripohnari mehna quehnoano bucueye mehna t̄ahotuu mari, niahye tiquina basi.

³³ Sa ni tuhasa tiquina duita Jerusalēp̄u majare tojoaa wahahye tja. Top̄u esa, once buheyequinare apequina mehna cahmecoañequinare bocaheye. ³⁴ Tiquina esagũ, once buheyequina ohõ saha niahye:

—Potota mari p̄uhtoro masa wijiañohti. Simo Pedro tiquirore ihñañohti, niahye once buheyequina.

³⁵ Tiquina sa nigũ p̄uaro Emau cjēna mahap̄u Jesure tiquina ihñarire yahuahye:

—Jesu p̄are tiquiro nuhagũ usã ihña masii tiquirore, ni, yahu pehoahye tiquina apequinare.

Jesu tiquiro buheyequinare bajuahye
(Mt 28.16-20; Mr 16.14-18; Jn 20.19-23)

³⁶ Tiquina sa ni yahuri watoa tiquina cahap̄u iji tuhasahye Jesu pehe.

—¿Ijijari m̄usa? niahye tiquiro tiquinare.

³⁷ Tiquiro sa nigũ t̄ahoye tiquina “Mari yariariquiro m̄nanore ihñana niaja”, ni t̄ahotuye, tutuaro cueahye. ³⁸ Tiquina sa cuegũ ihñano tiquiro tiquinare yahuahye:

—¿D̄uhsena cueajari m̄usa? ¿D̄uhsena “Ahri poto ijierare”, nijari m̄usa? ³⁹ Ȳuh̄u omocarine, ȳuh̄u dahpocãri ḡuh̄ure ihñaña. M̄usa ȳuh̄ure ihñana, ihña masinata. Ȳuh̄ure ñehe tuhuya. Ñehe tuhuna masinata m̄usa. Yariariquiro m̄nanop̄u

pagu mariedare. Yuhu pehe pagu tiaja, niahye Jesu.

⁴⁰ Sa nino tiquiro omocari gũhare, tiquiro dahpocãri gũhare ihñoahye tiquinare. ⁴¹ Tiquiro sa ihñoepẽgũta tiquina tutuaro bucue, ihña maria waha, “Ahri poto ijieraga”, ni tahoturĩahye. Tiquina sa tahotugũ masino Jesu tiquinare sinituahye:

—¿Ohõpũ ihyaye ijiajari? niahye tiquiro.

⁴² Tiquiro sa nigũ tahoye wahi dohariquirõre ohoahye tiquirõre. ⁴³ Tire ne, tiquina ihñonopũ Jesu ihyahye. ⁴⁴ Ihya tuhasa, Jesu yahuahye tiquinare:

—Sohõ ijiri pje musa mehna ijigũ musare yuhu yahuriro sahata yojopũ yuhu sa wahau. Cohãcjũ dutiye Moise marine tiquiro cũri tiquiro sa ni ojoariro sahata yuhure sa wahari. Cohãcjũ yere yahu mahtariquina, Salmo ojoari pũre ojoayequina gũhu panopũ yuhure tiquina ni yahuriro sahata yojopũre yuhure sa wahari. Sa wahacjũta ijii yuhu, niahye Jesu.

⁴⁵ Sa ni tuhasa Cohãcjũ yere tiquina yahu ojoarire tiquiro buheyequinare masigũ yeahye Jesu:

⁴⁶ —Cohãcjũ yere tiquina ojoari ohõ saha nine: “Cristore ñano yuhũaro cahmene. Sa yero ihtia deco wahaboro tiquiro yariari bato tiquiro masa wijiarta. ⁴⁷ Tiquiro masa wijiari bato ijipihtiye yehparipũ tiquiro yequina Cristo yere yahueta. Masa tiquina ñañene tiquina bujua witiatire, quehnoañene tiquina comesatire Cohãcjũ tiquina ñañene tiquiro cohãtire yahueta tiquiro yequina.

Sa yahuye taye, Jerusalēp_u yahu d_ucaeta”, niahye Cohācjū yere tiquina ojoari pūp_u, niahye Jesu.

⁴⁸ Sa ni tuhasa ohō saha ni yahu nemoahye:

—M_usa pehe ahri ijipihtiyere ihñarina ijire. Sa yena apequinare yahunata. ⁴⁹ “Espíritu Santore m_usare ohoutja”, Cohācjū tiqiro nidiquirore u_hu_h pehe m_usare ohoutja. Tiquiro u_hm_use c_hē tutuayere ohoatiquiro ijire. Sa yena Jerusalēp_u tiqiro wihiatire cohteya m_usa, niahye Jesu tiqiro buheyequinare.

Jesu u_hm_usep_u m_ujaa wahahye

(Mr 16.19-20)

⁵⁰ Sa ni tuhasa Jesu tiquinare Jerusalēp_u ijiyequinare Betania cahap_u neahye. Top_u esa, Jesu tiqiro omocarine ne m_uo, “Quehnoano ijiya”, niahye tiquinare. ⁵¹ Sa ni tuhasa, tiquinare cū, u_hm_usep_u m_ujaa wahahye. ⁵² Tiquiro m_ujari bato tiquina tiqirore ño peo, Jerusalēp_u tutuaro bucueye mehna tojoaa wahahye. ⁵³ Top_u iji, decoripe tiquina Cohācjū w_hu_hp_u Cohācjū mehna yahuducu, “Quehnoare”, ni ño peohye tiquina tiqirore. To punota ijire.

Cohãcjũ Yere Yahuducuri Tju
New Testament in Piratapuyo (CO:pir:Piratapuyo)

copyright © 2011 Wycliffe Bible Translators, Inc.

Language: Piratapuyo

Translation by: Wycliffe Bible Translators, Inc.

Piratapuyo [pir], Colombia

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Piratapuyo

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022
ad83cef1-6eb5-5233-a8f3-356e47bbda0d